

Қазақстан Республикасы Білім және ғылым министрлігі ұсынған

Т.Н.Ермекова, К.Ә.Бертілеуова, Р.Н.Мұнасаева

ҚАЗАҚ ТІЛІ

Жалпы білім беретін мектептің 11-сыныбының
жаратылыстану-математикалық бағытына арналған оқулық

11



ӘОЖ 373.167.1
КБЖ 81.2 Қаз-922
Е 69

Ермекова Т.Н. ж.б.
Е 69 Қазақ тілі: жалпы білім беретін мектептің 11-сыныбының жаратылыстану-математикалық бағытына арналған оқулық. / Т.Н.Ермекова, К.Ә.Бертилеуова, Р.Н.Мұнасаева. – Нұр-Сұлтан: «Арман-ПВ» баспасы, 2020. – 144 бет.

ISBN 978-601-318-295-7

Оқулықта оқушылардың дүниетанымын кеңейтіп, алған білімдерін өмірде қолдана білуге машиқтандыратын, сонымен бірге қосымша ізденісті, қазіргі ақпараттық технологияның кең мүмкіндіктерін пайдалануды, шығармашылықпен жұмыс жасауды қажет ететін тапсырмалар қамтылды.

ӘОЖ 373.167.1
КБЖ 81.2 Қаз-922

ISBN 978-601-318-295-7

© Ермекова Т.Н.,
Бертилеуова К.Ә.,
Мұнасаева Р.Н., 2020
© «Арман-ПВ» баспасы, 2020

Барлық құқығы қорғалған. Баспаның рұқсатынсыз көшіріп басуға болмайды

Оқулықта қолданылған шартты белгілер:



Грамматикалық материалдар. Анықтамалар, ережелер



Шешендік сөздер. Шешендік сөздер туралы ұғым-түсінік



Грамматикалық материалдарға, шешендік сөздерге қатысты тапсырмалар



Ойтүрткі. Тақырыпқа бағдар беретін сұрақтар



Оқылым. Оқулықта ұсынылған тақырыптар бойынша танымдық мәтіндер



Тындалым және айтылым. Аудиомәтіндер бойынша берілген тапсырмалар



Жазылым. Оқылым және тындалым материалдары негізінде езіндік түжірым жасауға бағытталған жаттығулар



Әдеби тіл нормалары. Тілдік салуаттылықты арттыруға арналған жаттығулар



Сұхбат. Сұрақ-жауап түрінде тілдік қарым-қатынасқа түсуге арналған тапсырмалар



Гибратты сөз. Тағылымы мол даналық сөздер



Артық болмас білгенің. Тақырып бойынша тың деректер, қызық мөліметтер



Ізденімдік тапсырма. Ақпараттық деректерді іздең тауып, зерттеу жүргізуге бағытталған тапсырмалар



Жағдаяттық тапсырма. Турлі жағдаяттарда шешім қабылдауға дағдыландыратын тапсырмалар



Топтық тапсырма. Топқа бөлініп орындалатын тапсырмалар



Үй тапсырмасы. Тақырып бойынша алған білім негізінде үйде орындалатын тапсырмалар

Назар аудар

Электронды қосымша жүктелген CD қолжетімсіз болған жағдайда, қосымшаны armen-pv.kz сайтынан тауып, өз компьютеріңе жүктеп алуыңа болады



Алғы сөз

Қымбатты оқушылар!

Қазақстан Республикасының азаматы ретінде мақтан ететін мына мәлімет естерінде жүрсін: еліміздің мемлекеттік тілі – қазақ тілі – әлемдегі алты мыңға жуық тілдердің ішінде тіл байлығы мен көркемдігі, оралымдылығы жағынан алдыңғы қатардан орын алатын тіл. Сондай-ақ ол дүниежүзіндегі ауызша және жазбаща тіл мәдениеті қалыптасқан алты жұз тілдің және мемлекеттік мәртебеге ие екі жұз тілдің қатарында тұр. Осында тілдің мұрагері болу, оның грамматикалық құрылымы мен тіл байлығын игеру үлкен мәртебе және жауапты іс екенін түсінген боларсындар?!

«Қазақ тілі» оқу-әдістемелік кешені оқулықтан, электронды қосымшадан (СД дискі), Мұғалім кітабы мен Дидактикалық материалдардан тұрады. Қолдарындағы оқулық ана тілінің құдіретін сезіндірумен бірге, сендердің тұлға ретінде, қоғамның белсенді мүшесі ретінде қалыптасуларыңа көмегін тигізеді, мәтіндердегі ақпараттар сендердің танымдарынды кеңейтеді. Қазіргі заман оқушыдан көп ізденуді, жалақпай үйренуді талап етеді. Сол себепті оқулықта қосымша ізденісті, қазіргі ақпараттық технологияның кең мүмкіндіктерін пайдалануды, шығармашылықпен жұмыс жасауды қажет ететін тапсырмалар да берілді. Оқулықтан алған білімдерінді құнделікті өмірде қолдана білуге тырысындар.

Халқымыздың өмірінде шешендік сөздер ерекше орын алады. Шешендік сөздің сүйенер дәлелі мықты, эстетикалық қасиеті, тәрбиелік мәні басым сөз екенін белгілі ғалым, академик Р.Сыздық баса айтқан. Оқулықты меңгеру барысында халықтың тіршілігі мен тұрмысындағы, тарихы мен тағдырындағы түрлі мәселелер жөнінде ойталқы, ойкөкпар, пікір алмасу, пікірсайыс және өнгіме үйымдастыру арқылы сынни пікір айта білуге дағыланасындар. Ендеше, еркін ойлап, дербес пікір айту үшін шешендерден үйрене жүріп, сөз мәнерлілігін сақтай отырып, үздіксіз сөйлеп жаттығу арқылы шешен бола аласындар. Нәтижесінде ойын ауызша және жазбаща сауатты жеткізе алатын, ой-өрісі дамыған, туындаған мәселелерді еркін шеше білетін, шынайы өмірге бейім, жаңашыл жеткіншек болатындарыңа сенеміз.

Тіл әлеміне қош келдің, саналы ұрпақ!



БӨЛІМ

ҚАЗАҚСТАН БҮГІНГІ ӘЛЕМДЕ: ҚАЗАҚСТАНЫҢ ӘТКЕҢІ МЕН КЕЛЕШЕГІ

ШЕШЕНДІК СӨЗДЕР

Бұл бөлімде сендер:

- қазақ халқының басынан кешкен қылыштарынан көзөндегі, еліміздің ұлы тұлғалары жайында білесіндер;
- Қазақстанның бүгінгі таңда жеткен жетістіктерімен танысасындар;
- 9–10-сыныптарда әтілген материалдарды еске түсіріп, мәтінге тезис пен аннотация жазасындар;
- ғылыми стильдің зерттеу нысаны, қолданылатын орны, мақсаты, тілдік амал-тәсілдерімен таныс боласындар;
- шешендік өнер тарихы, оның негізін қалаушылар, шешендік өнер негіздері жөнінде ақпаратты менгересіндер.

Уақыт қарқыны – зымыран. Құні кеше өткен уақиғалар бүгінде тарих беттеріне айналып та үлгерді... Ең қызын белестерден аса білдік. Ең қызын жылдар артымызда қалды, сондықтан мен еліміздің еңсесі биіктей беретініне сенемін.

Нұрсұлтан Назарбаев

§1.

Қазақ хандығының негізін қалаушылар



Ғылыми стиль

Ғылыми стиль ғылымның әр саласында жазылған еңбектерде қолданылады. Бұл стильге нақтылық, логикалық, мазмұн дәлдігі тән. Ғылыми стиЛЬДІң лексикасындағы ерекшеліктер: сөз тек өзінің негізгі мағынасында жүмсалады, көпмағыналы, образды сөздер аз кездеседі. Сөйлемдегі сөздердің қалыпты орын тәртібі, тіл нормасы қатаң сақталады және ой күрделі баяндалып, анықтама, дәлелдеме және формуласарға негізделеді.

Монография, оқулық, мақала, ғылыми есеп, диссертация, реферат, баяндама, тезис, патент т.б. ғылыми стиЛЬДЕ жазылады.

Мақсаты	Заттар мен құбылыстардың жалпы ерекшелігін ашып, мәлімет беру.
Қолданылу аясы	Ғылыми еңбектерде, зерттеулерде – жазбаша түрі; ал ғылыми мәжіліс, кеңес т.б. – ауызша түрі.
СтиЛЬДІК СИПАТЫ	Ресми, анық, дәл, нақты, дәлелді.



1. Сұрақтарға жауап беріп, өз ойларынды ортаға салындар.
 1. Қазақ халқының тарихы қай кезеңнен басталды?
 2. Қазақ хандығын құрған тарихи тұлғалар, олардың ұлттымыздың қалыптасуындағы рөлі жайлыш не білесіндер?
2. Мәтіндерді оқып, ғылыми стиЛЬГЕ тән өзіндік ерекшеліктерді анықтаңдар.

Керей хан

Керей хан – Қазақ хандығының негізін қалаушы екі тарихи тұлғаның бірі, алғашқы қазақ ханы. XV ғасырдың 50-жылдары Мұхаммед Хайдар Дулатидың «Тарих-и Рашиди» атты еңбегінде Керей ханның есімі туысы Жәнібек ханмен бірге Қазақ хандығының құрылуына қатысты оқығаларда алғаш рет атала бастайды. Онда Керей мен Жәнібектің Әбілхайыр хандығынан бөлініп, Моголстанның батысындағы Шу бойы мен Қозыбасы өңірі аралығына келіп қоныстанғаны баяндалады.

Фылыми мәліметтер бойынша, Қерей хан мен Жәнібек хан қол астындағы ру-тайпалармен 1457 жылдың күзінде Шу өңіріне көшіп келген. Ал 1458 жылдың көктемінде Қерейді хан етіп көтерді. Аз уақыт ішінде Қазақ хандығындағы халықтың саны 200 мыңдан асады.

«Тауарих-и гузида-йи нусратнаме» дерегінде қазақ хандары ретінде Қерей хан мен Жәнібектің есімдері аталса, «Фатхнама», «Шайбанинаме» деректерінде тек қана Жәнібек ханның есімі кездеседі. Дегенмен Қерей хан есімі тарихи деректерде соңғы рет 1472–1473 жылдары Жұніс хан ордасына Бұрыш оғлан деген сұлтанның шабуыл жасауына байланысты аталады. Соған қарағанда Қерей хан 1470 жылдың басында қайтыс болған. Аңыз бойынша, Қерей хан Қазақ хандығын 10 жылдай билеген және Хан тауы етегінде жерленген.

Жәнібек хан

Жәнібек (Әбусаид) – Қазақ хандығы мен қазақ хандары әuletінің негізін қалаушы, Барақ ханның ұлы, Орыс ханның шөбересі. XV ғасырда өмір сүрген. 1450 жылға дейінгі өмірі мен қызметі туралы нақты деректер жоқ. Әбілқайыр хан өлімінен кейін хан тағы үшін болған өзара қырқысулар Дешті Қыпшақта өрши түседі. Оған Жәнібек хан мен Қерей хан да араласып, Әбілқайыр мұрагері Шейх-Хайдар ханмен кескілескен шайқасқа түседі. Өз өміршілері тарапынан ешқандай көмек ала алмаган Шейх-Хайдар билік үшін күресте жеңіліске үшірады. Бұдан кейін Дешті Қыпшақтағы билік Жәнібек хан мен Қерей ханның қолына өтеді. Билік үшін болған күрес нәтижесінде Қазақ хандығы құрылды. XV ғасырдың орта шенінде ежелден Жетісу өңірін мекендеген түркі тайпалары бір этникалық топқа біріге келе, қазақ халқын құрады. Жәнібек хан мен Қерей хан Жетісу өңірі, Шу мен Талас өзендерінің бойын мекендеген қазақтардың басын қосуда көп еңбек сіңірді. Бұл мақсатпен олар өзара қырқысуларды басып, ірі феодалдарды маңайына топтастырды.

Жәнібек ханның өмірінің соңғы жылдары мен өлімі туралы деректер жоқ. Оның есімі тарихи деректерде соңғы рет 1473 жылы кездеседі. Жәнібек хан жиі болатын шайқастардың бірінде қаза тапқан деп болжауға болады. Халық аңыздарында Жәнібек ханды «Әз Жәнібек» деп атаған.

(«Қазақ елінің ұлы тұлғалары» әнциклопедиясынан)



Ойталқы (диспут)

Ойталқы (лат. *disput* – «таласамын») – ғылыми немесе қоғамдық мәселені көпшілік алдында талқылайтын пікірталастың түрі. Ойталқы ғылыми диссертациялар қорғау кеңестерінде, белгілі бір салаға байланысты даулы мәселені немесе өнер туындысын талқылау жиындарында жүзеге асырылады. Ойталқыға жиналған қауым өз көңіліндеңі күмәнді, екішты ойларын нақтылау, ортақ шешімін қарастыру, мәселенің шынайы мүмкіндіктерін іздестіру мақсатында бас қосады. Ортақ шешімге келмеген күнде де шындыққа жанасар мүмкіндіктер туралы пікірлерін ортаға салуға еркіндік беріледі. Тақырып аясында баяндама жасалады.

Ойталқы адамның дүниетанымын қалыптастыруға септігін тигізеді.

Мақсаты	Бағдар берер ой-пікірді ортаға сала отырып, мәселе-нің ортақ шешімін табу жолдарын қарастыру.
Ерекшелігі	Ойталқыға қатысадындар саны үш адамнан кем болмауы керек. Алдын ала белгіленген күн тәртібіндегі тақырып, яғни баяндама тыңдалады. Пікір айтушылар өз еркімен сөйлейді. Сөйлеуші өзіндік көзқарасын білдіруге құқылы. Талас диалог түрінде жүреді. Баяндамашы туындаған сұрақтарға жауап береді. Сұрақ тоқтаған соң төраға қорытындылайды.
Мәдениеті	Тақырыптан ауытқымау. Ойын айту барысында уақыт мөлшерін сақтау. Баяндамашының ойын анықтап сұрап, күмәнді тұстарын айқындалап алу. Баяндама туралы өз пікірін дәлел, дәйектермен жеткізу. Мәселе-леке көзқарасын жеке мүдде тұрғысынан емес, қоғам, ғылым-білім, адамдық қажеттіліктер тұрғысынан қарастыру. Әділеттілікке, дұрыс пікірге қолдау көрсету.



Әлихан Бекейхановтың нақыл сөздері

- Тірі болсам, қазаққа қызмет қылмай қоймаймын.
- Халық ісін жүргізуге көп ақыл, көп қызмет, көп жылғы шебер істеген әдіс керек.
- Біздің жұрт бостандық, теңдік, саясат ісін ұғынбаса, тарих жолында тезек теріп қалады.
- Адам қызметіне кіріспей, қазына тумайды.
- Жер десе – дірілдемей болмайды: жер мәселесі – өмір сұру мәселесінің зоры.

(Дайындаған Нұржігіт Айдархан)



- 3.** Оқылым материалдары мен Әлихан Бекейхановтың нақыл сөздерін негізге алып, «Елімнің өркендеуіне қандай үлес қоса аламын?» тақырыбында ойталқы ұйымдастырындар.

Ойталқы өткізу тәртібі	Уақыты
Ойталқыға қатысушылар: 1) тәраға; 2) ой-пікірге бағдар беретін баяндамашы; 3) баяндамашының ойын жақтайтындар не жоққа шығаратындар болып бөлінеді.	1 минут
Баяндама жасалады.	3 минут
Сұрақ-жауап түрінде пікір таластырады.	4 минут
Қорытынды жасалады.	3 минут



- 4.** Сендерге ойталқыда кімнің сөз саптау мәнері ұнады? Өздерің білестін адамдардың ішінде шешен сөйлейтіндер бар ма? Шешендік шеберлікке қалай қол жеткізуге болады? Өзара сұхбат құрып, ойларынды ортаға салындар.



- 5.** Кате берілген тілдік бірліктерді орфографиялық нормаға сай жазып, мәтін құрастырындар. Құрделі сөздерді анықтаңдар.

Жәнібекхан, Керейхан, үзөңгілестер, Дешті-қыпщақ, 1465-жылы, Ақ орданың ханы, 1472, 1473 жылдары, Есенбұғы хан, Шайбанилік, 200-мыңдан асып, моғолстан ханы, әз-Жәнібек, Жетісу-өнірін, Өзбек-ұлысы, «Көшпелі Өзбектер Мемлекеті», шейх Хайдар.



- 6.** Фылыми стильге сай тілдік құралдарды (тариҳи терминдер мен сөз оралымдарын) орынды қолданып, оқылым мәтіндерінің тезисін жазындар.



- 7.** «Қазақтың ұлы хандары» тақырыбында шығармашылық жұмыстың бір түрін (өлең, әңгіме, шығарма) орындаңдар. Емлесі қыын сөздерді анықтап, түсініктеме беріңдер.

Емлесі қыын сөздер	Білдіретін мағынасы

§2.

«Ақтабан шұбырынды, Алқакөл сұлама»



Фылыми стильдің тілдік амал-тәсілдері

- Әр ғылым саласының өзіне тән терминдері мен атаулары қолданылады. Мысалы, химия ғылымында: *элементтер, минералдар; физика ғылымында: атом, күш; лингвистика ғылымында: морфология, фонетика; биология ғылымында: ағза, жасуша т.б.*
- Фылыми стильдің өзіне тән синтаксистік құрылымы болады. Тұрақты үлгідегі сөйлемдер, сөз тіркестері молынан пайдаланылады.
- Өткен шақ, осы шақтағы хабарлы сөйлемдер жиі қолданылады.
- Ұрықсыз етістіктен жасалған баяндауыштар көп жұмсалады.
- Ойдың ағынын білдіретін үстеулер мен шылаулар кездеседі. Мысалы: *сондықтан, содан кейін, әрі қарай, бойынша т.б.*
- Сөйлемдердегі ойдың бір-бірімен өзара қатынасын білдіретін қыстырма сөздер де ұшырасады. Мысалы: *біріншіден, екіншіден, қорыта келгенде, зерттеу нәтижесінде т.б.*



1. Ойтұрткі сұрақтарына жауап беріңдер.

- Қазақ елінің тарихында қандай ірі тарихи оқиғалар орын алды?
- «Қаратаудың басынан көш келеді» өнінің шығу тарихын білесіңдер ме?



2. Мәтінді оқындар. Халықты атақонысынан айырған тағы қандай тарихи оқиғаларды білесіңдер? Ойларыңды ортаға салыңдар.

Ақтабан шұбырынды, Алқакөл сұлама

«Ақтабан шұбырынды, Алқакөл сұлама» – қазақ халықының жоңғар шапқыншылығы (1723–1725) салдарынан басынан кешкен ауыр қасіретін, босқыншылыққа ұшыраған кезеңін бейнелейтін ұғым. Осы жаугершілік басталардың алдында қазақ даласында ұзақ уақытқа созылған алапат жұттың салдары ете ауыр болды: үш жүздің саяси-әлеуметтік байланысы өлсіреді, халықтың әл-ауқаты төменеді.

Ішкі алауыздық, билікке деген талас-тартыс қауіпті жаудың бар екендігін ұмыттырды. Жұттан жұтап шыққан жүрт ес жинай алмай жатқан кезде, жоңғар өскерінің жеті түмен ауыр қолының анталаған басқыншылығына тап болды. Жер аздырған жұт пен жұрт тоздырған шапқыншылық қазақ елінің хал-ахуалын мұлде ойсыратып жіберді.

Жоңғар ханы Цеван Рабтан қазақ жеріне наиза, садақ-пен емес, отты қарулар – зеңбірек, мылтықпен қаруланған қолымен басып кірді. Бұл зобалаңың тұсында қазақтардың жүз мындағы қолы шығынға ұшырап, ел ұл-қыздарынан айырылып, мал-мұлқі талан-таражға түсті. Атажұрт, атақонысынан ауып, жаппай босқыншылыққа ұшырады. Қазақ тарихындағы бұл ұлы басқыншылық әтностиң санасында өшпестей сақталып, «Ақтабан шұбырынды, Алқакөл сұлама» деген тарихи фразеологизм қалыптасты.

Ұлы жұз, Орта жұз қазақтарының Қаратая асып, Сырдан өтіп, Алқакөлде қырғынға ұшыраған жері – «Алқакөл сұлама»; Кіші жұз қазақтарының Қаратаудан Түркістанға келіп, одан Сауранды айналып, Бұхараға бет түзеген шұбырынды көші – «Сауран айналған», ал Орта жүздің бір бөлігінің Қаратаудан солтүстікке қарай ауған шұбырынды жолы «қайың сауғанда, ел ауғанда» деп келетін фразеологизмдерде көрініс тапты. Негізгі асы ет пен сүт болған босқын қазақтар қайыңың қабығын тіліп, шырынын ішуге, алғыр (ащы өсімдіктің тамыры), қозықүйрық (саңырауқұлактың түрі) сияқты жеуге жарамды шөптесін өсімдіктерді талғажау етуге мәжбүр болды. Жоңғарлардың шапқыншылығына көршілес қырғыз халқы да ұшырап, атақонысынан Фиссанға ауа көшеді. Осы жайтқа байланысты қалыптасқан «Қазақ қайың сауғанда, қырғыз Фиссан ауғанда» деген тарихи фразеологизм аталмыш оқиғаның екі халықтың тағдырына үлкен ауыртпалық әкелгендігін айғақтайды.

(«Қазақтың этнографиялық категориялар, ұғымдар мен атауларының дәстүрлі жүйесі» энциклопедиясы, 1-том)



3. Оқылым мәтінінің ғылыми стильде жазылғанын дәлелдендер.

Мәтіннің маңызы	Стильдік сипаты	Тілдік амал-тәсілдері



4. 10-сыныпта өткен пунктуация ережелерін еске түсіріңдер. Оқылым мәтінінен бірнеше мысал алғып, тыныс белгілерінің қойылу себептерін түсіндіріңдер.


Үлгі:

Мысалдар	Тыныс белгілері	Қойылу себебі
Қазақ жерінің, қазақ елінің ең сұрапыл қасиretі – «Ақтабан шұбырының, Алқақөл сұлама» оқиғасы.	Утір, сызықша, тырнақша	



Шешендік өнер

Шешендік өнер қай қоғамда болса да, халықта, қалың көпшілікке әсер ететін, оның санасын, сезімін баурап, жігерін тасытатын қуатты құрал болып келген және күні бүгінге дейін сол күшін, қасиетін жойған жоқ. Демек, әрбір білімді, мәдениетті адам үшін шешендік өнердің тарихымен танысып, теориясымен қарулану әсте артық емес. Шешендік сөздерді зерттеу, талдау, оқып-үйрену ана тіліміздің байлығын, дұрыс сөйлеу заңын жетік білуімізге, ой-өрісімізді кеңейтуге себепші болады.





5. Үш топқа бөлініп, тапсырмаларды орындаңдар.

1-топ. Оқылым мәтіні бойынша ғылыми стильде аннотация жазындар.

2-топ. «Ақтабан шұбырынды, Алқакөл сұлама» оқиғасы туралы мәтін жазындар. Жазба жұмыстарынды жүптарыңмен ауыстырып, логикалық және стильтік түзетулер енгізіп, редакцияландар.

3-топ. Төле бидің: «Уа, көсіле шабар жерің бар, Ту көтерер ерің бар», – деп, қыын кезеңде елді жауға қарсы жұмылдырғаны туралы шешендей сөзді тауып оқып, талдандар.

Шешендей сөз қандай жағдайда туған?	Шешендей сөздің көтерген тақырыбы	Шешендей сөз бізге қалай жеткен?



6. Қазақ шешендей өнерінің көрнекті өкілдерінің нақыл сөздерін сәйкестендіріңдер. Тақырыппен байланысын анықтаңдар.

Бөлтірік шешен		Еділ бол да, Жайық бол, Ешкімменен ұрыспа! Жолдасыңа жау тисе, Жанынды аяп тұрыспа!
Асанқайғы		Атаның ұлы ерлерге Малынды бер де, басың қос, Басынды қос та, бек сыйлас! Күндердің күні болғанда Басың жауда қалар ма?!
Шалқиіз жырау		Білектің құшінде кеткеніңді Біліктің құшімен қайтардым. Найзаның ұшында кеткеніңді Тілдің ұшымен қайтардым.
Әйтке би		Алтын ұяң – Отан қымбат, Құт берекең – атаң қымбат. Аймалайтын анаң қымбат, Мейірімді апаң қымбат.
Қазыбек би		Біз үш жұз керіспейік, келісейік! Егер керісе қойсақ, бізге Хандық түгіл ондық та жоқ.



7. Энциклопедиялар мен анықтамалықтардан ізденіп, «Ақтабан шұбырынды, Алқакөл сұлама» тақырыбына жазылған ғылыми еңбектің тезистік жоспарын құрастырындар.

§3.

1916 жылғы ұлт-азаттық көтеріліс



1. Сұрақтарға жауап беріп, осы оқиға жайлы өз ойларыңды айтындар.
 1. Қазақ даласын түгел қамтыған 1916 жылғы ұлт-азаттық көтерілістің шығу себептерін білесіндер ме?
 2. Ұлт-азаттық көтерілісті өз шығармаларына арқау еткен қандай ақын-жазушыларды білесіндер?



2. Мәтінді оқып, тезисін немесе аннотациясын жазу мақсатында негізгі ақпаратты іріктендер.

Жамбыл және 1916 жылғы көтеріліс

Қазақстанның түкпір-түкпірін қамтыған ұлт-азаттық көтерілісіне патша өкіметінің 1916 жылғы маусым жарлығы түрткі болып қана қойған жоқ. Патша өкіметінің отарлық саясаты, шұрайлы жерлерді тартып алуды да көтеріліс отын үрлейді. Бұл – қазақ халқы үшін өте ауыр кезең еді. Торғайда Амангелді Имановтың, Жетісуда Бекболат Әшекеевтің ел бастап шыққан ерліктері сол күннің өзінде халық арасында жыр болып, азызға айналды.

1916 жылғы көтерілістің ішкі-сиртқы сипатын Жамбыл жырларынан айқын көруге болады. Ақын тарихи шындықты шынайы көрсететін «Патша өмірі тарылды», «Зілді бүй-рық» т.б. жалынды жырларын шығарды. «Қазақ жастарын окоп жұмысына алады» деген хабарды естігенде, ел басына тәнген қатерді ақын былай жырлайды:

Верныйдан жандаралдар бүйрық қылды,
Қүйрығы бүйрығының тіпті зілді.
«Отыз бір – он тоғызды алад» деген
Суық хабар халықты бұлқындырды...

Ол бүқара халықтың осындай ауыр жағдайға ұшырау себептерінің түп-тамырын ашып, елді патшага бас имеуге, бағынбауға, оның озбырлығына қарсы күресуге шақырады. Жетісудағы, соның ішінде Қарғалы, Самсы, Қастек көтерілістеріне кеңінен тоқталады. Мысалы, жырда Қарғалы көтерілісі туралы былай делінеді:

Жиылды бозбалалар бір кезенге,
«Қарғалы» деген тасқын бір өзенге.

Пристав кетті «еріксіз аламын» деп,
«Көресің бұл істі, – деп, – кезегінде».
Бәрін де ол пристав жатташ алды,
Басшыларын қағазға қатташ алды.
Аттандырып бұл елге солдаттарын,
Басты-басты кісіні сапташ алды.
Келді де, алыш кетті жақсыны айдал,
Барады боздақтардың көзі жайнаш...

Жалпы, Жамбыл жырларында көтерілістің тууы, өрбүі, халықтың сана-сезімінің оянуы жан-жақты жырланады. Ел Жәкенің өлеңдерін жатқа айтқан. Кейін көтеріліс саябырласа да, Жамбылдың өлеңдері ел аузында сақталып қала берді. Қарт ақын кейінгі үрпаққа Амангелдінің батырлық істерін өнеге етеді:

Батыр бол, балаларым, бәрің дағы,
Тап берген дүшпан иттің сынсын сағы.
Семсерін Амангелді тот баспасын,
Ел қорға, ұлы күннің туса шағы!

1916 жылғы ұлт-азаттық көтеріліс – Жамбыл шығармашылығындағы ең негізгі тақырыптардың бірі. Ол осы көтеріліске қатынасқан, тарихи оқиғаның күесі болған. Қолындағы домбырасын қару етіп, елді рухтандырып, патша өкіметінің қанауына қарсы көтеріліске шақырған. Жамбылдың шығармалары – біз үшін қымбат қазына. Өйткені ол 1916 жыл оқиғасына арналған жырларында тарихи шындықты нақты түрде баяндап бере алған.

(Сабырхан Смагловтың «Жамбыл және 1916 жылғы көтеріліс» мақаласынан)



3. Берілген үзіндіге тыныс белгілерін қойып, көшіріп жазындар. Тыныс белгілерінің қойылу себептерін түсіндіріңдер.

1916 жылғы көтеріліс туралы сөз болғанда Торғайдығы Амангелді Жетісудағы Ұзақ Жәменеке Бекболат бастаған қозғалыстар еске түседі. Әр жерде бүрк ете түскен халық наразылықтары қарулы әскердің көмегімен басылды жансылды. Семей Өскемен Көкпекті Зайсан Аяғөз Үржар сияқты патша бекіністері қазақ даласын тор тәрізді шырмап алған еді. Әрбір 20–25 шақырым сайын қойылған бекеттер шапшаң байланысты қамтамасыз етіп қазақтардың тыптыр етуге шамасын келтірmedі.

(Мұхаметбек Асылбековтың «1916 жылғы ұлт-азаттық көтеріліс – бүкілқазақтық қозғалыс» мақаласынан)



- 4.** Фылыми стильге сай тілдік құралдарды қолданып, оқылым мәтіні бойынша тезис немесе аннотация жазындар.



Шешендік өнер тарихы

Шешендік өнер туралы ғылымды халықаралық тілде **риторика** (көне грек сөзі) дейді. Риторика ғылымының негізін салған софист Протагор (б.з.б. 444 жылы туған) болып есептеледі. Протагор шешендік өнерге байланысты «Айтыс өнері», «Тартыс туралы», «Ғылымдар туралы», «Өткем сөз», «Жарыссөз» атты еңбектер жазған.

Шешендік өнер көне Римде басты орында болды, онда сөз құдіретіне ие адамға тәніріндей табынған. Сенатта, сотта және тағы басқа жынындарда әрбір ерікті азаматтың сөйлеу құқығы болған. Сондықтан шешен сөйлеудің қыр-сырын менгеру мемлекет істеріне араласу талабынан туындағы.

Көне Рим шешендік өнерінің алдыбы деп Цицеронды танимыз. Марк Тулий Цицерон – шешендік өнердің теоретигі. Ол өзінің шешендік өнер туралы ұлғы ойларын «Шешендік өнердің үш трактаты» еңбегінде жазып қалдырыды.

Демосфен риторикадан сабак беріп, пән ретінде негізін қалаған. Оның 170 қолжазбасы мен 60 шешендік сөзі сақталған.

Сондай-ақ Сократ, Платон, Аристотель, Квинтилиандардың есімдерін атап өтуге болады.

Қазақтың үлттық шешендік өнерінің тарихы

Қазақтың шешендік өнерінің дәл қай уақыттан басталатынын дәп басып айту қыын. Себебі қазақ шешендік сөздері қағазға түспей, ауызша айтылып, халық жадында сақталып келді. «Түгел сөздің түбі бір, түп атасы – Майқы би» дейтін де сөз бар. «Майқы – Шыңғысты хан көтерген он екі бидің бірі», – дейді Абай. Бірақ шешендік сөз өнерінің шығу тарихы әлдеқайда әріден басталса керек.

Біз білетін қазақ шешендерінің атасы – Жиренше шешен және ел аузында сақталған шешендік сөздердің ең көнесі де Жиренше атымен байланысты сөздер. Бізге жеткен аңыз-әңгімелерге қарағанда, Жиренше – Әз Жәнібек хан мен Асанқайғы (XIV–XV ғғ.) заманында өмір сүрген адам.

XVI–XVIII ғасырларда шешендік өнерді Шалқиіз, Бұқар, Шортанбай, Дулат, Мұрат, Төле, Қаздауысты Қазыбек, Әйтекелер жалғастырыды. Шешендік өнердің кең қанат жайып, биіктеген кезеңі – XVIII ғасыр. Бұл – қазақ халқының жоңғар, қалмақ, қытай басқыншыларына қарсы тұрып, өз тәуелсіздігін қорғау жолындағы құрес жылдары еді.



Өзінің сөзімен тыңдаушысына әрі білім берсе, әрі көңілін көтерсе, ең мықты шешен – сол. Білім беру – шешенниң міндеті, көңілін көтеру – тыңдарманға көрсеткен құрмет, құшті әсер ету – қажеттілік.

(Марк Тулий Цицерон)



Данышпан Сократ жас ойшыл Ксенофонттан:

- Үндү қайдан сатып алуға болады? – деп сұрайды.
 - Базардан, – депті Ксенофонт.
 - Ал майды ше?
 - Оны да базардан.
 - Ал даналық пен ізгілік алу үшін қайда баруға болады?
Жас жігіт ойланып қалыпты.
 - Маған еріп жүр, мен көрсетейін, – депті Сократ.
- Осыдан бастап Ксенофонт Сократтың әрі шәкірті, әрі шешендік жолындағы сапарлас серігі болған екен...

(«Гұламалар гибраттары» кітабынан)



5. «Даналық пен ізгілікті қайдан алуға болады?» деген сұраққа жауап беріп, шығармашылық жұмыстың бір түрін (өлең, өңгіме, естелік, шығарма) жазындар.



6. Дүние жүзі тарихында шешендігімен танылған озық ойлы, шебер тілді тұлғалар мен олардың нақыл сөздерін сәйкестендіріңдер.

Платон	Шешенниң ең ұлы қасиеті – қажет нәрсені ғана айтуды емес, сонымен бірге қажеті жоқ нәрсені айтпау. Шешен сөзінің дәлелділігін оның әділдікті жан-тәнімен қолдап, қорғауынан айқын көруге болады. Айқындық – сөздің басты артықшылығы. Шешендік – ақылмен билеу өнері.
Аристотель	
Цицерон	
Квинтилиан	



7. Екі тапсырманың бірін орындаңдар.

1. «Шешендік сөз – терең ойға, үтқыр логикаға құрылған құнды мұра, асыл қазына» тақырыбында аргументті әссе жазындар.
2. Риторика ғылымының негізін қалаған шешендер туралы ізденіп, салыстырмалы не хабарламалық әссе жазындар.

§4.

Ел іші – өнер кеніші



1. Суреттермен танысып, сұрақтарға жауап беріңдер.

1. «Ел іші – өнер кеніші» мақалының мағынасын қалай түсіндіресіңдер?
2. Суреттердегі қазақтың әйгілі күйшілерін білесіңдер ме?



2. Мәтінді мұқият оқып, ғылыми стильде жазылғанын дәлелдендер.

Әбу Насыр әл-Фараби еңбектерінің ішіндегі ең шоқтығы биігі – музика саласы. Оның «Музыканың ұлы кітабы» атты трактаты – құрғақ музикалық шығарма емес, бүкіл ортағасырлық ғылымдардың сындарлы ескерткіші. Мұнда ғылымның философиялық мәселелері мол қамтылған, музиканың тәжірибелік және теориялық негізін қалап, музикалық аспаптарда қалай жүзеге асыру жолдарын көрсетіп береді. Нақтылап айтқанда, Фараби теориялық ғылым жасаудың үш шарты негізінде музика теориясын өз бетінше жаңадан жасап шығады. «Музыканың ұлы кітабы» бірнеше тараудан тұрады: «Музыка ғылымына кіріспе», «Музыка ғылымының негіздері», «Музикалық аспаптар», «Музикалық композиция». Бұл еңбек XV ғасырда латын тіліне аударылып, Еуропада музика ғылымының дамуына үлкен әсер етті. Мәселен, бұл еңбекте музиканың теориясы мен практикасында қазір қолданып жүрген он екі жарты тондық музикалық жүйенің бастамасы бар.

«Музыканың ұлы кітабының» 1-тарауында мелодия, музыкаға бейімділік, практикалық және теориялық музыка, музыканың шығуы, музыкалық білім беру, музыкалық өнердің басты принциптері; 2-тарауында музыка ғылымының негіздері; 3-тарауында музыкалық аспаптар жайлар; ал 4-тарауында ырғақ, фонема және фраза, тондар жайлар айтылады.

Әбу Насыр әл-Фарабидің әлем өнеріндегі басты жаңалығы – музыканың теориясын жасауды. Себебі осы уақытқа дейін музыка зерттеушілерінің сөздеріне сүйенер болсақ, «әл-Фараби жасаған музыкалық теория нақты әрі айқын».

(Мұхит Салқынбаевтың «Әл-Фарабидің музыкалық мұрасы» еңбегінен)



3. Оқылым мәтінінің мақсатын, стильдік және тілдік ерекшеліктерін талдаңдар.

Мәтіннің мақсаты	Стильдік сипаты	Тілдік амал-тәсілдері



Шешендік өнер негіздері

Шешендік өнер үш нәрсеге негізделеді:

- 1) табиғи дарын, тума талант;
- 2) жан-жақты білім;
- 3) тынымсыз еңбек, жүйелі жаттығу.

Қазақтың ғұлама ғалымы А.Байтұрсынұлы: «Шешендік сөз де-геніміз – белгілі бір мәселені баяндау, сипаттау, белгілі бір ойдың ақиқаттығын түсіндіру, сөйтіп, ақылға ақыл қосу жағын көздеу. Одан әрі адамның жүргегін билеп, жүйесін босату, қанын қыздыру, намысын келтіру, арқасын қоздыру», – дейді.

Орыс шешендік өнерінің салтуши М.Ломоносов шешен болу үшін бес қасиет қажет екендігін айтады: 1) табиғи дарын; 2) білім; 3) шешендерден үйрену; 4) сөйлеп жаттығу; 5) басқа ғылымдардан хабардар болу. М.Ломоносов табиғи дарындылықты жан дарыны және тән дарыны деп екіге бөледі, жан дарынына – ақыл мен ес, тән дарынына күшті әрі сүйкімді дауыс пен үн жататынын айтады.

Сонымен, шешендіктің екі басты мәселесі – ақылға ақыл қосу мен жүректі тербеу. Сонда шешендік өнер үш мақсатты көздейді: 1) ояту; 2) түсіндіру; 3) толқытып, тебіренту.



- 4.** Мәтінді оқындар. Байдалы бидің бойында А.Байтұрсынұлы мен М.Ломоносов айтқан шешенге тән қасиеттердің қайсысы бар?

Байдалы бидің жұмбағы

Байдалы би қартайып, үйден шықпай, күндіз-түні төсекте жататын болды дегенді естіп, Мұса мырза іздеп келіпті... Мұса қонып, қонақасын жеп, ертесіне жүрмек болады.

— Шырағым, үш ауыз сөз сұрайын, соны шешіп беріп кетші! — дейді қарт. — Алыста не алыс? Жақында не жақын? Тәттіде не тәтті?

Мұса ойланып отырып:

— Жер мен көктің арасы алыс, кісіге туыс жақын, бала тәтті, — дейді.

Сонда Байдалы қарт басын көтеріп:

— Балам, ақылдың өлі алқымыңдан асқан жоқ екен. Білімді мен білімсіздің арасынан алыс жоқ. Жаннан тәтті жоқ. Бала қанша жақсы болса да, жан шығарда адамның өз жанынан тәттісі жоқ. Жақында ажал жақын, — депті.

(«Қазақтың би-шешендері» жинағынан)



- 5.** Өлең мазмұнын өз сөздеріңмен жазындар. Жұптарыңың жазба жұмысына түзетулер енгізіп, редакцияландар.

Саусақтар ойнап, орғып, қаздаң қағып,
Суырып ішек тілін, мұңын шағып,
Жүйріктің шыны қүйі келгенінде,
Шығаннан шыға шаптай тұрсың неғып?
Асқақтап, кейде күйді көкке өрлетіп,
Алыстап, шырқап, сілтеп, өрі кетіп.
Қайырып, қалықтатып, қайта оралтып,
Бірден-бір, ақырын-ақырын төмендетіп.
Үзғытып, өлке өрлетіп, баюлатып,
Соқтырып кейде боран, дауылдатып.
Көңілдің асқарынан тұманды айдап,
Артынан нөсерлетіп, жауындарып.
Ұшырып жер бетімен жазыққа айдап,
Бұрқылдап бірде әлсіреп, бірде қайнап.
Құмайдай тұлкі қуған құлдыраңдап,
Қырандай тұлкі алатын көзі жайнап...

(Глияс Жансүгіровтің «Қүйши» поэмасынан)



- 6.** Мәтіндегі емле және тыныс белгісі қателерін тауып, түзетіңдер. Жай сөйлемдер мен құрмалас сөйлемдерді ажыратындар.

Балбырауын күйүнүң шығу тарихына келсек Браун деген неміс бал үйүмдастырып соған түрмеде жатқан Құрманғазыны алдырады. Құрманғазы осы күйдү сол жерде бірден, шығарып орындаған екен. Бұл күй ауыл жастарының ойын сауығына арналған. Балбырауын күйүнде, бидің негізі бар көңілді шабытты ырғағы жеңіл болып келеді.



- 7.** Фылыми стильге сай тілдік құралдарды қолданып, берілген мәтінің ің аннотациясын жазындар.

Аңыз бойынша, «Башпай» Қорқыттың өмірінің соңында шығарған ақырғы күйі екен. Қорқыт кілемін төсеп, дарияның бетінде отырғанда, қарындасты Ақтамақ ағасына тамақ өкеліп тұрыпты.

Күндіз-түні күй тартып, өліммен алысып, өбден шаршаган күйші бірде қарындастының өкелген тамағын ішкеннен кейін бойы маужырап, көзі ілініп кетеді. Қобыздың үні шықпай тұрған кезде, тамақ салынған дорбамен қайрақ жылан болып ілесіп келген ажал күйшіні шағып алады. Жыланның уы бойына жайылып, өлсіреп бара жатқан Қорқыттан Әзірейіл: «Қандай тілегің бар?» – деп сұрайды. Сонда Қорқыт: «Менің екі күнөм бар. Бірінші – өлімнен қырық бір жыл бойы қашқаным. Бірде Сырдың бетінде кілем жайып отырғанда, алай-түлей дауыл тұрған еді. Сол кезде қарындастыма башпайым тиіп кеткен болатын, екінші күнөм – сол. Сол себепті мені көмгенде осы екі башпайымды ашық қалдырындар!» – деп, қобызын қолына алып, ең соңғы «Башпай» күйін тартқан екен.

(Болат Сарыбаевтың «Қазақтың халық аспаптары» еңбегінен)



- 8.** Екі тапсырманың бірін орындаңдар.
1. Қосымша әдебиеттерді пайдаланып, «Маған бүкіл қазақ дала-сы ән салып тұрғандай көрінеді» тақырыбында презентация дайындаңдар.
 2. «Шешендіктің басты мақсаты – ақылға ақыл қосу, жүректі тербеу» тақырыбында өлең шығарып көріндер немесе шығарма жазындар.

§5.

Тәуелсіз Қазақстанның спорт тарландары



1. Сұрақтарға жауап беріңдер.

1. Қазақ елін дүниежүзіне мәшінур етуде қазақ спортшыларының қандай үлесі бар деп ойлайсыңдар?
2. Ел мерейін арттырған қандай қазақстандық спортшыларды білесіңдер?



2. Аудиожазбадан (01. mp3) «Тәуелсіз Қазақстан» тақырыбындағы мәтіннен үзінді тыңдап, қалай аяқталатынына болжам жасандар.



3. Мәтінді оқып, стилін ажыратындар. Тілдік құралдарын (ұғымдар, суреттер, синтаксистік құрылымы) талдаңдар.

Қазақ спорттының әлемдік толағай табыстары



2015 жыл қазақ футболы тарихындағы ең сәтті кезең болды. «Астана» футбол клубы түңғыш рет Еуропаның басты бәсекесі – Чемпиондар лигасының топтық кезеңіне шықты. Осылайша «Астана-Арена» стадионында өткен барлық ойндарда қарсыластарына есе жіберген жоқ. Ірікеу кезеңінде «Марибор», «ХИК», «АПОЭЛ» клубтарын жеңді. Ал топтық кезеңде «Атлетико» (Мадрид), «Галатасарай» (Стамбул), «Бенфика» (Лиссабон) клубтарымен бір топта өнер көрсетті.

2015 жылы футзалдан Алматының «Қайрат» клубы УЕФА кубогін екінші рет жеңіп алғып, жанкүйерлеріне үлкен қуаныш сыйлады. Қазақстандық клуб финалда Испанияның «Барселона» клубын 3:2 есебімен үтты.

2015 жылды Қазақстан дзюдодан өлем чемпионатын өткізді. Командамыз үшін табысты болмасада, бір спортшымыз көк тудың желбіреуіне себепкер болды. 60 кг салмақта өнер көрсеткен Елдос Сметов өлем чемпионы атанды.



2016 жылды Голландияның Эйндховен қаласында өткен дес-түрлі «Swim Cup EINDHOVEN» жарысында жүзу спортынан қазақстандық параолимпиадалық спортшы Зұлфия Габидуллина өлем рекордын қатарынан үш рет жаңартып, жеңіс тұғырына көтөрілді. Сондай-ақ Зұлфия – Бразилияның Рио-де-Жанейро қаласында өткен XV Паралимпиада ойындарының чемпионы.

2015 жылды қазан айында Нью-Йорктің Madison Square Garden шаршы алаңында WBA (Super), IBO және WBC (Interim) тұжырымдары бойынша орта салмақтағы өлем чемпионы Геннадий Головкин Давид Лемьемен жекпе-жек өткізіп, қарсыласын 8-раундта құлатып, 34-жеңісіне қол жеткізді. 2016 жылдың қыркүйегінде орта салмақтағы Геннадий Головкин жартылай орта салмақтағы IBF белбеуінің иесі британдық Келл Брукпен кездесіп, жекпе-жек мерзімінен бұрын аяқталды. Лондонда 20 мың адам сыйнын аренада өткен айқастың 5-раундында британдықтың секунданты ақ орамал тастауға мәжбүр болды. Осылайша Головкин 36-жеңісіне қол жеткізді.



(Дайындаған Алтынбек Құмырзақұлы)



Қазақтан шыққан тұнғыш олимпиада чемпионы

1972 жылды Мюнхен олимпиадасында КСРО баскетболшылары жеңімпаз атанған. Олар финалда жеңіліп көрмеген АҚШ құрамасын 51:50 есебімен жеңген. Олимпиада чемпионы атанған КСРО құрамасында жалғыз қазақ болғанын бірі білсе, бірі білмейді. Әлжан Жармұхамедов – қазақтан шыққан тұнғыш олимпиада чемпионы.



(*oninfo.kz ақпарат агенттігі материалдарынан*)



Шешендік шиырлары

Байлауы жоқ шешеннен
Үндемей отырған есті артық.
Бәйге алмаған жүйріктен
Белі берік бесті артық.
Мұнарланған күндізден
Жұлдызды жарық тұн артық.
Парадан алған түйеден
Адалдан жиған ешкі артық.

(*Байсеркеabyz*)

Шешендіктің сөні жоқ,
Сөзіне сүттей ел ұйып,
Қолтығына ел сыйып,
Басына бақыт қонбаса.

(*Дулат Бабатайұлы*)

Қол бастау қыын емес,
Көк найзалы ерің болса.
Жол бастау қыын емес,
Соңыңдан ерген елің болса.
Бәрінен сөз бастау қыын,
Тауып айтсаң, мереке қылады,
Таппай айтсаң, келеке қылады.

(*Досбол би*)



- 4.** Орфографиялық норманы негізге алып, спорт терминдеріне жалғаулар жалғап, түрлендіріңдер.

Кубок, олимпиада, раунд, футбол, рекорд, ринг, чемпион, клуб, команда, стадион, лига, спорт, турнир.



- 5.** Спорт терминдерін ұтымды қолданып, Қазақстанның олимпиада чемпиондары туралы шолу мәтінін құрастырындар. Дереккөздеріне сілтеме жасаңдар.
- 6.** Мәтін авторының пікірімен келісесіндер ме? «Фибратты сез» айдарында берілген би-шешендер дәстүрін жалғастырып, «Спорт комментаторы білімді әрі шешен болуы керек» деген тақырыпта ойталқы өткізіңдер. Қорытындысын кестеге жазындар.

Спорт комментаторының білім деңгейі	Спорт комментаторының шешендік деңгейі

«Qazsport» арнасында футболдан Қазақстан құрамасы Румыния құрамасынан 2:0 есебімен ұтылып жатыр. Сонда да комментатордың «тамаша» сезі толастар емес. Айналдырыған 12 минутта оны біздің комментатордың аузынан 17 рет естіп, дымымыз құрығаннан теледидарды өшіріп тастауға тұра келген. Таңертек тұра сала ойын нәтижесін білсек –3:1. Одан әрі омақаса оңбай ұтылыптыз. Осынша жеңіліп жатқанда, қайдағы «тамаша»!? Футбол репортаждарындағы таусылмайтын осы бір «тамашалар» біздің қазіргі ойыннымызға сай еместігін үлкен түгілі бала да біледі ғой.

(*Қайырбай Төрекожаның «Спорт комментаторларының таусылмайтын «тамашасы» хақында» мақаласынан үзінді*)



- 7.** Фаламтордан өздерің қалаған спорт ойынының 3 минуттық үзінісін алып, комментарий жасап, бейнематериал немесе жазбаша мәтін дайындаңдар. Ойтальқыда спорт комментаторына қойылған талаптарды сактауға тырысындар.

§6.

«ЭКСПО-2017» көрмесі – ел тарихындағы ірі оқиға



1. Ойтурткі сұрақтарына жауап беріңдер.

1. 2017 жылы Қазақстанда қандай айтулы оқиғалар болды?
2. Еліміздің мәртебесін арттырудығы «ЭКСПО» халықаралық көрмесінің рөлі қандай?



2. Мәтінді оқып, синтаксистік құрылымы, тілдік ерекшелігі арқылы стилін ажыратындар.

«ЭКСПО-2017» халықаралық көрмесі туралы деректер

Қазақстан посткеңестік кеңістікте өз аумағында кең ауқымды көрме өткізу құқығына ие болған бірінші ел болды. Жалпы, Ұлыбритания, Франция, АҚШ, Австралия, Австрия, Бельгия, Италия, Канада, Испания, Бразилия, Оңтүстік Корея, Португалия, Германия, Қытай және Түркия сияқты елдер өз кезінде бүкіләлемдік көрме өткізген. Ал сол тізімнің ішінде болу – айтарлықтайabyroй, мәртебе.

«ЭКСПО-2017» халықаралық мамандандырылған көрмесі 2017 жылдың 10 маусымынан 10 қыркүйегіне дейін Қазақстан астанасында өтті. «Болашақ энергиясы» тақырыбында өткен «ЭКСПО-2017» көрмесінің бойтұмары «Сөүле», «Қуат», «Мөлдір» болды.

Көрме орналасқан алаңың аумағы 174 гектарды құрайды. Оның ішінде көрме алаңы 25 гектарды құраса, ал қалған 149 гектарда тұрғын үй ғимараттары мен инфрақұрылым нысандары тұрғызылған.

Улкен аумақтағы бірнеше павильон сөулет өнерінің ерекше пішінімен салынған. Ғимараттардың барлық кешені шеңбер ретінде жасалды. Ал дәл ортасында шар тәрізді Қазақстанның «Нұр әлемі» павильоны орналастырылды. Бұл – әлемдегі шар тәрізді ең ірі және толық шар түріндегі алғашқы ғимарат. Диаметрі 80 метрді, биіктігі 100 метрді құрайды. Ғимаратты салу үшін 13 мың тонна металл қажет болды. Шардың беті 2800 шыны панельмен қапталған. Ғимараттың жалпы ауданы – 22 мың шаршы метр. Бұл көрсеткіш төрт футбол алаңының аумағына тең.

«Нұр әлемі» павильонының айналасында жарты дөңгелек пішінді ғимараттар бой қөтерген. Онда «ЭКСПО-2017» көрмесіне қатысушы елдердің, яғни 115 ел мен 22 халықаралық үйымның көрмелері орналастырылды.

Көрменің барлық нысандарын салу үшін 56 мың тонна металл және 500 мың тонна бетон қажет болды. Бұл әлемдегі екі бірдей ең биік зәулім құрылышты салуға жетеді.

«ЭКСПО-2017» көрмесін 3 айдың ішінде 178 елден (әлемдегі мемлекеттердің 90%-і) келген 4 млн адам тамашалаған.

Барлық павильондарды аралауға жалпы 96 сағат кетеді. Ал көрме барысында 3500 мәдени іс-шара үйымдастырылды. Сондай-ақ онда бүкіл әлемнен 33 мың әртіс өнер көрсетті.

Әлемнің 53 елінің үкімет басшылары мен жетекшілері келіп, халықаралық көрменің құрметті қонағы болды. Көрмеде 4500 ерікті жұмыс істеді.

(stan.kz)



«ЭКСПО» халықаралық көрмесі қай кезде де маңызды шара болған. Қез келген мемлекет осы көрмеге барынша дайындалып, абыроймен өткізуді ойлаған. 1925 жылы осы шараны өткізуді Франция астанасы мойнына алады. Дүниежүзілік көрмеге қатысуға ықылас танытқандардың ішінде Кенес Одағы да бар еді... ЭКСПО көрмесіне қатысуға шақырту алғандардың ішінде Қазақстаннан жалғыз Әміре Қашаубаев болған. Қазақтың біртуар әншісі Парижде өткен дүниежүзілік көрменің этнографиялық концептінде «Балқадиша», «Ағашаяқ», «Бесқарагер», «Дудар-ай», «Жалғыз арша», «Үш дос», «Қараторғай» өндерін орындаған. Әлемді тамсандырды. Әйгілі француз жазушысы Ромен Роллан Әміренің құдіретті дауысын тыңдағаннан кейін: «Мен Шығыста әншіні бұлбұлға неге теңегенін енді түсіндім!» – деп таңдай қақты.

(Кымбат Нұргали)



3. Қате берілген тілдік бірліктерді орфографиялық нормаға сайтузетіп, «Болашақтың энергиясы» тақырыбында мәтін жазындар. Жай сөйлем түрлерін ажыратындар.

Баламалы энергия көздері, онтайландыру, кеңауқымды жоба, табиғи қайнаркөзі, адам деңсаулығына пайдалы орта, шикі зат көзі, Еуропа елдері, заманауи технология, табиғи ресурстерді сақтау.



Ойталқы – көпшіліктің пікір таластыруына жол ашатын мүмкіндік. Ойталқыда ғылыми не қоғамдық тақырып төңірегінде пікірталастыру жүреді. Бір мәселе жөнінде ой, идея алмасатын адамдар тобының арасындағы таласты мәселе проблемалық сипатқа ие болады.

Ойталқыға қатысушылар пропоненттер мен оппоненттер болып бөлінеді.

Пропоненттің міндеті – өзі ұсынған пікірді не мәселені оппоненттерге түсіндіре және сендейре білу. Ал оппоненттердің міндеті – тезис пен оның негіздемесін жақтау не жоққа шығару. Нәтижесінде пропонентпен келісуге не келіспеуге болады.



- 4.** Оқылым мәтінін негізге алып, «ЭКСПО-2017» көрмесінің ел тарихындағы ірі оқиға екенін дәлелдеп, ойталқы ұйымдастырындар. (Оппоненттер пропоненттің пікірін талқылайды).



- 5.** Оқылым мәтінінен бірнеше мысал алып, тыныс белгілерінің қойылу себептерін түсіндіріңдер.

Үлгі:

Мысалдар	Тыныс белгілері	Қойылу себебі
Ал сол тізімнің ішінде болу – айтартықтайabyroй, мәртебе.	Сызықша, үтір	



- 6.** Үш топқа бөлініп, тапсырмаларды орындаңдар.

1-топ. «Артық болмас білгенің» айдарымен берілген мәтінді редакциялад, азатжолдарға бөліп, қайта жазындар. Түйік етістіктерді табындар.

2-топ. Оқылым мәтінінің ғылыми стильде жазылғанын дәлелдейдер.

Мәтіннің мақсаты	Стильдік сипаты	Тілдік амал-тәсілдері

3-топ. Ғылыми стильге тән тілдік құралдарды қолданып, оқылым мәтініне аннотация жазындар.



7. Шешендік сөзді оқып, талдаңдар. Тақырыппен байланысын анықтаңдар.

Шешендік сөз қандай жағдайда туған?	Шешендік сөздің көтерген тақырыбы	Шешендік сөздің тәрбиелік мәні

Ғылым артық па, әлде мал артық па?

Бір топ адам бірде Әзірет Әлі шешеннен: «Ғылым артық па, әлде мал артық па?» – деп сұрапты. Сонда шешен:

– Біріншіден, ғылым артық. Ғылым – өулие-әнбиелердің мирасы, ал мал – перғауын мен қарынбайдың мирасы. Екіншіден, ғылым сені сақтайды, ал малды сен сақтайсың. Үшіншіден, ғылымның досы көп, ал малдың дүшпаны көп. Төртіншіден, ғылымды жұмсасаң, арта береді, ал малды жұмсасаң, азая береді. Бесіншіден, ғылым саған құрметті атақ береді, ал мал саған сараң деген атақ береді. Алтыншыдан, ғылым өзін-өзі сақтайды, ал малды үнемі бағып-қағу керек. Жетіншіден, ғылым қиямет күні иесіне шапағатын тигізеді, ал мал иесіне қисапсыз жауап бергізеді. Сегізіншіден, ғылым тозбайды, жоғалмайды. Ал мал болса – қолдың кірі, өледі, жоғалады. Тоғызыншыдан, ғылым көңілді нұрландырады, адамға ақыл-ой қосады, ал мал масаттандырады, болған үстіне бола берсем деп, дүниеқоңыз етеді. Оныншыдан, ғылым Құдайға гибадат қылады, ал мал иесінің көңіліне тәқаппарлық салады, – деп жауап беріпті.

(«Шешендік шырлары» кітабынан)



8. Ғылыми стильге тән тілдік құралдарды қолданып, ойталқыдағы пікірлерінді жинақтап, «ЭКСПО-2017» көрмесінің маңызы» тақырыбында презентация жасаңдар не ойтұжырым жазындар.

§7.

Ғасырдың ұлы түніндісі



1. Ойтурткі сұрақтарына жауап беріңдер.
 1. Қазақтың қандай танымал қаламгерлерін білесіңдер?
 2. «Ғасырдың ұлы түніндісі» ұғымын қалай түсінесіңдер?
2. Мәтінді оқып, ғылыми стильдің ерекшеліктерін тілдік құралдары, терминдері, синтаксистік құрылымы арқылы көрсетіңдер.

Тұған халқына мәңгілік мұра болатын ғасырлық түнінды сыйлау тек ұлылардың ұлесіне тиғен. Солардың бірі – Мұхтар Әуезов...

«Абай жолының» бірінші кітабы – 1942, екінші кітабы – 1947, үшінші кітабы – 1952, төртінші кітабы 1956 жылы жарыққа шықты. Эпопеяның «Абай» атанған алғашқы екі кітабына КСРО Мемлекеттік сыйлығы (1949), «Абай жолының» тұтас төрт томына Лениндік сыйлық (1959) берілді...

Ғабит Мұсірепов: «Бұған дейін қазақ әдебиетінде «Абайдай» шығарма болған емес», – десе, француз жазушысы Луи Арагон: «Әлемнің басқа елдерінде де онымен тең түсетін шығарма табу қыын. Бұл, менің ойымша, XX ғасырдағы ең уздік шығармалардың бірі», – деп жазды...

Мұхтар Әуезов «Абай жолы» арқылы бүкіл дүниежүзіне, қала берді, өз отандастарына, керек десеңіз, тіпті қазақтардың өзіне қазақ дегеннің кім екенін танытты. Алексей Толстойды қайталасақ, «қазақ халқының ұлылығын, оның өткен өмірін, тарихын, тарихының түбірлі кезеңдерін, қазақ мінезі қалыптасқан трагикалық һәм шығармашылық дәуірлерді ғажайып көркемдік күшпен жарқыратып ашып, жан-жақты айқындалп, терең түсіндіріп берді». Сондықтан да «Абай жолын» оқыған Бенжамен Матип: «Қазақ – неткен ғажайып халық!» – деп өзін-өзі ұмыта таңырқаса, Константин Федин «өзінің қалай қазақ бол кеткенін білмей қалған».

Бүгінде Толстойды оқымай – орысты, Бальзакты оқымай французды білдім деу қандай қыын болса, Әуезовті оқымай қазақты білдім деу сондай қыын.

(Зейнолла Қабдоловтың «Мұхтар Әуезов және оның әсемдік әлемі» ғылыми еңбегінен)



3. Мәтіндегі тыныс белгілерінің қойылу себептерін түсіндіріңдер.

Үлгі:

Мысалдар	Тыныс белгілері	Қойылу себебі
Бала көп ішінен, ең алдымен, өзінің шешесін көріп, соған қарай жүре беріп еді, шешесі анадай жерде тұрып: – Әй, шырағым балам, өуелі ар жағында әкең тұр... Сәлем бер! – деді.	Үтір, қос нүкте, сзызықша, көп нүкте, леп белгі	

Бала көп ішінен, ең алдымен, өзінің шешесін көріп, соған қарай жүре беріп еді, шешесі анадай жерде тұрып:

– Әй, шырағым балам, өуелі ар жағында әкең тұр... Сәлем бер! – деді.

Абай жалт қарап барып, жаңа көрді. Анадай жерде, қонақ үйдің сыртында, қасында екі-үш ұлкен кісі бар әкесі Құнанбай тұр екен. Үңғайсыздықпен қысылып қалған бала шешесінің сондайлық салқын сабырының мәнін үқтү да, әкесіне қарай тез бұрылды...

Байтас пен Жұмабай тақай бергенде, Абай да қасына кеп қалып еді. Үшеуі бірдей жамырай сәлем берді. Құнанбай тез бұрылып, сәлемдерін алды да, қысқағана амандық сұрады. Тұрган орнынан қозғалған жоқ. Баласын қасына да шақырмады. Азғантай уақыт Абайға қарап алып:

– Балам, бойың өсіп ержетіп қалыпсың-ау! Молда болдың ба? Бойыңдай боп білімің де өсті ме? – деді. Кекету ме, жоқ күдік пе? Немесе шынымен жай білгісі келгені ме?

... Ұялғанды, жауап айтпағанды кешірмейтін әке мінезі Абайға мәлім. Ол сабырлы, момын пішінмен:

– Шүкірлік, әке, – деп біраз тұрды да: – Ат барған соң, дөріс тамам болмаса да, хазіреттің рұқсатын, фатиқасын алып қайттым, – деді.

(Мұхтар Әуезовтің «Абай жолы» роман-эпопеясынан)



4. Фылыми стильге тән тілдік құралдарды қолданып, оқылым мәтінінің тезисін не аннотациясын жазыңдар.



Шешенге қойылатын негізгі талаптар

Шешеннің бойында мына қасиеттер болу керек:

- тіл байлығы, сөз қорының молдығы;
- білімділік және сөйлейтін мәселесін анық білу;
- шыншылдық, адамгершілік, турашылдық;
- жинақылық, тапқырлық, жылдамдық.

Шешенге қойылатын қосымша талаптар

Шешендік сөздің әсемдігін арттыратын факторларға тек тілдік қасиеті мен сөз мәнері ғана емес, шешеннің көпшілік алдында өзін-өзі ұстая әдебі мен сыртқы келбеті де жатады. Көпшілік алдына шығатын адамның киім киісі, тазалығы, жинақылығы, өзін ұстаяу, бет-жүз, дене қимылдарының сөз мазмұнымен үйлесімді болуы да шешен сөзінің мәнін арттырады.



- 5.** Мәтінді оқындар. Абайды шешен деп айта аламыз ба? Оның бойында жоғарыда айтылған қасиеттердің қайсысы кездеседі?

Дүние үмітке сүйенеді

Бірде Жанқұтты шешен Құнанбайдың үйінде отырғанда, Абай келіп сәлем береді. Абайдың тапқырлығын, өлең шығаратынын естіген шешен одан: «Дүние неге сүйенеді? Қөздің көрмесі бола ма? Шам жарығының түспесі бола ма? Болат пышақтың кеспесі бола ма? Тамағына тартпайтын мақлұқат бола ма?» – деп сұрайды... Сонда Абай:

Сіз – сұңқар самғай ұшқан қиядағы,
Талпынған мен – балапан ұядағы.
Өрнекті өлең сөзбен жауап берсем,
Жалғыз үміт – дүниенің тиянағы.
Көз көруі жетпейді қабағына,
Шам жарығы түспейді табағына.
Оз сабын болат пышақ өзі кеспес,
Мақлұқат тартпай қоймас тамағына, – деп жауап беріпті.
(«Қазақтың би-шешендері» жинағынан)



- 6.** Көркемдік құралдарды сұрыптаپ, орынды пайдаланып, «Заманымыздың заңғар жазушысы» тақырыбында шығарма жазындар.
- 7.** М.Әуезовтің туындылары бойынша презентация немесе бір шығармасы жайлы ойтұжырым дайындаңдар.

I бөлімді қорытындылауға арналған тест тапсырмалары

1. Сөйлемнің стилін ажыратындар. Керей хан (туган жылы белгісіз – 1473) – қазақ хандығының негізін қалаушы екі ұлы тарихи түлганиң бірі, алгашқы қазақ ханы.
 - A. Қөркем әдебиет стилі
 - B. Ресми ісқағаздар стилі
 - C. Публицистикалық стиль
 - D. Фылыми стиль
 - E. Ауызекі сөйлеу стилі
2. Орфографиялық нормага сай жазылған тіркесті көрсетіндер.
 - A. 1465-жыл
 - B. Жәнібекхан
 - C. жетісу өңірі
 - D. Өзбек-ұлысы
 - E. Екі жұз мыңдан астам
3. Ойталқыға кемінде қанша адам қатысады?
 - A. 3-тен астам
 - B. 4-тен астам
 - C. 5-тен астам
 - D. 6-дан астам
 - E. 7-ден астам
4. Сөйлемдегі терминді анықтаңдар. Айқастың 5-раундында Г.Головкин 36-жеңісіне қол жеткізді.
 - A. 36-жеңісіне
 - B. 5-раундында
 - C. Қол жеткізді
 - D. Айқастың
 - E. Г.Головкин
5. Фылыми стильдің мақсатын көрсетіндер.
 - A. Өсер ету
 - B. Хабарлау
 - C. Заттың, құбылыстың жалпы ерекшелігін ашып мәлімет беру
 - D. Баға беру
 - E. Қоғамдық пікір білдіру
6. Тыныс белгісі дұрыс қойылған сөйлемді анықтаңдар.
 - A. Қазақ жерінің, қазақ елінің ең сұрапыл қасіреті «Ақтабан шұбырынды, Алқакөл сұлама».

- B. 1723-жылдың көктемінде қазақ еліне жоңғарлар жеті түмен өскерімен басып кірген еді.
- C. Бейбіт өмір сүріп жатқан халықты талан-таражға салып азық-түлік мал-мұлкін тартып алуды көздеді.
- D. Барлық қазақ жан-жаққа тарап кейбірі Самарқандқа, кейбір тайпа-рулар Қызылқұмға – Қарақұмға өтеді.
- E. Сөйтіп, бұл оқиға «Ақтабан шұбырының, Алқақөл сұлама» деген атауға ие болады.
7. «Ел іші – өнер кеніші» сөйлемінде сызықшаның қойылу себебін анықтаңдар.
- A. Оңашаланған айқындауышқа байланысты қойылған.
- B. Бастауыш та, баяндауыш та ілік тұлғалы зат есім болғандықтан қойылған.
- C. Бастауыш атау септігіндегі сөзден, баяндауыш жіктік жалғауының З-жағындағы атау тұлғалы сөзден болғандықтан қойылған.
- D. Құрмалас сөйлемге байланысты қойылған.
- E. Төл сөз бен автор сөзіне байланысты қойылған.
8. «Риторика» сөзі қай тілден алынған?
- A. Көне грек
- B. Латын
- C. Француз
- D. Ағылшын
- E. Испан
9. Қосымшасы дұрыс жалғанған нұсқасын көрсетіндер.
- A. Кубоктің
- B. Кубогі
- C. Кубоктер
- D. Кубогы
- E. Кубокті
10. «Болашақтың энергиясы» тақырыбымен өткен еліміздегі ауқымды іс-шараны анықтаңдар.
- A. Қысқы Азия ойындары
- B. «ЭКСПО-2017»
- C. Қысқы универсиада
- D. Саммит
- E. ЕҚЫҰ-ның жиыны

II

БӨЛІМ

ЭКОЛОГИЯ: ЯДРОЛЫҚ ЖӘНЕ МҰНАЙ ӨНДІРІСТЕРІ

ШЕШЕНДІК СӨЗДЕР

Бұл бөлімде сөндер:

- экология термині мен ғылымының шығу тарихы жайында білесіндер;
- дүниежүзі және Қазақстан экологиясының мәселелерін талқылай-сындар;
- шешеннің жүрт алдында сейлеуге дайындық жолдарымен, көпшілік алдында өзін ұстаяу мәдениетімен, шешендік сөзге қойылатын талаптармен танысасындар;
- айтыс пен сыни пікір жөнінде ақпарат аласындар.

Біз табиғаттың өзін қайта түлететін үр-пақпыз. Жер, су, ауа – адам баласына мұра болып келе жатқан мол қазына... Әрбір ағашты, әрбір бұтақты, жалғыз дәнді де ыждағаттылықпен сақтау, қамқор болу – басты міндеттің бірі.

Ыбырай Жақаев

§1.

Әлемдік экология мәселелері



1. Сұрақтарға жауап беріп, ойларыңды ортаға салындар.

1. «Экология» терминінің білдіретін мағынасы қандай?
2. Әлемдік экология мәселелері дегеніміз не?
3. Берілген суреттен қандай ой түнгі болады?



2. Аудиожазбадан (02. тр3) «Адам өрекеті нәтижесінде табиғи кешендердің өзгеруі» мәтінін тыңдаңдар. Мәтінде көтерілген мәселеге талқылау сұрақтарын құрастырыңдар. Жұптарыңмен алмасып жауап беріңдер.

Талқылау сұрақтары	Жауаптар



3. Мәтінді оқып, ғылыми стильде жазылғанын дәлелдендер.

Мәтіннің мақсаты	Стильдік сипатты	Тілдік амал-тәсілдері

Ғаламдық экологиялық жағдайдың нашарлауын адамзаттың тұтыну ауқымымен және биосфераның ресурстық-экологиялық мүмкіндіктерінің сәйкес келмеуімен түсіндіруге болады. XX ғасырдың ортасында-ақ ноосфера ілімінің негізін қалаған В.И.Вернадский адамзаттың шаруашылық өрекеті географиялық ортаға табиғаттың өзінде жүріп жатқан геологиялық процестерден кем өсер етпейтіндігі туралы жазған болатын.

Адамның шаруашылық өрекеті қоршаған ортаның шамадан тыс ластануына алып келеді. Атмосфера мен гидросфера наң өнеркәсіптік қалдықтармен, мұхиттардың мұнаймен ластануы, топырақ қабатында ауыр металдар мен улы

заттардың шоғырлануы, түрмистық қалдықтар көлемінің артуы – барлығы адамның денсаулығына қауіп төндіреді.

Ең «лас» өнеркәсіп түрлеріне тау-кен және құрылым материалдарын өндіру, энергетика, қара және түсті металлургия, мұнай өндіру мен өңдеу, химия өнеркәсібі, целлюлоза-қағаз өндірісі, тамақ өнеркәсібі жатады. Мысалы, 1 т шойын өндіру барысында атмосфераға 4,5 кг қатты заттар, 2,7 кг құқіртті заттар, сондай-ақ мышьяк, қорғасын, сынап буы бөлініп шығады. 1 т алюминий алу үшін 38–47 кг фтор пайдаланылады, кейіннен оның 65%-і атмосфераға шығарылады. Кен байыту фабрикаларының мұржаларынан шығатын улы тұтіннің тіршілік үшін зияны шексіз. Химия өнеркәсібі ауаға стирол, фенол, ацетон, құқірт диоксиді, құқірт ангидриді тәрізді улы қосылыстарды бөледі. Ал жылдан жылға саны артып отырған автокөлік ауаны өнеркәсіптен кем ластамайды, қазіргі кезде оның үлесіне атмосфера ластануының 60%-і тиесілі. Қара қошқыл фотохимиялық тұманның түзілуіне автокөліктер шығаратын газдар тікелей өсер етеді.

БҮҰ-ның ғаламдық экологиялық мониторинг жүйесінің мәліметіне қарағанда, өзендердің нитраттармен, фосфаттармен және пестицидтермен, қалдық сулармен ластануы күн сайын артуда.

(*baribar.kz*)



4. Төмендегі мақал-мәтелдерді және көркемдік құралдарды ұтымды пайдаланып, «Табигат – тал бесік» тақырыбында эссе жазындар. Сызықшаның қойылу себебін түсіндіріңдер.

- Табигат – тал бесік.
- Жер – ана, ел – бала.
- Жер – таусылмайтын қазына.
- Жер тағдыры – ел тағдыры.
- Жер – қазына, су – алтын, мал – байлық.
- Жер – қазына, су – гаятар.
- Қыстағы қар – жерге ырыс,
- Жердегі ылғал – елге ырыс.
- Бұлақ көрсөн, көзін аш.
- Адам мен табигаттың тілдескені – өмірдің үнделескені.

(«Мақал-мәтелдер жинағынан»)



- 5.** Оқылым мәтініндегі әлемдік экология мәселелерін анықтаңдар. Анықталған мәселелердің тізімін жасаңдар.



- 6.** Шешендік сөзді талдаңдар. Тақырыппен байланысын анықтаңдар.

Шешендік сөз қандай жағдайда туған?	Шешендік сөздің көтерген тақырыбы	Шешендік сөздің тәрбиелік мәні

Қарлығаш әулие

Жоңғар басқыншылары өрттей қаптап, қазақ жерін таптап келе жатады. Қамсыз малын бағып отырған ел тым-тырақай босып, үдерек көшеді. Сонда жалғыз үй тұтінін тұтетіп отыра береді.

Жоңғар қонтайшысы батырларын жұмсап:

– Анау жалғыз үй неғып көшпей отыр, барып біліп келіндер! – дейді...

Жоңғар әскеріне Төле би:

– Шаңырағыма қарлығаш үя салып еді. Сол құс қашан сарыауыз балапандарын қанаттандырып, өргізіп кеткенше, мен ешқайда көшпеймін. Қарлығаш – қасиетті құс, адам баласының досы. Сендер білесіндер ме? Ертеде дүниежүзін топан су қаптағанда, Нұх пайғамбардың кемесін суға батудан аман алып қалған – осы қарлығаш. Адам баласына қастандық жасамақ болған жыланнан да қорғап қалған – осы қарлығаш. Жау келді деп, үйімді жығып, оның үясын бұзып, балапандарын шырылдатар жайым жоқ! Хандарыңа осы сөзімді айтып барындар! – дейді.

Жоңғар жігіттері барып, Төле бидің осы сөзін айтса, қонтайшысы:

– Ол әулие адам екен, оған тимендер, оның төңірегіндегі елін де қозғамаңдар! – депті.

Содан байлай қарай Төле би «Қарлығаш әулие» атанып кеткен екен.

(«Қазақтың би-шешендері» жинағынан)



- 7.** Көркемдегіш құралдарды ұтымды қолданып, «Кеудесі түкті Жер-Ана, құт дарыт та, жарылқа!» тақырыбында өз таңдауларың бойынша өлең, өңгіме немесе шығарма жазындар.

§2.

Арал теңізінің экологиясы



1. Берілген суреттен не байқадыңдар? Өз ойларыңмен бөлісіп, ойтұрткі сұрақтарына жауап беріңдер.

1. Қазақстанда қандай өзен-көлдер мен теңіздер бар?
2. Еліміздегі қай аймақтар апatty деп танылған?
3. Арал теңізі аумағының экологиясы туралы қандай ақпарат білесіндер?



2. Мәтіндерді мұқият оқындар, өртүрлі стильдегі мәтіндерді салыстыра талдандар.

«Арал теңізінің экологиялық ахуалы» мәтіні	«Арал теңізі» өлеңі
Тақырыбы мен автор көзқарасы	
Көзделген аудиториясы	
Күрылымы мен тілдік ерекшеліктері	

Арал теңізінің экологиялық ахуалы

Арал теңізі – Қазақстан мен Өзбекстан шекарасында орналасқан ірі көл. Апатқа ұшырағанға дейінгі көлемі – 1066 км³, тереңдігі – 30–60 м, тұздылығы 10–12% болған. Қойнауы көсіптік бағалы балықтарға бай, жағасы қоға мен қамысты теңіз еді. Сол кезде жылына 50–150 мың балық ауланып, едәуір мөлшерде бұлғын терісі игерілген. Теңіз жағасындағы

елді мекендерде 17 балық ұжымшары, 10 балық өндейтін зауыт және 2 балық комбинаты жұмыс істеген.

1960 жылдардан бастап Арал өңірін игеру қолға алынды. Әмудария мен Сырдария бойындағы халықтың саны бірнеше есеге өсті. Халық санының есуіне орай суға деген қажеттілік те артты. Суды мол қажет ететін күріш пен мақта өсіру ісі қарқындалпамыды. Осылайша Аралға құйылатын су мөлшері азайды.

Суды ысырапсыз пайдалану нәтижесінде Арал теңізінің деңгейі 23 метрге дейін төмендеп, оның су айдыны 30–200 км² ге дейін құсырылды. Судың тұздылығы 40% -ге дейін артты. Оның үстіне екі өзен бойындағы шаруашылықтарда тыңайтыштар мен химиялық препараттарды қолдану 10–15 есеге өскен. Осындаған антропогендік факторлар Арал өңірін экологиялық апатқа ұшыратты. Арал теңізі әкімдегі тіршілік атаулыны экологиялық дағдарысқа әкелді.

Арал апатынан зардал шеккен елдерге көмектесуге бағытталған алғашқы халықаралық келісім 1990 жылдың қаңтарында БҰҰ-ның қоршаған орта Бағдарламасының (ЮНЕП) ұсынысымен жасалды. Бұл халықаралық құжат «Арал теңізін сақтауға арналған нақтылық іске дайындыққа қатысу» деп аталды. Дүниежүзілік дәрежедегі оқымыстылар мен мемандардың қатысуымен «Диагностикалық құжат» жасалды. Бұл үлкен ғылыми-тәжірибелік зерттеу Арал апаты кеселінің бетін ашып берді, нақтылық іске бағдарлама жасауға себін тигізді.

Қазіргі кезде Аралды құтқару бағытында батыл да жоспарлы түрде ғылыми негізде жұмыстар жасалуда. Арал тағдыры – адам тағдыры, сондықтан оны сақтап қалу – аға ұрпақтың болашақ алдындағы борышы.

(«Қазақстан Республикасының экологиялық қауіпсіздігі» жинағынан)

Арал теңізі

Тұратын жер жоқ түзде ықтап,
Тұнжырай басқан құмын бұлт.
Жүйкені құртқан сыздықтап,
Жылымшы желі – жұлын құрт.
Келтірмей мылқау күш тілге,
Талайды жұтқан сор Арал.

Шағала шулап үстінде,
Жыртысқа жыртқан орамал.
Ерекше бүгін базарлы,
Қомдаған қанат кең жайып.
Іліп ап сары сазанды,
Аулайды құстай желқайық...
Теңізге жалпы халық бол,
Жасайды енді иелік.
Жатқандай Арап балық бол,
Пойызға жедел тиеліп.

(Сырбай Мәуленов)

Пікірталас шыңы – айтыс

Пікірталастың бір түрі – айтыс. Сонау көне замандардан бері қарай жалғасып келе жатқан айтыс – ой жарысының, сөз додасының мейлінше көркем де күрделі түрі. Пікірталастың бір түрі болғандықтан, оған тән жалпы заңдылықтар айтыста да сақталады. Мысалы, қарсыластың пікірін жоққа шығарып, өз пікірінің дұрыстығына көз жеткізу, өзіндік көзқарастарын қорғау, қарсыласын сынау, сөз орамдарын қорғаныс құралы ретінде тиімді пайдалану, үтқыр ой мен өткір тілді қолдану шеберлігіне үмтүлу т.б.

Айтыскерлер – тыңдаушылардың, қалың қауымның көкейіндегі ойды жеткізуі ел өкілдері. Олардың аузымен қофамда қалыптасқан пікірлер ашық айтылады. Негізгі түйіні – өмір шындығы.

Бетпе-бет келген екі ақын жеңудің сан алуан жолдарын, амал-тәсілдерін қарастырады. Суырыпсалма өнерпаз айтыста сөз таппағаннан емес, аталы сөз берен жүйелі ойдан, бұлтартпас шындықтан жеңіледі.

Айтыстың мақсаты – елдіктің, бірліктің қамын жеу, жақсылықтар мен қол жеткен табыстарды паш ету, кемшіліктер мен олқылықтарды сынап, ескерту жасау. Мұның өзі айтыстың халық қолына қару етіп ұстаған жауынгер жаңр екендігін көрсетеді.

Айтыс сыртқы көлеміне, түр ерекшелігіне қарай екіге бөлінеді: 1) түре айтыс; 2) сүре айтыс. Түре айтыс – бір-бір ауыз өлеңмен қысқа, шапшаң жауаптасып отыратын, жалпы көпшілік қолданатын айтыс. Сүре айтыс – өлеңге әбден төсөлген, ысылған нағыз ақындардың ұзақ сөйлеп, көп жыр төгіп, көсіле жырлайтын түрі.



3. Оқылым мәтіндері бойынша негізгі ақпаратты іріктең, түртіп жазындар (конспектілеңдер).



- 4.** «Арал теңізінің экологиялық ахуалы» мәтінінің бір бөлігін таңдалып, көркемдік құралдармен өзгертіп жазыңдар. Жедел өткен шақ пен жіктік жалғауы III жағының қосымшаларын ажыратыңдар.

Үлгі:

Ал оның іске асуы адамзат қауымының білімі мен біліктілігіне байланысты екені анық. – Ал осындағы ауқымды шараның жүзеге асуы ардақты адамзат қауымының терең білімі мен біліктілігіне байланысты екені айдан анық.



- 5.** Айттыс үзінділері мен авторларын сәйкестендіріндер.

Оразалы	Қай заманда қазақтың қоймасына Қазіргідей алтын мен күміс толды? Қай заманда қазақтың қазанына Қазіргідей құт бітіп, ырыс толды?
Айнұр	Құлмамбеттен қалған құлышын, Халықтың өзі баптаған.
Мұхамеджан	Төуелсіздік құрдасы мен боламын, Басына қонып тұрган құсы құтты.
Дидар	Төрде отыр қазақ тілін керек қылмай, Өзге тілдің қаламын ұштағандар. Қысқартуға ең бірінші ілінсе екен Қазақ тілге тілдері қысқа адамдар.
Жандарбек	Жалқаулық жаратқанға ұнамайды, Қамсыз қазақ қартайтқан ұлы Абайды. Балақ түріп, қарекет қылғандардың Бақ келіп, есігінен сығалайды.



- 6.** Үш топқа бөлініп, тапсырмаларды орындаңдар.

1-топ. Шешендік сөздің құрылымын сақтап, Арал теңізін құтқару жөнінде өз ұсыныстарыңды айтыңдар.

2-топ. Көркемдік құралдарды пайдаланып, «Арал тағдыры – менің тағдырым» тақырыбында өз таңдауларың бойынша шығармашылық жұмыстың бір түрін жазыңдар.

3-топ. «Арал экологиясы – ғасырдың өзекті мәселесі» тақырыбында түре айттыс ұйымдастырыңдар.



- 7.** Қосымша әдебиеттерді пайдаланып, сілтеме жасай отырып, Арал теңізінің болашағы туралы презентация не ойтұжырым дайындаңдар.

§3.

Семей полигонының зардабы



1. Ойтүрткі сұрақтарына жауап беріңдер.

1. «Полигон» сөзінің шығу тарихы жайында не білесіңдер?
2. Семей өңірі неліктен экологиясы нашар аймаққа жатады? Суреттен қандай ой түйдіңдер?
3. Дүниежүзіндегі қандай қатерлі полигондар бар?



2. Мәтінді оқып, стилін ажыратыңдар. Ондағы негізгі ойды анықтаңдар.

Семей ядролық полигонындағы сынаптардың жалпы саны 456 ядролық және термоядролық жарылысты құрады. Олардың 116-сы ашық болды, яғни жер бетінде немесе өуе кеңістігінде жасалды. Семей полигонында өуеде және жер бетінде өткізілген сынаптардың ядролық зарядтарының жалпы қуаты 1945 жылды Хиросимаға тасталған атом бомбасының қуатынан 2,5 мың есе көп болды.

Ядролық жарылыстар туралы халыққа 1953 жылдан бастап қана ескертіле бастады. Адамдар мен малды радиоактивті заттардың таралу аймағынан уақытша көшіру, оларды қарабайыр қорғаныш нысандарына, орларға немесе кепелерге жасыру көзделді. Алайда жарылыстан кейін адамдар радиациядан уланған жерлердегі өз үйлеріне оралып отырды.

1989 жылдың ақпанында Семейдегі атом полигонын жабу үшін «Невада – Семей» қозғалысының алғашқы митингісі өткізілді. Оны белгілі қоғам қайраткері, ақын Олжас Сүлейменов басқарды. Сол жылдың 6 тамызында Семей облысының Қарауыл ауылында ядролық қаруды сынапта мораторий жариялау жөнінде КСРО және АҚШ Президенттеріне үндеу жарияланды. Сол уақытқа дейін үнсіз келген халық бір дауыстан «Ядролық қаруға жол жоқ!», «Сынақтар

тоқтатылсын!» деп мәлімдеді. Ядролық сынақтардың қатері жөнінде барлық бұқаралық ақпарат құралдарында, телевидніліктерде мен газеттерде әңгіме бола бастады. Радиациялық сәулелердің зардалтары жайлы дәрігерлер мен ғалымдардың ашық әңгіме қозғауға батылдары жетті. Бұқараның қысымымен Семей полигонындағы сынақтар саны азайып, соңында КСРО үкіметі ядролық қаруды сынауға тыйым салу – мораторий жасау туралы шешім шығарды.

1991 жылдың 29 тамызында Семей ядролық полигоны жабылып, 1992 жылдың мамырында оның базасында Курчатов қаласындағы Үлттық ядролық орталық құрылды.

Денсаулық сақтау министрлігінің 2012 жылғы бұйрығы бойынша зардап шегушілердің тізімі жасалды. Бұғінге дейін полигоннан зардап шеккен 260 мың адам тізімге енген. Басқа қалалар мен облыстарға көшіп кеткен Семей өңірінің бұрынғы тұрғындары есепке алынып бітпеген. Демек, Семей полигонының зардабы қазақ жерін өлі кезіп жүр.

(*Заман Дауірұлының «Семей полигонының зардабы» мақаласынан*)



3. Көркемдік құралдардың көмегімен оқылым мәтінінің бір бөлігін түрлендіріп жазындар. Өзгерістерді көрсетіңдер. Ырықсыз етістерді табындар.

Мәтіннің бастапқы бөлігі	Мәтіннің өзгертілген бөлігі



4. Көркемдік құралдарды ұтымды қолданып, бүгінгі тақырып бойынша өлең, әңгіме немесе шығарма жазындар.

Ұлғи:

*Жарылыштан тау мен тасым үгілді.
Халық жүдеп, бұл жағдайдан түңілді.
91-де жабылып бұл полигон,
Ядролық орталықтар құрылды...*



5. Дүниежүзіндегі сынақ өткізілген полигондар туралы қосымша әдебиеттерден мәлімет жинақтаңдар. Сілтеме жасай отырып, шолу жасаңдар.



Сын айту – ойлаудың биік шыны

Жеке сынни көзқарасты қалыптастыру үшін оқу керек, іздену керек. Білім алу, танымды кеңейту арқылы ғана сын айта аламыз. Сын айтуды қарапайым пікір білдіруден бастасақ болады. Пікір білдіру арқылы сынни көзқарас қалыптасады.

Ұлы ғалым Ахмет Байтұрсынұлының сынға берген анықтамасымен танысайық. «Сын деп – адам ісінен шыққан нәрсені тексеріп, баға беруді айтамыз. Сынға салынатын нәрсе көп адам қүшімен, ісімен жасалған мемлекет сияқты ұлы нәрсе болуы да ықтимал. Жалғыз адам жасаған ұсақ нәрсе болуы да ықтимал. Адамның қай ісінен шыққан нәрсе болса да, сынға салудағы мақсат – жақсы-жамандығын ашу, мән-мағынасын анық таныту.

Сыни пікір айтылатын нәрселер	Мақсаты
Ғылым тарапынан шыққан нәрсе	Ғылым жүйесіне дұрыс-терісін көрсету.
Өнер тарапынан шыққан нәрсе	Мақсатқа сәйкес келген-келмегенін көрсету
Кәсіптен өнген нәрсе	Тіршілікке жайлыш-жайсыздығын көрсету
Қоғамшылықпен құралған нәрсе	Адамға қолайлы келу-келмеуін көрсету

Әдебиет адам ісінің бір түрінен шыққан нәрсе болғандықтан, бұз да сынға түспек. Шығармалардың түсетін сынының жалпы аты «әдебиет сыны» деп айтылады», – деп көрсетеді А.Байтұрсынұлы.



Семей облысының атынан КСРО депутаттарының I съезіне қатысқалы отырған О.Сүлейменов 1989 жылы 28 ақпанда ядролық сынаққа қарсы «Невада – Семей» антиядролық қозғалысын құру туралы үндеу тастады. Қозғалыстың мақсаты, біріншіден, халықты ояту, екіншіден, полигонды жабу, үшіншіден, зардал шегіп отырған халыққа көмек көрсету туралы заңың қабылдануы үшін өрекеттер жасау болатын. Әрине, бұған қозғалыстың алға қойған мақсаттары толықтай орындалды.

1991 жылы Н.Назарбаевтың Қаулысымен полигон толықтай жабылды. Кейіннен 29 тамыз – Халықаралық ядролық қаруға қарсы күрес күні болып бекітілді, Қазақстан ядролық қарудан бас тартты.

(Салауат Тапбергенов)



Жұрт алдында сөйлеудің дайындық жолдары

Жұрт алдында сөйлеуге дайындық бірнеше сатыдан тұрады: 1) психологиялық дайындық; 2) нақты сөзге дайындық; 3) құнделікті дайындық.

Міндепті түрде психологиялық дайындық жүргізілуі керек. Сөйлеуші өзінің қорқынышын жеңіп, көніл күйі мен сезімін билей алуы қажет. Шешенниң толқуы дайындығының аздығынан болуы мүмкін. Материалды қаншалықты жақсы білсе, соншалықты аз толқиды.

Нақты сөзге дайындық – тақырыпты анықтау, мақсатын тұжырымдау, материал жинақтау, оны жүйелеу, аудиторияның ерекшелігіне қарай үйлестіре білу, ойларын бір арнаға тоғыстыру.

Құнделікті дайындық – үнемі ізденіп, білімін толықтыру, соңғы жағалықтардан хабардар болу, газет-журнал, радио-телеарналардан хабарламалар тыңдап, көркем әдебиетті, ғылыми кітаптарды көп оқу.



- 6.** Ән мәтінімен танысындар. «Полигон зардалтары» тақырыбында жұптарыңмен (өлеңмен не қара сөзben) айттысындар.

Заман-ай

*Өнін жазған – Төлеген Мұхаметжанов
Сөзін жазған – Ұлықбек Есдәulet*



Семейдегі полигон құрбандарына
арналған ескерткіш.
Авторы – Шота Уәлиханов.

Үлдарыңың қайда кеткен құрығы,
Қыздарыңың қайда кеткен бұрымы?
Мейірімге зарықтырған заман-ай,
Заман-ай, заман-ай,
Тұған жердің лайланды-ау тұнығы!

Қайран елім, қайран жерім,
Қор болған-ай,
Жомарттығы сор болған-ай,
Жарылыштан көз ашпаған далам-ай!

Қираттық та ата-баба мазарын,
Қасіреттің тарттық енді азабын.
Қон етінді ойып берген, заман-ай,
Заман-ай, заман-ай,
Көсілетін көрпен қайдада, қазағым?!



- 7.** Жұрт алдында сөйлеуге дайындалып, «Қазақстан – ядролық сынақтар мекені емес» тақырыбында шығарма жазындар.

§4.

Таза болса табиғат, аман болар адамзат



1. Ойтүрткі сұрақтарына жауап беріңдер.

1. Әлемнің қай мемлекеттерінде экологиялық мәселелер белең алуда?
2. «Фаламдық экологиялық дағдарыс» дегенді қалай түсінесіңдер?



2. Мәтінді оқып, көтерілген мәселелерді анықтаңдар, оларды топтастырыңдар.



Қазіргі әлемде экологиялық мәселелер өзінің қоғамдық мәні жағынан алдыңғы қатардағы мәселелердің біріне айналды, тіпті ядролық соғыс қаупі де оның көлеңкесінде қалып қойды. Адамның шаруашылық іс-әрекетінің қауырт дамуы табиғат ахуалының күрт төмендеуіне әкеліп соқты, көп жағдайларда орны толмас зардалтар қалдырыды. Экологиялық дағдарысты кез келген аймақтан көруге болады.

Адамды құтқару дегеніміз, ең алдымен, табиғатты сактау. Адам әрекеті жер бетіндегі суды, ауаны ластап келеді. Құн сайын өнеркәсіп орындары ауаға орасан зор улы газ және өте майда бөлшектерден тұратын қоспаларды шығарып жатыр. Олар ауамен бірге жер бетіне тарайды. Кейде оларды жел алғашқы шыққан орнынан мындаған километр жерге айдан апарады. Міне, сондықтан да газ немесе қатты зат түрінде бөлініп шығатын заттардан ауаны қорғаудың адам денсаулығы үшін маңызы зор. Ауаға улы қосындыларды жібермеу – адамзат баласының алдында тұрған үлкен мәселе. Ауаның әртүрлі жолмен былғануы атмосфера да бірте-бірте мутагенді өзгерістер тудырады. Мысалы, қалалардың үстін 2000–2500 метр биіктік көлемінде газдар мен ұсақ бөлшектерден тұратын қара қошқыл тұтін басып тұрады.

Осындай құбылыстардың нәтижесінде Құннің ультра күлгін сөулесі жетіспей, қала ішінде жүқпалы ауру тарататын микробтар көбейеді. Адамдар неше түрлі ауруға шалдығады. Фотохимиялық тұман өсімдіктер әлемі мен жануарлар дүниесіне де орасан зиян келтіруде. Осыған байланысты шетелдерде және біздің республикамызда атмосфералық ауаны таза ұстau мақсатында автокөліктердің қозғаушы күшін жетілдіру, нейтрализаторлар орнату, газбен, электр қуатымен жүретін көліктер шығару міндеттері қарастырылуда.

Егер бұл мәселелердің шешуін тауып, алдын алмаса, ауаның жер бетіндегі қабатын көлік және өнеркәсіп газдары мен тұтіннен тұратын қалың тұман басып, Құн сөулесі жиналған газдарды ыдыратып, улы қоспалар түзеді. Мұның салдарынан адамдардың көзі ауырып, өкпесіне улы газ толып, үздіксіз жетеліп, тынысының тарылуы мүмкін. Бұл экологиялық дағдарыс үлкен күйзеліске ұшыратып, жүздеген, мындаған адамның өмірін жалмайды.

(«Экология» оқулығынан)



3. «Атмосфералық ауаны ластанудан қорғау» тақырыбында пікірлерінді ортаға салындар. Өз ойларынды дәлелдеп, басқалардың пікірлеріне сыни тұрғыда баға беріндер.



Ормандардың азауы

Тропикалық ормандар – оттегінің басты көзі және оттегі тепе-тендігін сақтауда үлкен рөл атқарады. Сондықтан тропикалық ормандарды «планетаның жасыл өкпесі» деп те атайды. Соңғы 50 жылда адамның қатысуымен жер бетіндегі ормандардың $\frac{2}{3}$ бөлігі, ал соңғы 100 жылда орман массивтерінің 40%-и жойылған. Ең көп шығынға ұшырап жатқан елдердің қатарына Бразилия, Мексика, Үндістан, Тайланд жатады. Егер тропикалық ормандар осындай қарқынмен жойыла берсе, 30–40 жылдан соң жер бетінде мұндай ормандар қалмайды. Тропикалық ормандар аумағының азауы өсерінен атмосферадағы оттегінің мөлшері XX ғасырдың ортасымен салыстырғанда жыл сайын 10–12 млрд тоннаға азайып, ал көмір қышқыл газының мөлшері 10–12%-ке көбеюде, яғни оттегі тепе-тендігінің бұзылу қаупі бар.

Ормандардың жойылуының басты себептері: орман ал-қаптарының ауылшаруашылығы дақылдарын өсіру үшін өндеделуі, ағаш отындарға сұраныстың артуы, ормандарды өнеркәсіп қажеттігі үшін қырқу және дамудың үлкен масштабты жобаларының іске асуы.

Біріккен Ұлттар Ұйымының Рио-де-Жанейродағы конференциясынан соң дамушы елдер орман ресурстарын сақтау мәселесі бойынша халықаралық келісімге дайын екендіктерін растады. 1993 жылы Бандунг қаласындағы кездесуде өлемнің барлық климаттық аймақтарында орманшаруашылығының дамуын қамтамасыз ететін бағдарламалар жасау және оны бақылау туралы халықаралық комитет құру жөнінде ойлар айтылды.

(«Экология» оқулығынан)

-  4. «Орманның азауы» мәтінін негізге алып, бүйрық рай мен қалау рай етістіктерін қатыстырып, «Планетаның жасыл өкпесі» тақырыбында өлең не өңгіме жазындар.
-  5. Дағы философтары – қазақ жырауларының толғауларынан алынған үзінділерді авторларымен сәйкестендіріңдер. Тақырыппен байланысын анықтаңдар.

Қазтуған жырау		Айналасын жер тұтқан Айды батпас демеңіз. Айнала ішсе, таусылмас Көл суалмас демеңіз.
Бұқар жырау		Еділдің бойын ен жайлап, Шалғынына бие біз байладап, Орындықтай қара сабадан Бозбаламен күліп, ойнап, Қымыз ішер күн қайда!?
Шалқиіз жырау		Тогай, тогай, тогай су, Тогай қондым, өкінбен. Толғамалы ала балта қолға алып, Топ бастадым, өкінбен.
Доспамбет жырау		Жапырағы жасыл жаутерек Жайқалмағы желден-дүр. Шалулығы белден-дүр, Төренің кежігүі елден-дүр.



Шешеннің көпшілік алдында өзін ұстau мәдениеті

Шешеннің мәдениеті тыңдаушы ортаның ерекшелігін ескеруден және соған қарай өзін бейімдеуден анық көрінеді. Сөйлегенде мынадай нәрселер ескерілуі тиіс:

- 1) сөйлеу интонациясын қалыптастыру, атап айтсақ, дауыс саздылығы, мақам, сөз ырғағы, керекті жерінде кідіріс жасай білу;
- 2) сөз саптауда тыңдаушылардың жас ерекшелігі мен әлеуметтік ерекшелігін ескеру;
- 3) бет-жүз, дene қимылдары, ым-ишараптардың сөз әсерлілігін арттыру мақсатында жұмсалып, барынша табиғи болуы;
- 4) қолды сермеуге, қатты құлуге, аса қатты сөйлеуге немесе міңгірлеп сөйлеуге жол бермеу;
- 5) өзі туралы айта беру, барлық сөзді өзінен бастау – әдепсіздік, сондай-ақ білмейтін нәрсе туралы айтудың қажеті жоқ;
- 6) дауыс көтеріп сөйлеген адамға дәл солай жауап бермей, байыппен сөйлеу керек.



- 6.** Мәтінді негізге алып, өздерің білетін шешеннің көпшілік алдында өзін ұстau мәдениетіне сынни тұрғыда баға беріңдер.

Улken дипломат әрі ғалым, академик Төлеген Тәжібаев туралы айтқанда, оның тамаша ұстаздық, тәлімгерлік, дәріс-керлік қасиеттерін ерекше атап көрсеткен дұрыс. Психология саласында оқыған дәрістерінің мазмұны аса терең, ғылыми өрісі кең, тыңдаушыға тартымды да әсерлі болған. Фалым-ұстаз лекциясының жинақы, логикасы көкейге қонымды, мазмұнды, ғылыми құндылығы жоғары болуына баса назар аударатын. Аудиторияны бірден баурап алатын, мейлінше байсалды да байыпты, биязы, майда қоңыр дауыс ырғағы да оның ұстаздық тұлғасын даралай түсетін. Оның жүзі қандай жарқын болса, ойы да сондай айқын, сөзі де сондай сыпайы әрі салмақты болатын, біреумен сөйлесе келгенде, оның сөзінен білімді, мәдениетті адам екені бірден сезілетін... Т.Тәжібаевтың ізеттілігі оның қанына сіңген қасиет болатын.

(Мәулен Балақаев)



- 7.** «Дүниежүзілік экологиялық дағдарыс» тақырыбында деректер жинап, сілтеме жасап, мақала жазындар. Шешендерше сөз саптап, мәселені шешу жолдарын ұсынындар.

§5.

Атом өнеркәсібі



1. Ойтүрткі сұрақтарына жауап беріңдер.

1. Өнеркәсіптің қандай түрлерін білесіңдер?
2. Атом өнеркәсібінің ел өмірінде алатын орны қандай?



2. Таза ғылыми стильдегі мәтінді оқып, құрылымын, жанрлық ерекшеліктерін талдаңдар.

Атом өнеркәсібі – уран кенін өндірумен шұғылданатын, одан атом энергиясын өндіретін және сол энергияны пайдаланып жұмыс істейтін өнеркәсіп саласы. Ядролық энергия өнеркәсіпте, ғылымда, медицинада т.б. салаларда пайдаланылады. Ядролық энергияны пайдаланып, атом электрстансылары жұмыс жасайды, кеме, пойыздар жүріп, ұшақтар мен зымырандар үшады.

Атом өнеркәсібі 50-жылдардың орта шенінде, атап айтқанда, 1954 жылы КСРО-да тұңғыш АЭС іске қосылғаннан кейін жеке өнеркәсіп саласы болып қалыптасты. Бұдан кейін Ұлыбританияда, АҚШ-та АЭС-тар іске қосылды. 1997 жылы барлығы 437 АЭС жұмыс істеді. Олар дүниежүзіндегі әлектр қуатының 17%-ін өндірді.

Қазақстан уран қорының молдығы жөнінен өлемде 1-орынды иемденеді. 50-жылдардан бастап Қазақстандағы 20 кен орнында уран өндіру жұмыстары жүргізілді. Қазақстанның барлық аймақтарында уран өндірумен айналысадын өндіріс орындары бар. Олардың ең ірілері: Тау-кен химия комбинаты (Орталық Қазақстан), Ертіс химия-металлургия зауыты (Шығыс Қазақстан), Қаспий жағалауы тау-кен металлургия комбинаты (Батыс Қазақстан), Онтүстік Қазақстан кен басқармасы т.б.

Қазақстандағы тұңғыш АЭС – Ақтау қаласында салынған (1973 ж.) шапшаң нейтронмен жұмыс істейтін БН-350 реакторы бар энергия комбинаты. Бұдан басқа Қазақстанның Үлттық ядролық орталығында төрт зерттеу реакторы жұмыс

істейді. Оның үшеуі Курчатов қаласының маңында, біреуі Алматы қаласының жанында орналасқан.

(«Қазақ энциклопедиясы», 5-том)



3. Оқылым материалы бойынша негізгі ақпаратты ірікте, тұртіп жазындар (конспектілеңдер).



Осыдан тура 30 жыл бұрын, яғни 1986 жылы 26 сәуірде Украинадағы Чернобыль атом электрстансысы жарылған болатын. Апаттың салдарынан Украинаның елеулі аумағы мен Ресейдің Брянск және Калуга облыстарының аумағына радиоактивтік ауа жайылып, халық өміріне зор қауіп тәнді. АЭС-тен радиусы 30 шақырым жерде тұратын халық басқа жерлерге көшірілді. Апатқа ұшыраған аумақ залалсыздандырылды. Кенеттен келген апаттың зардабын жоюға Қазақстан азаматтары да тартылды. Радиоактивті тұтін ол аймақтан асып, 10-нан аса мемлекеттің 145 мың км² жерін ластиды, кем дегенде 5 млн халық зардап шекті.

(e-history.kz)



4. Атом өнеркәсібінің адамзатқа тигізетін зардабы туралы өзара диалог құрындар. Талқылау сұрақтарын құрастырып, сыни тұрғыда баға беріндер.



Сыни пікірдің өзіндік ерекшелігі

Сыни пікір – көркем шығарма, мақала, ғылыми-зерттеу жұмысы, монография, эссе және т.б. еңбектерге жазылған сынни шолу, сараптамалық пікір.

Сыни пікірдің құрылымы:

1. Еңбектің авторы, тақырыбы, көлемі т.б. туралы мәлімет.
2. Жұмыстың қысқаша мазмұны, өзектілігі.
3. Сыни пікір берушінің жұмыстың оқығаннан алған әсері.
4. Сыни талдау, яғни жұмыстың құрылымын, баяндау стилін, дәлдігін, автор шеберлігін т.б. бағалау.
5. Жұмыстың артықшылықтары мен кемшіліктерін көрсету.
6. Жұмысты бағалау, ұсыну т.б.
7. Сыни пікір берушінің аты-жөні, лауазымы.



5. Берілген ұлгіні негізге алып, жұптарыңың үй тапсырмасына – «Дүниежүзілік экологиялық дағдарыс» тақырыбындағы жазба жұмысына сыни пікір жазындар.

Улғі:

Алматы қаласы №17 мектептің 11-сынып оқушысы Манапова Жұлдыздың «Асыл тас атауларының танымдық сипаты» мақаласына

СЫНИ ПІКІР

Мақала қазақ тіліндегі айрықша лексикалық топ – асыл тас атауларының танымдық сипатын ашуға арналған. Мақалада қазақ халқының эстетикалық талғамы, дүниетанымы, біз білестін және білмейтін атаулардың тілдік табиғаты туралы қызық материалдар бар.

Жұмыс кіріспе, негізгі бөлім және қорытындыдан тұрады. Кіріспеде халқымыздың эстетикалық талғамы туралы жазылған шығармаларға, дереккөздерге шолу жасалады. Негізгі бөлімде көптеген асыл тас атауларының этимологиясына байыпты талдау жасалған, оны дәлелдейтін мақал-мәтелдер мен фразеологизмдер сараланған. Қорытындыда асыл тас атаулары халқымыздың тарихи-мәдени, эстетикалық, өркениеттік құндылықтарынан ақпарат беретін тілдік бірлік ретінде анықталды.

Мақаланың тілі жатық, мәселені талдауда автордың ғылыми-көпшілік стильді орынды қолданғаны байқалады.

Жұмыстың артықшылығы: асыл тас атауларына байланысты аталымдарды, фразеологизмдерді, антропонимдерді жинақтап, топтастырған, өзіндік пайымдаулар жасаған.

Десе де мақалада әшекей бұйым атаулары мен асыл тас атаулары араласып кеткен. Мысалы: шашбау, түйме, қын т.б. әшекей бұйымдарын асыл тас атауларына жатқызуға болмас.

Қорыта айтқанда, 11-сынып оқушысы Манапова Жұлдыздың «Асыл тас атауларының танымдық сипаты» мақаласы – өзекті мәселеңі көтерген, оқушының ізденүшілік қабілетін танытатын жұмыс. Жоғарыда аталған ескертулерді жөндейп, баспаға ұсынуға болады.

Сыни пікір беруші:

№85 мектептің педагог-сарапшысы
Н.Дүсіпова



Реті	Шешендік сөзге қойылатын талаптар
1.	Шаршы топ алдында әлеуметтік тақырыпта сейленетін шешендік сөз мәнді де мағыналы, мазмұнды болуы керек.
2.	Тыңдаушыны баурап алар, жүргегіне жетер әуезділік пен көркемдігі болуы шарт.
3.	Шешендік сөздің өзегінде ой салатын негіз, дәлел болуы керек.
4.	Айтылатын ой айқын да нақты болып, нанымды әрекетке бағдар беруі қажет.
5.	Шындық пен ақиқатқа құрылышып, мәңгілік құндылығын жоймайтын сипатта болғаны жөн.
6.	Ұтқыр шешімге, тапқыр қысынға, қолма-қол шығарылатын сұрыпсалмалыққа құрылады.



Елді аузына қаратқан шешен болам десең...

- Тыңдаушылардың өздері жақсы білетін нәрсені тәптіштеп айтып жатудың қажеті жоқ. Сөзің кісіге білім беретіндей, кісінің жүргегін қозғайтында болу керек.
- Өзін өзгеден артық санап, «мен білгенді тыңдаушыларым білмейді» дегендеги пиғыл білдіріп, білгішсініп, мақтана сөйлеген жанның айтқаны далага кетеді.
- Шешеннің дауысы булығып шығып, бірсыдырығы әуенмен, жігерсіз, баюу сөйлейтін болса, айтқаны қаншама қызық болғанмен, тыңдаушыларды тез жалықтырады.
- Тыңдаушыларға көз қырын салмай, екі көзін қағаздан алмай сөйлейтін кісіні жұрт онша ұнатпайды, біреу жазып берген сөзді оқып, өзгелерді алдаң тұргандай көреді.
- Шешеннің сөзі қысқа әрі тұжырымды болуы керек. Аз сөзбен айтуға болатын ойды көп сөзбен езгілеп, тыңдаушысын ығыр қылу – әдепсіздік. Мейлінше аз сөзбен көп нәрсе айтуға тырысқан жөн.
- Шешеннің сөзінде жүйе болмаса, әр нәрсенің басын бір шалып сөйлесе, ондай шешенді тыңдау да қиын...

(Абат Қыдыраевтың «Шешендіктану: теориясы және практикасы» еңбегінен)



6. Атом өнеркәсібінің пайдасы мен зияны туралы нақты дәлелдер келтіріп, аргументті эссе жазындар. Жұрт алдында сөйлеуге дайындалып, «Фибратты сөз» айдарында берілген талаптарды сақтап, сыйыптастарыңа оқып беріндер.

§6.

Мұнай өнеркәсібі және қоршаған орта



- Суретке қарап, еліміздегі мұнай өнеркәсібінің рөлі туралы ойла-рынды ортага салындар.



- Мәтіндерді мұқият оқып, салыстыра талдаңдар.

«Мұнай өнеркәсібі» мәтіні	«Аспан мұнарадан басталады» өлеңі
Тақырыбы	
Автор көзқарасы	
Көзделген аудиториясы	
Құрылымы мен тілдік ерекшеліктері	

Мұнай өнеркәсібі

Мұнай өнеркәсібі – отын өнеркәсібіндегі жетекші рөл атқаратын сала, негізгі стратегиялық шикізат көзі. Мұнайды өндемей қолдана алмаймыз. Одан 300-дей өнім алынады: ең қажетті өнімдер – көліктеге арналған отын (бензин, керосин) және химия өнеркәсібіндегі шикізаттар.

1960 жылдардың ортасында Маңғыстаудағы Өзен, Жетібай, Қаражамбас, Қаламқас, Солтүстік Бозашы, Қеңқияқ, Жаңажол т.б. кен орындарындағы мұнайға барлау жасалды. Кейінрек Қарашығанақ, Төңіз сияқты алып мұнай кен орындары ашылды. 1980 жылдардың басында республикамызда үшінші ірі кен орны – Құмқөл пайдада болды. 1990 жылдардың басында Қазақстандағы ең үлкен мұнай кен орны – Қашаған ашылды. Мұнай қоры жағынан (4,8 млрд т) Қашаған дүние жүзіндегі бесінші орында.

1970 жылдары республикамыздағы барлық мұнайды үш облыс (Маңғыстау, Атырау, Ақтөбе) өндіретін, қазір 6 облыс өндіріп отыр. Қош бастаушы – Атырау облысы.

Өндіріс ауданынан тұтынушыға теміржол арқылы цистернада және Каспий теңізі арқылы танкермен жеткізіледі. Негізгі бөлігі құбыр арқылы тасымалданады.

Мұнайды мұнай өндіртін зауыттарда өнддейді. Мұнай өндіртін зауыт көбінесе тұтынушыға негізделген. Қазақстанда 3 ірі мұнай өндіртін зауыт (Атырау, Павлодар, Шымкент) және кішігірім жанар-жағармай зауыты Қарашығанақта жұмыс істейді.

(«Қазақстанның мұнай энциклопедиясынан»)

Аспан мұнарадан басталады

«Қара дария» буырқанып тасыған,
Айнымайды арулардың тарқатылған шашынан.
Білесің бе,
Біздің жақта аспан деген басталады, жас ұлан,
Мұнаралар басынан.
Барады, әне, вахтасына оператор асығып,
Тербел ылғи жас жүрегін жалыны мол жас үміт.
Мақпал тұн ғой,
Құс жолы да аяғына бас ұрып,
Жатар жерде шашылып.
Мақтанамын бай қазына кең далама біткенге.
(Ырыс көп қой таңды өзгеден бұрын тұрып күткенге).
Еңсе биік мұнарадай,
Арманым да тым асқақ,
Сол өңірде туып-өскендіктен де.

(Айтуар Өтегенов)



Мұнай мен газ улы заттар болғандықтан, қоршаған ортаға түскенде, табиғатқа және адам денсаулығына орасан зор зиян келтіреді. Осы зиянды азайту мақсатында табиғатты сақтау технологиясын қолданып отыру қажет. Өндіруші компанияларға ілеспе газды жағуға тыйым салынды. Мұнайды бүрғылау орындарын су басып кетпей үшін арнайы дамбалар тұрғызылуы керек. Мұнай мен газды өндіретін және өнддейтін аудандарға жақын орналасқан елді мекендердегі адамдар басқа жаққа, яғни қолайлы жерге көшіріледі.

(«Қазақстанның пайдалы қазбалары» кітабынан)



3. Қөркемдегіш құралдарды ұтымды қолданып, «Таза болса табиғат, аман болар адамзат» тақырыбында өз таңдауларың бойынша шығармашылық жұмыстың бір түрін орындаңдар.



4. Жұптарыңның шығармашылық жұмысына сынни пікір жазындар.

1. Шығармашылық жұмыстың (өлең, өңгіме не шығарма) авторы, тақырыбы (1 сөйлем).
2. Жұмыстың қысқаша мазмұны, өзектілігі (2 сөйлем).
3. Жұмысты оқығаннан алған өсерің (1 сөйлем).
4. Жұмыстың құрылымы, баяндау стилі, дәлдігі, автор шеберлігі (2 сөйлем).
5. Артықшылықтары мен кемшіліктері (2 сөйлем).
6. Сыни пікір берушінің аты-жөні (1 сөйлем).



5. Аудиожазбадан (03. mp3) «Фаламдық шикізат дағдарысы» мәтінін тыңдалап, мақсатты аудиториясын, стилін анықтаңдар. Терминдері мен ұғымдарын, тілдік оралымдарын талдау арқылы дәлелдендер.

Мәтіннің мақсатты аудиториясы	Мәтіннің стилі



6. БАҚ, әнциклопедиялық, ғылыми-қоғашлік еңбектерден еліміздегі мұнай және газ кен орындары туралы деректер жинап, «Мұнай мен газ – Қазақстанның басты шикізат байлығы» тақырыбында мақала дайындаңдар.

§7.

Өнеркәсіп қалдықтарының табиғат апатын тудыруы



1. Ойтурткі сұрақтарына жауап беріңдер.

1. Қалдық, соның ішінде өнеркәсіп қалдықтары дегеніміз не?
2. Өнеркәсіп қалдықтарының адам денсаулығы мен табиғатқа зияны қандай?



2. Мәтінді оқып, стилін, құрылымы мен жанрлық ерекшеліктерін талдандар.

Адам баласының кез келген шаруашылық өрекеті өртүрлі қалдықтармен биосфераны ластайды, бұл халықтың денсаулығы мен өміріне, флора мен фауна түрлерінің қысқаруына әкеледі, қоршаған ортадағы тепе-тендікке қауіп тудырады. Бірақ кен үйінділерін, өнеркәсіп қалдықтарын, қоқыстарды, қаланың шөп-шаламдарын тек қоршаған ортаны бұзатын ластағыштар деп санауға болмайды, олар – құнды шикізат көздері. Жетілдірлген технологияның жоқтығына байланысты оларды өндеп, қажетті өнім алу әзірше жолға қойылмаған, сондықтан бұларды сақтауға, жоюға, тасуға, көмуге және т.б. жұмыстарға көптеген қарожат, энергия, уақыт жұмсалуда.

Екінші реттік энергоресурстар дегеніміз – тікелей осы өндіріс өнімдерінің, қалдықтардың, жанама және аралық өнімдердің энергетикалық потенциалдары. Екінші реттік энергоресурстарды жүзеге асыру жылу мен энергияны үнемдеумен қатар, атмосфераға бөлінетін жылу мөлшерін азайтып, қоршаған ортаны қорғауға септігін тигізеді. Мысалы, Череповец металлургиялық комбинатына қарасты зауыттың жылу электр орталығында барлық қазандық екінші реттік ресурстарды пайдалану арқылы жұмыс істеуде.

Құс фабрикаларынан қалдық ретінде шығатын құс жұндарі арзан шикізат ретінде қолданылуда, одан жоғары сапалы мал жемін, яғни құрамында 85%-ке дейін белогі бар үн алуға болады. Мұндай өндіріс Германияда жақсы жолға қойылған, онда 3 т қалдықтан 1,2 т үн алынады.

Қалдықтар проблемасын шешу қолымызда бар заттарды тиімді пайдалануға тікелей байланысты. Мысалы, күйіп

кеткен лампалардан вольфрам алу түкке түрмайтын іс сияқты. Жанып кеткен бір лампочкада 10 мг-дай вольфрам болады, ал оның миллионында – 10 кг. Өнеркәсіпте осы қымбат, тапшы металдың 10 кг-ын алу үшін вольфрамит пен шеелиттің 1 тоннаға жуық қөлемі өндөледі, сонымен қатар біраз энергия мөлшері жұмсалады. Вольфрам оксидінің геологиялық қоры – 1 млн тонна. Жер шары масштабымен есептегендеге, ашылған қор 50 жылға ғана жетуі мүмкін. Бұл мәлімет вольфрам қосылыштарын тастамай, қайта өндөуге ерекше көңіл аудару қажеттілігін көрсетіп отыр.

(«Қазақ тілі терминдерінің салалық гылыми түсіндірме сөздігінен»)

Айтысты менгеру жолдары

Айтыс өнерінің бүгінгі жетістіктері – оның сатиralық деңгейінің биіктегені, заман келбетіндегі кемшіліктерді өткір сынай білуі, проблема көтеру, ақындардың өзіндік стилінің қалыптасуы т.б.

«Айтыс – еріккеннің ермегі емес, биік өнер. Ол – сөз бер ойдың, тапқырлықтың шыны. Сондықтан да айтыскерге терең білім, үлкен даярлық керек. Ақын тарихты зерделейді. Қоғамдық ой қалыптасырады. Ата сөзін жинайды. Шежіре ақтарады. Қазіргі ақындар осы үрдісті одан әрі дамытып, халықтық мәселелерді көтеруді айтыстың ажырамас бөлігіне айналдырыды» (Мырзатай Жолдасбеков).

Айтыс – білімділікпен бірге шығармашылықпен ойлауды талап ететін пікірталастың ең ерекше түрі. Айтысу шарттарын орындау үшін баланың жан-жақты ойлау дағдысын дамыту керек. Бұл түрғыда оқушы сынни және логикалық ойлау қадамдарын жақсы білуі керек. Осы бағытта ойланған білген оқушы кез келген заттан, мәліметтен, құбылыстан тың идея көре біледі. Оны тапқырлықпен ұштастырып, ойын түйіндең, үйқастыра жеткізеді. Өлең жолдарының мазмұнын да, мағынасын да үйлестіре алады. Ассонанс пен аллітерация мүмкіндіктерін де еркін кіріктіреді.

Мысалы:

Достықтың білсең бағасын,
Демеуші тірек табасың.

Ақыл мен білім бір болсын,
Арнаға ұшқыр ой толсын (А.Қасымбек, Р.Дүйсебаева).



3. Көркемдегіш құралдарды ұтымды қолданып, «Өнеркәсіп қалдықтарының көбеюі әкологиялық апат па?» тақырыбында келісу/келиспеу эссеін жазындар.



4. Жұптарыңың жазған эссеіне сынни пікір беріндер.



5. Үш топқа бөлініп, тапсырмаларды орындаңдар.

Мәтіннің зерттеу нысаны мен мақсаты	Мәтіннің стильдік ерекшеліктері

2-топ. Өздерің тұратын аймақтардағы өнеркәсіп қалдықтарының адам денсаулығы мен табигатқа тигізіп жатқан зияны туралы ойталқы өткізіндер. Мәселені шешу жолдарын ұсыныңдар.

3-топ. Үлгіні негізге алғып, қайым айтыс (айтыстың бір шумақ өлең мен қайырып отыратын шағын түрі) ұйымдастырыңдар.

Бұгінгі болыстар қонағында... Абай Байкөкшені жүртқа елеулі етпек боп, сөзге қатысты:

– Байеке, ендеше, іркілме, шұбыртпа. Мен бірауыз өлеңнің басын бастайын, соның аяғына болыстар туралы елдің не айтатынын сен қосып жіберші, көні! – деді.

Өзі де бөгелмesten, қатты дауыстап өлеңдетіп кетті.

Ойпаң жерге қауындалап шөп бітеді,

Кей жігітке мал мен бас көп бітеді, –

деп қалып еді. Жүргініп отырған Байкөкше көтеріле беріп, қабағын керіп жіберіп, лезде іле жөнелді:

Кей жігітті пысық деп болыс қойсан,

Қашан түсіп қалғанша жеп бітеді.

– Міне, ел сөзі! – деп, Төкежанға қарап, сақылданап күліп жіберді.

(«Абай жолы» роман-эпопеясынан)



6. «Қазіргі айтыс» жинағынан (құрастыруышылар: И.Нұрахметұлы, С.Дүйсенғазин. – Астана: «Күлтегін» баспасы, 2004) ақындардың Жер-Ана, туган жер, табигат тақырыбын көтерген айтыстарынан үзінділер жазындар. Өздерің де ақындарша ой толғап, осы тақырыпта 3–4 шумақ өлең шығарыңдар немесе өз ойларынды 8–10 сөйлеммен қорытындылаңдар.

II бөлімді қорытындылауға арналған тест тапсырмалары

1. Сөйлемнің стилін ажыратындар. *Өзендердің нитраттармен, фосфаттармен ластануы артуда.*
 - A. Қөркем әдебиет стилі
 - B. Ресми ісқағаздар стилі
 - C. Публицистикалық стиль
 - D. Фылыми стиль
 - E. Ауызекі сөйлеу стилі
2. Айтыс дегеніміз не?
 - A. Сөзталас
 - B. Пікірталастың өнер деңгейіне көтерілген ерекше түрі
 - C. Ойталқы
 - D. Жер дауы
 - E. Шешендік сөз
3. Көп нүктенің орнына қажетті сөздерді қойындар. *Суды ысырапсыз пайдаланудың нағијесінде Арал теңізінің ... төмендеп, ... 30–200 км-ге дейін құсырылды.*
 - A. Деңгейі, су айдыны
 - B. Биіктігі, кеңдігі
 - C. Қөлемі, ені
 - D. Суы, қамысы
 - E. Терендігі, жалпақтығы
4. Шешендік сөзге қойылатын талаптар:
 - A. Шытырман оқиғаға құрылуы
 - B. Өз пікірінің дұрыстығына көз жеткізуді мақсат етуі
 - C. Мәнді, мағыналы, мазмұнды болуы; үтқыр шешімге, тапқыр қысынға, суырыпсалмалыққа құрылуы
 - D. Қарсыластың кемшілігін таба білу
 - E. Психологиялық дайындық
5. Сыни пікірдің өзіндік ерекшелігі:
 - A. Жеке тұлғаның кез келген жағдайдағы мәселені зерттеп, қорытып, өз ойын еркін жеткізе алуы
 - B. Нақты сөзге дайындық
 - C. Бірнеше адамның жиынтық ойы
 - D. Терең ойлау
 - E. Жұмыстың қысқаша мазмұны мен өзектілігін, артықшылығы мен кемшілігін көрсету, сынни талдау жасау

- 6. Тыныс белгілері дұрыс қойылған сөйлемді анықтаңдар.**
- A. Арап теңізі Қазақстанның інжу-маржаны.
 - B. Қойнауы бағалы балықтарға бай, жағасы қамысты теңіз еді.
 - C. 1960-жылдардан бастап Арап теңізін игеру қолға алынды.
 - D. Халық санының, өсуіне орай суға деген қажеттілік те артты.
 - E. Апатқа ұшырағанға дейінгі тұздылығы – 10–12% болған.
- 7. Ахмет Байтұрсынұлының сынға берген анықтамасы:**
- A. Адам ісінен шыққан нәрсені тексеріп, баға беру
 - B. Шешендік нақыл, мақал, мысал, жұмбақ, жауап
 - C. Бір адамға арнайы айттылған сөлем, сын, өзіл, бата
 - D. Құнделікті дайындық
 - E. Тезис
- 8. Жүрт алдында сөйлеудің дайындық жолдары:**
- A. Тыңдаушылармен жиі сұхбаттасу
 - B. Шығармашылығын дамыту
 - C. Жиналыс, конференция, съездерге көп қатысу
 - D. Өз бетінше дайындық
 - E. Психологиялық дайындық, нақты сөзге дайындық, күнделікті дайындық
- 9. Төле бидің нақыл сөзін табындар.**
- A. Тату болса, ағайын жақын,
Ақылшы болса, апайың жақын.
 - B. Ақыл деген – дария,
Алдын тоссаң, тоқырап.
 - C. Сөз анасы – құлақ,
Су анасы – бұлақ,
Жол анасы – тұяқ.
 - D. Шешендіктен не пайда,
Артында сөзі қалмаса?
Батырлықтан не пайда,
Халқына қайран қылмаса?
 - E. Өсиетке терең бол,
Өсек сөзге керең бол!
- 10. Сөйлемнің берілу формасын анықтаңдар. Еркіндігіне қамыт түссе, елдігінен не қайыр?**
- A. Мақал
 - B. Мәтел
 - C. Нақыл сөз
 - D. Проблемалық сұрапқ
 - E. Сілтеме

III

БӨЛІМ

ҚАЗІРГІ ҚОҒАМ: МИГРАЦИЯ ЖӘНЕ ЗИЯТКЕРЛІК МИГРАЦИЯ

ШЕШЕНДІК СӨЗДЕР

Бұл бөлімде сөздер:

- қазіргі қоғамдағы миграцияның рөлімен танысасындар;
- миграцияның түрлерін ажыратасындар;
- зияткерлік миграцияның ел өміріндегі орнын танып, білесіндер;
- шешендік сөздердің жанрлық түрлерін (шешендік арнау, шешендік толғай, шешендік дау) менгересіндер;
- ресми ісқағаздар стилінің тілдік ерекшеліктерін танып, құжат түрлерін жазып үйренесіндер.

Миграция – проблема емес, басқаруды қажет ететін процесс.

Эльхадж Ас Си

§1.

Халықтың миграция мәселесі



1. Өз болжамдарың бойынша ойтүрткі сұрақтарына жауап беріңдер.
 1. Миграцияға қатысты қандай ұғымдарды білесіңдер?
 2. Миграция мәселесі қандай себептерге байланысты туындаиды?



2. Мәтінді сызбалардағы мәліметтермен қосып, тұтас мәтін турінде оқындар. Бұл мәселенің өзектілігінің себебін түсіндіріңдер.

Миграция (лат. *migratio* – «көші-қон», «қоныс аудару») – адамдардың қандай да бір аумақтың шекарасынан өтіп, ұзақ уақытқа немесе біржолата қоныс тебу процесі. Осы негізде халықаралық және ішкі миграция анықталады. Ішкі миграция ел халқының жалпы санын өзгертпейді, ал халықаралық миграция әлем елдеріндегі халық санының өзгеруіне әкеледі, көбіне азаматтықты өзгерту орын алады.





Миграция жекелеген елдердің, аймақтардың және жалпы әлемнің экономикалық-демографиялық дамуына әсер етеді.
 («Экономикалық терминдер сөздігінен»)



Сөзталас

Сөзталас – қандай да бір мәселені көпшілік арасында талқылау. Сөзталас баяндамаларды талқылағанда, хабарламалар жасағанда, жиналыстар мен конференцияларда, сондай-ақ сотта орын алады. Ал кейде күнделікті өмірде, мысалы, қоғамдық жүктеме жұмыс (спорт сайысы, газет шығару, мерекені ұйымдастыру т.б.) барысында орын алғып, жоғары деңгейде болмаса да, өзіндік пікірлерін танытуға мүмкіндік береді. Сондықтан сөзталас жоспарсыз түрде кенеттен жүзеге асып жатуы мүмкін. Туыс-туғандардың, отбасы мүшелерінің, көршілердің, қызыметтестердің, кездейсоқ адамдардың даулы сөздері де сөзталасқа жатады.

Мақсаты	Кенеттен туындаған жағдайда қарсыласқа тойтарыс беру. Көбіне әзілі жарасқан ағайын, дос-жаран, көрші-қолаң, қызыметтестер арасында көрініс береді.
Ерекшелігі	Күтпеген жерден өріс алуды мүмкін. Суырып салып айтуды, тапқырлық таныту. Қарсыластың осал түсін дәл табу, әдемі, шебер іріммен тойтарыс беру.
Мәдениеті	Дәрекілікке бой алдырмау. Ұақытында дереу жауап беру. Шымшыма, әзіл сөзді түсіне қабылдау. Мәдениетсіз әрекеттерді (дауыс көтеру, құшақтау, қағып жіберу, көз, қол қимылдарын орынсыз қолдану т.б.) шектеу, әзіл сөзге негізделген сөз орамдарын орында пайдалану.



3. Билердің «Бақ дегеніміз не? Байлық дегеніміз не? Бала дегеніміз не?» деген сұрағына Төле бидің берген жауабын (96-бет) оқып, сөзталасқа жататынын дәлелдеңдер.



4. Әлемнің экономикалық-демографиялық дамуына миграцияның тигізетін өсепі туралы сөзталас өткізіндер.



5. Аудиожазбадан (04. tr3) «Миграция мәселелері бойынша халық-аралық үйым» мәтінін тыңдау, талқылау сұрақтарын құрастырындар. Қотерілген мәселені сынни түрғыда бағалаңдар.



Шешендік сөздің жанрлық түрлері.

Шешендік арнау

Шешендік сөздер жанрлық мазмұнына қарай: шешендік арнау, шешендік толғау, шешендік дау деп үшке бөлінеді.

1. Шешендік арнау – бір адамға арнайы айтылған сәлем, сын, әзіл, бата.
2. Шешендік толғау – шешендік нақыл, мақал, мысал, жұмбақ, жауап.
3. Шешендік дау – руаралық немесе еларалық қылмыстық, азаматтық істерді шешу барысында айтылатын шешендік сөздер.

Шешендік арнау бата, тілек, әзіл-сын, көніл айту, естірту т.б. нұсқалардан тұрады. Мысалы, Төле бидің Жетес балага берген батасы шешендік арнауға жатады.

Тоғыз жасар Жетес: «О, баба! Ат берсең өліп қалады, тон берсең тозып қалады. Ат-тонға бергісіз, өлмейтін, өшпейтін, өмірі естен кетпейтін бір өсиет айтсаңыз! Соған ризамын», – депті. Сонда тоқсандағы Төле би былай бата берген екен:

Бір үйдің баласы болма,
Көп үйдің санасы бол.
Бір елдің атасы болма,
Бар елдің данасы бол.
Бір тонның жағасы болма,
Көп қолдың ағасы бол.
Ақты ақ деп бағала,
Қараны қара деп қарала.
Өзегің талса, өзен бойын жағала,
Басыңа іс түссе, көпшілікті сағала.
Өзіңе-өзің кәміл бол,
Халқыңа әділ бол,
Жауыңа қатал бол,
Досыңа адап бол.



- 6.** Мәтінді оқып, шешендік арнаудың қай түрі екенін анықтаңдар.
Шешендік сөзді талдаңдар.

Шешендік сөз қандай жағдайда туған?	Шешендік сөздің көтерген тақырыбы	Шешендік сөздің тәрбиелік мәні

Жанқұтты он жеті жасында өкесінің айтуымен Сары елінің беделді биі Шабанбайға бата алуға барады. Жанқұттының жайын сұрап білгеннен кейін:

– Шырағым, дұниеде не адап, өлемде не мықты? – деп сұрайды.

Сонда Жанқұтты:

Адал болсаң, судай бол:

Су арамды кетіреді.

Мықты болсаң жердей бол:

Жер жаһанды көтереді, –

деп жауап береді. Жігіттің жауабына риза болған Шабанбай би Жанқұттыны бірнеше күн қонақ етіп, кетерінде:

Аллаңа жағам десен, азанды бол,

Ағайынға жағам десен, қазанды бол,

Халқыңа жағам десен, әділ бол.

Судай таза бол,

Жердей берік бол.

Өмірің ұзақ болсын,

Сөзің халқыңа қуат болсын! –

деп, батасын беріп аттандырған екен.

(«Қазақтың би-шешендері» жинағынан)



Эмиграция – көшіп кету

Иммиграция – көшіп келу

Реэмиграция – көшіп кеткендердің қайта оралуы.

Репатриация – өскери тұтқындарды, босқындарды, эмигранттарды туған еліне қайтару.

(«Қазақ тілінің түсіндірме сөздігінен»)



- 7.** Екі тапсырманың бірін орындаңдар.

- Еліміздегі миграция мәселесі жөнінде ғылыми стильде мақала жазындар.
- Қосымша әдебиеттерден шешендік арнаудың түрлеріне мысалдар келтіріп, талдаңдар.

§2.

Әлем және Қазақстандағы миграция



1. Ойтурткі сұрақтарына жауап беріп, оқылым мәтінімен салыстырындар.

1. Әлемдік миграция дегеніміз не?

2. Заңды және заңсыз миграция мәселесі туралы қандай мәлімет білесіндер?



2. Мәтінді оқып, құрылымы мен рәсімделуін, жанрлық ерекшеліктерін талдаңдар.

Заңсыз миграция мәселесі – дүниежүзін алаңдатып отырған маңызды мәселе. «Daily Express» тілшілерінің мәліметінше, Ұлыбританияда туристердің тәртіп бұзыы жиілеген, шетел азаматтары жасаған қылмыс саны былтырғыдан 16%-ке артқан. Жергілікті полиция қызметкерлерінің айтуынша, мигранттар жиі қылмыс жасайды. Жалпы алғанда, бұл мемлекетте үш минут сайын өзге ұлт өкілі қамауға алынады. Лондонда, статистика бойынша, әрбір үшінші мигрант тәртіп бұзады. Сол себепті елде криминалды туризм өршіп тұр. Еуропада Балқан жерінің азаматтары құқық бұзушылардың алдын бастап тұр.

Заңсыз миграция біздің елімізде де әлі күнге дейін шешімін таппаған мәселе болып саналады. Заңсыз мигранттар санының артуы қылмыстың өсуіне және саяси тұрақтылықтың бұзылуына әкеледі. Мәселен, осы жылдың ортасында елордада жедел алдын алу шаралары жүргізіліп, көші-қон заңнамасын бұзған 1033 мигрант анықталды. Алматыда да осыған үқсас іспен мындаған мигрант тіркелген. Қазірдің өзінде іздеу салынған азаматтар мен бізге беймәлім қылмыстық жайттар баршылық. Қазақстандағы жұмыс күшінің біраз бөлігін заңсыз мигранттар құрайды. Олардың арасында маусымдық жұмыстарды істейтін адамдар басым.

Қазақстандағы криминалдың өршуіне шетелдік жұмыс күші санының артуы себеп болуы мүмкін. Егер заңсыз іс-әрекеттерге, тәртіп бұзушыларға тиісті шаралар қолданылmasa,

Ұлттық қауіпсіздік құлдырайды. Ондай жағдайда елімізде криминалды ортаның пайда болmasына кім кепіл?!

(Дайындаған Арай Жұматай)



Шешендік толғау

Шешеннің жан дүниесіндегі шымырлаған толғаныс толқындары тыңдаған жаңға әсер ететін толғау күйінде өріледі.

Толғау – шешеннің ішкі толғанысы. Ол өмір, дүние сыры, адамдар қатынасының түйінін шешу т.б. құрделі мәселелерге арналады. Толғау өлеңмен, жырмен айтылады. Би-шешендер – тек жұрт алдына шығып, уағыз айтушы немесе әдемі, жүйелі сөйлеуге үйретуші ғана емес, таным сырларын шешуші, тағылым мәнін жеткізуші де.

Толғаулардың көп көтеретін тақырыбы – ел, жер, ұлт тағдыры. Толғауға насиҳат, өситет, қоғамдық-әлеуметтік жайға аландаушылық, саясатқа күмән, философиялық талдау тән.

Толғаудың нақыл, мақал-мәтел, басқа шешендік сөзден айырмашылығы – белгілі бір мақаммен, аспаптың сүйемелдеуімен айтылуы.



3. Мәтінді оқып, шешендік толғаудың тақырыбын анықтаңдар.

Әділ бидің алдынан іс кетпейді,
Жәбірлікті бекерге істеппейді.
Ердің құнын екі ауыз сөзben шешіп,
Абыройын кісінің еш төкпейді.
Қылар жақсы түймeden түйедейді.
Жөнін тауып, әр істі жүйелейді.
Жаман болса төреңіз, ептей алмай,
Ақ ісінді қаралап, күйелейді.
Дүшпандарды әділ би дос қылады,
Жаман би дауыңа дау қостырады.
Бұл бір мақал: киікті ата алмаған
Атамын деп киікті бостырады.
Жақсы менен жаманның нарқы басқа,
Айта берсөң, бірталай сөз болады.

(Байжігіт би)



4. Қосымша ресурстардан Бөлтірік шешеннің толғауларын тауып, көтерген тақырыбын, тәрбиелік мәнін талданңдар.



Ресми ісқағаздар стилі

Стильдің бұл түрі құқықтық қарым-қатынас, әкімшілік саласында, кеңсе қызметінде қолданылады. Арнайы орындарда алдын ала дайындалған үлгілері де болады.

Ресми ісқағаздардың мынадай түрлері бар:

1. Мекемелердің, ұйымдардың ісін, қызметін үйлестіретін құжаттар: бүйрық, ереже, нұсқау, хаттама, хабарландыру т.б.
2. Мекемелердің өзара қарым-қатынасын үйлестіретін құжаттар: іс хаттары, қатынас қағаздары, келісімдер, шағымдар т.б.
3. Жеке адамдардың өзара алыс-берісін, іскерлік келісімдерін реттейтін құжаттар: өмірбаян, түйіндеме, келісімшарт, сенімхат, тілхат, қолхат т.б.

Ісқағаздар қалыптасқан үлгіде, баяндау түрінде жазылады. Сөйлемдері тиянақты, ой аяқталған болып келеді. Мазмұны екішты болмайды, дәл, анық жазылады, көбінесе тапсырма беру, бұйыру ыңғайында болады. Тұжырымдылықты, нақтылықты білдіру үшін, сөйлемдерінің баяндауышы ырықсыз етіс түрінде келеді. Мысалы: **орындалды, орындалсын** т.б.

Құжаттарды жазуда мемлекет дайындаған арнаулы нұсқау басшылыққа алынады.

Ресми ісқағаздар стилі			
Мақсаты	Қолданылу аясы	Стильдік сипаты	Тілдік амал-тәсілдері
Хабарлау, ақпарат, анық мәлімет беру.	Ісқағаздарда, нұсқау хаттарда, кеңсе және жеке қызмет құжаттарында.	Ресми, ақпараттық, есептік, дәл, нақты.	Кітаби, ресми сөздер мен тіркестер, хабарлы сөйлемдер, дайын тіркестер, терминдер.



5. Жеке адамдардың өзара алыс-берісін, іскерлік келісімдерін реттейтін құжаттардың 10-сыныпта өткен жазылу үлгілерін еске түсіріндер. Уш топқа бөлініп, өтініш, түйіндеме, өмірбаян жазындар.
6. Фылыми стильтің тілдік құралдарын қолданып, «РАФТ» стратегиясымен миграциялық полиция қызметкерінен «Дүниежүзілік миграция: себептері мен салдары» тақырыбында интервью алындар.



§3.


Зияткерлік миграция



- Екі топқа бөлініп, сұрақтарға жауап беріндер. Жауаптарыңды алмастырыңдар. Дауыстап оқып, бір-бірінді толықтырыңдар.
 - Жаһандану процесі нарықтағы білікті мамандардың миграциясына қалай әсер етуде?
 - Қазіргі таңда қай мамандық иелері миграцияға үшіруада?



- Мәтінді оқып, берілген мәліметтерді салыстыра талдаңдар. Негізгі үрдістерді сызба арқылы көрсетіңдер.



Жаһандану процесінде білікті мамандарға қол жеткізу дегі бәсекелестікten зияткерлік миграция (маманның белгілі бір себептерге байланысты басқа мемлекетке қоныс аударуы) туындағы. Анағұрлы «өтімді» мамандықтардың қатарына медицина қызметкерлерін жатқызуға болады. Денсаулық сақтау саласында дәрігерлер, медбикелер және кіші медициналық қызметкерлер мансапқа жету және жаңа мүмкіндіктерді іздеу мақсатында миграция мүмкіндіктерін пайдалануға тырысады. Соңғы жылдары мұнданың миграция деңгейі айтарлықтай өсіп келеді.

Әлемдік денсаулық сақтау жүйесінде дәрігерлер мен халықтың саны жағынан теңгерімсіздік айқын көрініс табуда. Ал медицина қызметкерлерінің миграциясы осы сандық айырмашылықты одан әрі өршітеді. Табысы жоғары елдерде медициналық қызметкерлерге деген сұраныс үнемі өсіп отырады.

Медициналық қызметкерлердің миграциялық үрдісіне сәйкес, елдер негізгі екі топқа бөлінеді: бастапқы немесе тудырушы (донор) елдер және қабылдаушы (реципиент) елдер. Бастапқы елдер мамандар дайындауды жүзеге асырады. Ал

қабылдаушы елдер деңсаулық сақтау саласындағы қызметкерлерін лайықты жалақымен және еңбек шарттарымен қамтамасыз етеді, өтемақы жүйесін өзірлейді.

Еуропа елдерінде соңғы 30 жылда деңсаулық сақтау саласындағы мигрант-қызметкерлердің саны өр жыл сайын 5%-ке өсіп отырған.

Қазір әлемде медициналық қызметкерлердің тапшылығы байқалады. Әлемдік еңбек нарығында жалпы медициналық қызметкерлер құрамының тапшылығы 4,3 млн адамды құрайды. Медициналық қызметкерлердің 86%-і АҚШ, Канада, Ұлыбритания, Германия, Австралия сияқты ірі бес елде жұмыс атқарып жүр, ал әлемнің 57 елінде қызметкерлердің жетіспейтіндігі анықталды.

Денсаулық сақтау саласындағы миграцияның негізгі бағыты – Германия және Ұлыбритания. Мұнда мигранттардың кейбірі мемлекеттік құрылымдарда, яғни емханаларда еңбек етсе, кей жағдайларда науқастардың үйіне барып та жұмыс жасауына тұра келеді.

Миграциялық саясаттағы маңызды бағыт – мигрант-қызметкерлердің құқықтарын ескеру.

(Ләззат Спанқұлованың
«Әлемде төрт миллионнан астам медицина
маманы жетіспейді» мақаласынан)



3. Білікті мамандардың шетелге кетуін азайту ушін қандай шаралар жасалуы керек? Үлгіні жалғастырып, сөзталас өткізіндер. Өз ойларынды ортаға салып, пікір таластырындар.

Үлгі:

Зияткерлік миграцияны азайту жолдары:

1) талантты жас мамандарды әртүрлі гранттар мен марапаттар арқылы қызықтыру қажет...



4. Сөзталастан түйген ойларынды қорытындыладап, мәтін жазындар. Жұптарынмен алмасып, бір-бірінің жазба жұмыстарыңа түзету енгізіп, редакциялаңдар.



5. Берілген ұлгілерді негізге алып, ісқағаздардың бірнешеуін жазыңдар. Ережеде аталған ісқағаздардың тағы қай түрінің жазылу ұлгісін білесіңдер?

Улғі:

Сенімхат

Мен, Гүлжан Смағұлқызы, (төлкүжат №000000000) інім Әскер Смағұлұлына «Табурет» фирмасының есепшісінен маусым айы үшін тиісті жалақымды алу жөнінде сенімхат бердім.

Гүлжан Смағұлқызы
18.08.2019 жыл

Қолхат

Мен, Әскер Смағұлұлы, (төлкүжат №000000000) «Талас» фирмасынан мына құрылыш аспаптарын уақытша пайдалану үшін алдым: бетонараластырғыш, сылақшы қалақ, саты. Аспаптарды бүтін күйінде 01.08.2019 жылы қайтарамын. Жарамсыз болған жағдайда базар наркымен құнын төлеймін.

Әскер Смағұлұлы
01.05.2019 жыл

Сұраныс

20.10.2020 жыл

Алматы қаласы
«Саяхат» туристік фирмасының
директоры Е.Кендебайқызына

№189 мектептің 10-сынып оқушыларын Жамбыл ақынның музейіне апару үшін, көлікпен қамтамасыз етуді және жолсапарға мәлімет беретін маманды қосып беруінізді сұраймын.

Мектеп директоры

Н.Әбілтаев



6. Фылыми стильге тән тілдік құралдарды қолданып, «РАФТ» стратегиясымен Сыртқы істер министрлігі қызметкерінен зияткерлік миграция туралы алатын интервьюодің мәтінін дайындаңдар.

Үлгі:

- *Сәлеметсіз бе! Сізден мамандар миграциясы туралы ақпарат алғымызды келеді. Қазіргі кезде қай мамандықтар сұранысқа ие болып отыр?*
- *Қайырлы күн! Бұгінде әлемнің барлық елі үшін зияткерлік миграция мәселесі өте өзекті. Жаһандық процестің субъектісі ретінде Қазақстан да атап алған түйткілден тыс қала алмайды. Қазіргі таңда білімді жастарымыздың шетелге бет буру процесі күн сана партуда...*



7. Мақал-мәтелдер туралы өзіндік тұжырым жасаңдар. Интонацияны (өуен, өуез, тембр, қарқын, кідіріс) сөйлеу мәнеріне сай қолданып, сұхбаттасыңдар.

- Өзге елде сұлтан болғанша,
Өз елінде ұлтан бол.
- Ерден айырылған көмгенше жылайды,
Елден айырылған өлгенше жылайды.
- Аққу көлін аңсайды,
Адам туған жерін аңсайды.
- Тұған жердің қадірін, шетте жүрсөң, білерсің.
- Басқа жердің отынан туған жердің түтіні артық.
- Отансыз адам – ормансыз бұлбұл.
- Тұған жер – тұғырың,
Тұған ел – қыдырың.



8. БАҚ пен қосымша ресурстарда жазылған ақпаратты пайдаланып, еліміздегі мамандардың миграциясы туралы диаграмма құрастырыңдар. Соңғы бес жыл көрсеткіштерін салыстыра талдаңдар.

§4.

Ішкі миграция



1. Ойтұрткі сұрақтарына жауап беріңдер.

1. Халықтың қоныс аударуының қандай себептерін білесіңдер?
2. Соңғы жылдары елімізде ішкі миграцияны жүзеге асыруды қандай бағдарламалар қабылданды?



2. Мәтіндегі негізгі ойды анықтап, берілген мәліметтерді өндеп, толықтырыңдар.

Оңтүстікке солтүстікке қоныс аудару

Ел үкіметі 2013 жылы қабылдаған «Жұмыспен қамту-2020» бағдарламасында жұмыс күшіне тапшы аймақтарға халқы тығыз орналасқан өнірлерден еңбекке қабілетті отбасыларды көшіру туралы айтылған. Нәтижесінде оңтүстіктен солтүстікке көш түзегендердің саны артып келеді. Еліміздің Қостанай, Павлодар, Солтүстік Қазақстан, Шығыс Қазақстан облыстарынан келген делегацияның қатысуымен Мақтарал мен Сарығаш аудандарында жұмыссыздарға арналған «Өтіраалық бос жұмыс орындары жәрмеңкесінің» ұйымдастырылуы да бағдарлама шеңберінде жүзеге асуда.

Зерттеу нәтижесі бойынша, қазірден бастап халықтың орналасуында дисбаланс бар. Халықтың 38%-и оңтүстік өнірлерде қоныстанған. Ал Қазақстанның солтүстік аймақтарындағы халық саны 17%-ті құрайды. Егер мұндай үрдіс жалғаса беретін болса, 2050 жылға таман оңтүстік халқының саны 5,2 млн адамға жетеді. Бұл – солтүстіктегі тұрғындар санынан 4 есе көп болады деген сөз.

Еңбек және халықты өлеуметтік қорғау министрлігі соңғы 10 жылдағы ішкі миграцияға талдау жүргізіп, нәтижесінде Түркістан, Жамбыл, Маңғыстау және Алматы облысы тұрғындарының бір бөлігін Шығыс Қазақстан, Солтүстік Қазақстан, Павлодар және Қостанай облыстарына көшіруді арттыру қажеттігін анықтаған. Айта кету керек, «Жұмыспен қамту» бағдарламасын іске қосқаннан бері 19 мың адам солтүстік өнірге қоныс аударған. Оларға жоба аясында барлығы 5,4 мың қызметтік пәтер мен жатақханадан бөлме берілді.

(Динара Мыңжасарқызы)



3. Уш топқа бөлініп, тапсырмаларды орындаңдар.

1-топ. Өлеңді негізге алып, ауылдан қалаға жаппай көшу процесінің ел экономикасына әсері туралы сөзталас өткізіндер.

Сен де кеттің,
Мен де кеттім,
Ол да кетті ауылдан.
Осынымыз ұят болды-ау,
Ұят болды-ау қауымнан!..
Момын жүрттың арқа сүйер
Азаматы біз едік.
Тұлпарлардан, тұғырлардан
Қалған бір-бір із едік.
Біз де кеттік,
Басқа жаққа бетімізді түзедік...
Жеке-жеке бақыт іздең,
Жеке өмір түзедік.
Жетер енді!..
Тұған жердің топырағына тізе бүк!

(Мұқагали Мақатаев)

2-топ. Кімді қазіргі заманның шешені деп санайсындар? Сол тұлғаның бойындағы шешенге тән қасиеттерді графикалай мәтінге топтастырып, 4–5 сөйлеммен тұжырым жасандар.

Шешенге тән қасиеттер



4. Аудиожазбадан (05. mp3) «Қазақстан Республикасындағы миграциялық саясаттың кейбір мәселелері» мәтінін тыңдал, терминдер мен ұғымдарға, тілдік оралымдарға түсіндірме (комментарий) беріп, кестені толтырыңдар.

Терминдер мен ұғымдар, тілдік оралымдар	Түсіндірме (комментарий)



Шешендік дау

Егескенді бітістіріп, дауды шиеленістірмей шешуді көздейтін, елдіктің іргесін бекітетін сөз айту – дария ойлы данаға, кемел ойлы кеменгерге тән қасиет. Шешендік дау – әлеуметтік-тұрмыстық өмірдегі шиеленісті жағдайда айтылған жүйелі уәж, ұтқыр ой, тапқыр шешімге құрылатын шешендік сөз үлгілері. Қазақ қоғамында даулы мәселе орын алған түрлі жағдайда шешім табуға бағдар беретін, әділет заңдылықтарына негізделген тұжырымды ойлар. Шешендік дау мазмұнына қарай бес түрге бөлінеді: жер дауы, жесір дауы, құн дауы, мал дауы, ар-намыс дауы.

Билер дауды шешу барысында екі жақтың да сұрақ-талаптарын қанағаттандыра отырып, мәмілеге келу мүмкіндіктерін қарастырады. Қазақ даласында даулы мәселелерді шешу жауапкершілігін қара қылды қақ жарған әділ билерге, от ауызды, орақ тілді шешендерге жүктеп отырған.

Шешендік дауға қойылатын талаптар:

- 1) айтылар ойдың мазмұн терендігі, мәнділігі басты орында болуы;
- 2) көркемдегіш құралдар мен амал-тәсілдерді ұтымды пайдалану;
- 3) ой шындықпен астасқан, дәлелді және шешенниң жеке стилін де танытатын болуы тиіс.



- 5.** Мәтінді оқып, шешендік даудың қай түрі екенін анықтаңдар. Шешендік сөзді талдандар.

Шешендік сөз қандай жағдайда туған?	Шешендік сөздің көтерген тақырыбы	Шешендік сөздің тәрбиелік мәні

Қазыбектің ат дауын шешуі

Бір үлкен ас болып, сол аста бәйгеге шапқан қаншама аттың алдынан бір қара жал құла жеке-дара озып келіпті. Асқа жиналған топтың ішінен бір адам:

– Мынау – менің тай күнінде жоғалтқан атым, – деп, аттың шылбырына жармасады. Атты қосып отырған иесі:

– Жоқ, бұл – жала, өзімнің кер биемнен туған қолтума малым, – дейді.

Көпшілік екі жағына да «сенікі жөн» деп айта алмай, Қазыбектің әкесі Келдібек биге келеді. Екі даугердің сөзін тыңдаған Келдібек те «ат сенікі» деп кесіп айта алмай, дағдарып отырып қалады.

Жеті жасар Қазыбек:

– Сен қалай мал танығыш болып алдың? – деп даугерлердің біріне сұрақ қояды.

– Мен енесін көрсем, одан туған төлін, төлін көрсем, енесін жаза баспай танимын, – деп жауап береді атын тай құнінде жоғалтқан адам.

Сонда Қазыбек атты бәйгеге қосқан адамға:

– Қане, сіз қалай мал танисыз? – дейді.

– Мен енесін бір көрсем, ол құлындағаннан кейін, құлынның сол биеден туғанын бұлжытпай танимын, – дейді.

Сонда Қазыбек тұрып:

– Жарайды. Енді екеуің бар да, анау жүрген қозыдан еki қозы үстап әкеліндер, – дейді. Олар барып алып келгенде:

– Қозыны көгендең қойып, өрістегі қойдан өзді-өзің әкелген қозының енесін алып келіндер, – дейді.

Екі даугер өрістегі қойдан еки саулықты алып келіп, қозыларды бауырына салғанда, ат қосқан адам әкелген саулық қозыдан жериді, қозы да жатсынып, саулыққа жуымайды. Ал тай құнінде жоғалттым деген адам саулыққа қозысын салғанда, енесі еміреніп тұра қалады. Қозы бауырына кіріп, емеді.

Қазыбек көпшілікке қарап:

– Қане, халайық, бұған сіздер не айтасыздар? – дегенде, көпшілік бірауыздан:

– Ат тай құнінде жоғалтқан адамдікі екен, – деседі.

(«Қазақтың би-шешендері» жинағынан)



6. Әуен, өуез, тембр, қарқын, кідірісті сөйлеу мәнеріне сай қолданып, «Қазыбектің ат дауын шешуі» мәтіні бойынша көрініс қойындар.



7. «Ішкі миграция – қоғам өмірінің айнасы» тақырыбында статистикалық деректердің көмегімен өзіндік тұжырым жазындар.

III бөлімді қорытындылауға арналған тест тапсырмалары

1. Сөйлемнің стилін анықтаңдар. *Миграция – адамдардың қандай да бір аумақ шекарасынан өтіп, үзақ уақытқа немесе біржолатта қоныс табу процесі.*
 - A. Фылыми стиль
 - B. Ауызекі сөйлеу стилі
 - C. Публицистикалық стиль
 - D. Көркем әдебиет стилі
 - E. Ресми ісқағаздар стилі
2. «Өзіңе-өзің кәміл бол, халқыңа әділ бол!» шешендік сөзінің авторы кім?
 - A. Қазыбек би
 - B. Қелдібек би
 - C. Қерей хан
 - D. Ақтамберді жырау
 - E. Төле би
3. Шешендік сөздің жанрлық мазмұнына қарай бір түрі –
 - A. Тума талант
 - B. Шешендік толғау
 - C. Айтыс-даулар
 - D. Жер дауы
 - E. Пернелі сөз
4. Руаралық не еларалық қылмыстық, азаматтық істерді шешу барысында айтылатын шешендік сөз –
 - A. Шешендік арнау
 - B. Шешендік толғау
 - C. Шешендік дау
 - D. Термелі сөзі
 - E. Бата
5. Шешендік дауға қойылатын негізгі талаптар:
 - A. Өмір, дүние сыры, адамдар қатынасының түйінін шешу
 - B. Қоғамдық-әлеуметтік жайға алаңдаушылық; саясатқа күмән; философиялық талдау
 - C. Қөп дерек жинау
 - D. Айтылар ойдың мазмұны терең, мәнді, шындықпен астасқан, дәлелді болуы
 - E. Сырт келбеті

6. Құрдастардың, нағашы мен жиеннің, жезде мен балдыздың арасындағы еткір қалжың, қағытпа сөздер пікірталастың қай түріне жатады?
- A. Ойталқы
 - B. Ойкөкпар
 - C. Сөзталас
 - D. Айтыс
 - E. Пікір алмасу
7. Асты сызылған тіркестің лексикалық қатарын анықтаңдар. Зияткерлік миграция – белгілі бір себептерге (жұмыс бабы немесе оқу орнының ауысуы) байланысты басқа мемлекетке қоныс аудару.
- A. Термин
 - B. Кәсіби сөз
 - C. Диалект сөз
 - D. Неологизм
 - E. Эвфемизм
8. «Реэмиграция» терминінің білдіретін мағынасын анықтаңдар.
- A. Әскери тұтқындарды босату
 - B. Сыртқы миграция
 - C. Босқындарды туған еліне қайтару
 - D. Ішкі миграция
 - E. Көшіп кеткендердің қайта оралуы
9. Ресми ісқағаздардың түрлерін табыңдар.
- A. Отініш, түйіндеме, миграциялық саясат
 - B. Бұйрық, ереже, сенімхат, тілхат, қолхат
 - C. Келісімшарт, репатриант
 - D. Бейресми дерек, хабарландыру, мінездеме
 - E. Интонация, хаттама
10. «Орындау міндеттелсін, баса көңіл бөлінсін, қамтамасыз етілсін» тіркестерінің қай стильге жататынын ажыратыңдар.
- A. Фылыми стиль
 - B. Көркем әдебиет стилі
 - C. Публицистикалық стиль
 - D. Ресми ісқағаздар стилі
 - E. Ауызекі сөйлеу стилі

IV

БӨЛІМ

ӘЛЕМДІ ӨЗГЕРТКЕН ӘНЕРТАБЫСТАР

ШЕШЕНДІК СӨЗДЕР

Бұл бөлімде сөндер:

- дүниежүзіне белгілі әнертабыстармен танысасындар;
- шешендік сөздің құрылымы мен құрылышына қарай бөлінетін түрлерін мәнгересіндер;
- пікір алмасудың ерекшелігі, шарттары туралы білесіндер;
- публицистикалық стильдің тілдік белгілерін анықтап, жазба жұмыста-рында қолданасындар;
- 10-сыныпта өтілген материалдарды еске түсіріп, мәтінге рецензия жазасындар;
- аргументті және дискуссивті эссе жазу жұмыстарын жалғасты-расындар.

Фылымды үйреніп, оны өмірге қолданбаған кісі жерін айдалап, дәнін сеппеген адамға үқ-сайды.

Саади Ширази

Тұншыққан талант кесек тұздан арзан. Табыс-ты адам мен талантты адамның жалғыз айырмашылығы – ерінбей еңбек етуінде.

Стівен Кинг

§1.

Дүниежүзіне әйгілі өнертабыстар



1. Ойтурткі сұрақтарына жауап беріңдер.

1. Өнер мен табыс ұғымдарының арасында байланыс бар ма?
2. Қазіргі таңда әлем жүртшылығын қандай жаңалықтармен таңғалдыруға болады?
3. Адамзаттың санасын дүр сілкіндірген қандай өнертабыстарды білесіңдер?



2. Мәтін бөліктеріндегі негізгі ойды анықтап, өздерің білетін мәліметтермен толықтырыңдар.

Өнімділігі 100 гигафлопс болатын нейророжүйелі флешка

«Movidius» компаниясы жақында ғана өздері ойлап тапқан жасанды интеллектінің жаңа нұсқасын ұсынды. Бұған дейін осы секілді өрекеттер болғанын, алайда олардың ешқайсысының нарыққа шықпағанын айта кеткен жөн. Бұл жаңалық БАҚ-та сөуір айында жарияланды, осыдан кейін «Intel» компаниясы бірден «Movidius»-ті сатып алды.

Жаңа жоба тек қана 1 Вт энергияны қолданады. Бұл – ете аз көлемдегі ресурсты пайдаланатын үлкен нейророжүйе. Флешкадағы 12 ядро қос-қостан параллельді орналастырылған. Олар, мысалы, визуалды сканерлеу мен бейнелерді өңдеуге, адамдар мен заттарды тануға жеткілікті. ИИ өнімділігі 100 гигафлопсқа бағаланып отыр, компьютерге қосқан кезде нейронды есептеудің өнімділігінің тұрақты өсімі байқалған. Бұндай керемет бар-жоғы 79 доллар ғана тұрады.

Цифрлы стетоскоп

Қазіргі уақытта Джон Чорба бастаған ғалымдар Калифорния университетінің зертханасында цифрлы стетоскопты сынақтан өткізуде. Чорба – EkoCore стетоскопын ойлап тапқан өнертапқыштар тобының жетекшісі, кардиолог ғалым.

Бұл аппараттың адаптері «бұлттық деректер қоймасына» байланысты. Жүрек соғысы туралы ақпарат бір жерге жиналады және сараланады. Жалпы, жүрек соғысының ырғағын тындау және ақауларды табу нағыз өнер деп айтсақ болады.

Арнайы қосымша жүрек дыбысын сараплайды және «бұлттық деректер қоймасында» бұрын жазылған мәліметтермен салыстырады. Осы арқылы дәрігерлер жүректегі ақауларды естіп, оларды емдеудің жолдарын ұсынады. Фалымдар тобы бұл өнертабыс диагноз қоюда дәрігерлердің қателіктерін азайтады, сонымен бірге науқастардың эхокардиография секілді қымбат диагностикалық аппаратқа түспей-ақ, қаржыларын үнемдеуге мүмкіндік береді деп есептейді.

WalkCar: ноутбукқа үқсайтын ерекше электроскутер

Көлеміне қарасақ, WalkCar үлкен ноутбукке үқсайды, сыртынан қарағанда портативті шағын компьютерге келеді. Ішкі жағынан аккумулятор блогінен қуат алатын төрт дөңгелек пен электрлі желі орнатылған. Қозғалу үшін жай ғана скутерге тұру жеткілікті, ал тоқтату үшін одан секіріп түсу керек. Бұрылу үшін дene салмағын бір жақтан екінші жаққа апару қажет. Қайіпсіздікті сақтау мақсатында WalkCar 10 км/сағ жылдамдықпен ғана жүре алады. Жүріс қоры – 12 км, ал қайта қуаттауға 3 сағат уақыт керек.

(*kazpatent.kz*)



Кез келген өнерді менгеру дегеніміз – өнер мәселелерін қылмен білу және тану қабілеттілігін менгеру.

(*Әбу Насыр әл-Фарabi*)

Мал жұтайды, өнер жұтамайды.

(*Абай Құнанбайұлы*)

Осынша өнер тауып асқан – адам,
Әлемнің қиын сырын ашқан – адам.

(*Шәкәрім Құдайбердіңұлы*)

Өнердің екі жағы бар: пішіні – техника, мазмұны – ой.

(*Лев Толстой*)

Өнер-білім – бәрі де
Оқуменен табылған.

(*Ыбырай Алтынсарин*)



Пікір алмасу (дискуссия)

Пікір алмасу (лат. *discussio* – «қарау», «зерттеу») – көкейкесті мәселелерді шешу мақсатына құрылғының, біліктілік пен мәдени өрені талап ететін пікірталастың бір түрі. Айтылар ойларды тоғыстыра отырып, пікірталасқа қатысуышылар ортақ шешімге келу мақсатын көздейді. Мәселені жан-жақты талқылап, ортақ пікірге келеді.

Арнайы баяндамашы белгіленбейді, қатысуышылардың бәрі өз пікірін білдіруге тең құқылды бүл сөз сайысы белгіленген тәртіп, келісімді уақыт, алдын ала белгіленген тақырып тәнірегінде, алдын ала белгіленген тәрағаның басқаруымен жүргізіледі.

Мақсаты	Ой-пікірді ортаға сала отырып, мәселенің ортақ шешімін табуды көздеу.
Өтілетін орны	Митинг, арнайы белгілі бір мәселе бойынша құрылған комиссия отырысы, іскерлік жиындар, арнайы басқосулар т.б.
Ерекшелігі	Тақырып алдын ала белгіленеді. Баяндамашы болмайды. Пікір айтушылар тең құқылды. Қатысуышылардың барлығы пікірін айтуда құқылды.
Мәдениеті	Тақырыптан ауытқымау, белгіленген регламентке сайойын ықшам, нақты жеткізу. Біреудің сөзін бөлмеу, мағынасын бұрмаламау. Естімей не түсінбей қалған сөзді анықтап алу. Өз кезегін сабырмен күту, дауыс көтермеу. Беделін көлденең тартпау, жеке басының мұддесін көздемеу.



3. Өнертабыстардың адам өміріндегі рөлі туралы пікір алмасу өткізіндер.

1. Адам өмірін жеңілдеткен қандай өнертабыстарды білесіндер? Оқылым мәтіндерінде аталған өнертабыстардың адамзатқа тигізетін пайдасына баға беріндер.
2. Абайдың «Мал жұтайды, өнер жұтамайды» деген нақыл сөзін қалай түсіндіреп едіндер?



4. «Фибратты сөз» айдарымен берілген нақыл сөздердің бірін тақырып етіп алып, пікір алмасудағы ойларынды жинақтап, көтерілген мәселе бойынша аргументті эссе жазындар.



- 5.** Мәтін нормаларын сақтап, кестеде берілген шешендік сөзден түйгеген ойларыңды жазыңдар. Есімше мен көсемшени анықтаңдар.

Шешендік сөз	Өз ойым
<p>Бір сөз айтсаң жақсыға, аталы сөзге тоқтайды. Бір сөз айтсаң жаманға, өмірінде ұқпайды. Надандықтың белгісі – өзін-өзі мақтайды. Көкірегі соқырға өмірде таң атпайды. Шешеннің сөзі – дария, қап түбінде жатпайды.</p> <p style="text-align: right;">(Жанқұтты би)</p>	Ұсынылып отырған осы жолдардан мен төмендегідей ой түйдім...



- 6.** Қазақ шешендік өнерінің көрнекті өкілдері мен олардың нақыл сөздерін сәйкестендіріңдер. Тақырыппен байланысын анықтаңдар.

Бала би	Дүниеде не өлмейді? Жақсының аты өлмейді, Фалымның хаты өлмейді.
Жириенше шешен	Жерден ауыр дегенім – ақыл, білім. Судан терең дегенім – оқу, ғылым. Оттан ыстық дегенім – фәни жалған, адамның өмірі. Көктен биік дегенім – тәкаппардың көңілі.
Сырым шешен	Талап қыл артық білуге, Артық ғылым – кітапта, Ерінбей оқып көрге.
Абай	Таудан биік көңіл бар, Теңізден терең ғылым бар, Оттан бетер – қайғы-зар.



- 7.** Өлемге танымал өнертабыстардың тізімін жазып, адамға пайдасын анықтаңдар.

Мысалы:

1. Halo Belt 2.0 жарқыраған белбеуі.
2. Суға батпауға мүмкіндік беретін Kingji білезігі.

§2.

Қазақстандық өнертабыстар



1. Ойтурткі сұрақтарына жауап беріңдер.

1. Қандай танымал отандық өнертапқыштарды білесіңдер? Бірнешеунің атын атап, өнертабыстарын сипаттаңдар.
2. Қазақстандық өнертапқыштардың жаңалықтары өлемдік нарыққа шыға ала ма?
3. Неліктен кей өнертабыстарды халық бірден мойындай қоймайды? Ойларында ортаға салындар.



2. Мәтіндегі ақпараттармен танысындар. Негізгі ақпаратты ірікте, мәтіннің тақырыбын, мақсатын, тілдік ерекшелігін талдаңдар.

Тақырыбы	Мақсаты	Тілдік ерекшелігі

Қазақстанда өнертапқыш жастар көп. Солардың кейбіріне тоқталайық.

Қостанайлық Бақытжан Әлменов гидравликалық қондырғы ойлап тапты. Өз өнертабысын Женева халықаралық бюросына тіркетіп, патент алған. Қондырғы «Әлменовтің гидравликалық қондырғысы» деп аталады. Ауа компрессормен алынып, құбырмен барабанға жіберіледі. Бұл барабан – ауаны жинақтайтын және сол ауаны ретімен беріп отыратын механизм. Сол жерден клапан ашылып, қапшыққа өзінің мөлшерленген көлемін беріп отырады. Бүгінде 1 киловатт электр энергиясы 15 теңге тұрады. Бақытжан Әлменовтің қондырғысын іске қоссақ, бұл баға 2–3 теңгеден аспайды. Энергияның бағасы төмен болған соң, қызмет көрсету түрлері, коммуналдық қызметтер, жалпы, барлық тауар арзандайды.

Дамир Аралов көліктердің нөмір белгісінің класын, көліктің техникалық байқаудан өткендігін, айыптың бар-жоғын айқындаپ тұратын жапсырма ойлап тапты. 70×35 мм болатын жапсырма көліктің артқы не алдындағы нөмірінің оң жақ бөлігіне орналасатын болады. МАИ қызметкерлері осылайша көлік туралы бар мәліметті көзбен-ақ көріп, біле алады.

Валерий Морев көлік жүргізушісі белдік тақпайынша көлікті орнынан қозғалтпайтын құлыш ойлап тапты. Бұл жол көлік ережесін сақтай бермейтін алаңғасар көлік жүргізушілерін қауіптен сақтауға септігін тигізбек.

Сәкен Исаев көліктердегі іштен жану қозғалтқышынан 2 есе мықты, 2 есе жылдам, 10 есе ұнемді қозғалтқыш ойлап тапты. Ол өз өнертабысын Ішкі істер министрлігі қолданғанын қалайды.

Серікбол Шаймардан электронды бесік ойлап тапты. Бала жылаған кезде бесік өздігінен 12 вольттық батареямен тербеледі. Бесіктің сыртындағы қалыпқа арнайы қондырғы қойылып, бесіктің өзіне магнит орнатылған. Соның арқасында бесік 5 режим бойынша ақырын я жылдам тербеледі. Тербетілу уақытын 90 минутқа дейін созуға болады.

(Мейіргүл Оңгарова)



3. Ш.Бекеевтің атақты өнертапқыш Томас Алва Эдисон туралы өлеңінің үзіндісін оқындар. Өлең кейіпкері туралы ізденіп, өнертабыстарын сипаттаңдар.

Олеңнен үзінді	Менің болжауым	Фылыми дерек
Сөйлеткен жансыз затты... затты...		

Эдисон

Сөйлеткен жансыз затты өнер иесі,
Естіп таңғалады көрген кісі.
Білмейді қалай етіп түсінерін,
Айтпаса түсіндіріп білген кісі...

Эдисон мұны істеген – ғалым адам,
Оқымас, жалқау, біздей емес надан.
Пәндерден кимие-симие ғылыми хикмет
Көп сырлар ашты түпсіз дариядан.
Періштеміз оң жақтағы өсер еді,
Солардай болып өтсек дүниядан.

(Шәңгерей Бекеев)



Шешендік сөздің құрылышына қарай түрлері

Шешендік сөздер композициялық құрылышына қарай пернелі сөз, термелі сөз болып екі топқа бөлінеді. Қара сөзбен айтылған шешендік сөздер – **пернелі сөз**; толғай, тақпақ түріндегі шешендік сөздер **термелі сөз** деп аталады.

Термелі сөз	Пernелі сөз
Құрылышы өлең-жырға ұқсас шешендік сөздер. Өлең-жырдан негізгі айырмашылығы шешендік терме үшін буын, бунақ саны біркелкі болуы шарт емес. Ұйқастан гөрі ырғагы мен ішкі мағыналық байланысина баса назар аударылады.	Көркем қара сөзбен айтылатын шешендік сөздер. Сөздері сұрыпталып, сөйлемдері екшеліп, көлемі жағынан ықшам болып көледі. Айтушы желдірте, екпіндеп сөйлеп отырғанда, бірде ұйқасып, бірде үндесіп, өлең сияқты естіледі.



4. Шешендік сөздің құрылышына қарай түрін ажыратып, дәлелдендер. Тақырыппен байланысын анықтаңдар.

Өнер – ризық, несібе таусылмайтын...

Бір үлкен жиында Шойынбеттің тапқырлығын сынамақ болған Сыздық төре: «Дәулет артық па? Бақ артық па? Өнер артық па? Тіл байлық артық па?» – деп сұрапты.

Сонда Шойынбет:

Дәулет – қолдың кірі жусаң кететін,
Бақ – сел-көшкін уақытпен өлшенген.
Өнер – ризық, несібе таусылмайтын,
Тіл байлық – ізгілік мұрат,
Үрпақта сөз қалдыратын, –

деп жауап берген екен.

(«Шешендік өнер» хрестоматиясынан)



Рецензия (ағылш. *review*) – жаңа туынды туралы мағлұмат бере отырып, оның қысқаша талдамасын және бағасын қамтитын сынни еңбек. Рецензияда рецензенттің өз көзқарасы баяндалып, өз бағасы беріледі, еңбектің жетістігі мен кемшілігі айтылады, кейде оны жетілдіре түсу үшін ұсыныстар жасалады. Рецензия ғылыми негізде, объективті түрде, баршаға түсінікті тілде, шығарманы жазған авторға да, оқырманға да пайда келтірерліктең түрде жазылуы керек.



- 5.** Оқылым мәтініне ғылыми стильде рецензия жазындар.

 - 6.** Үш топқа бөлініп, тапсырмаларды орындаңдар.
- 1-топ.** Оқылым мәтіні мен «Өнер – ризық, несібе таусылмайтын...» шешендей сөзін салыстыра талдаңдар.

Оқылым мәтіні	«Өнер – ризық, несібе таусылмайтын...» мәтіні
Ұқсастығы	
Айырмашылығы	
Мақсаты	
Мазмұны	
Стилі мен тілі	
Көзделген аудиториясы	

2-топ. Қазақстандық өнертабыстар іс жүзінде қолданылып жүр ме? Өзара ой бөлісіп, пікір алмасу үйымдастырындар. Ортақ шешімдерінді дәптерге түсіріндер.

3-топ. Назарбаев Зияткерлік мектебінің оқушылары ойлап тапқан өнертабыстар туралы (old.elorda.info) ізденіп, өз ойларынды жинақтап, шолу жасаңдар.



- 7.** Екі тапсырманың бірін орындаңдар.
1. Медицина және ғарыш саласындағы өнертабыстарымен танылған қазақстандық жас ғалым Тимур Рыспеков туралы ізденіп, мақала жазындар.
 2. Физика, география, биология, информатикадан алған білімдеріңе сүйеніп, еліміздің экологиясын зерттейтін, қалта телефоннымен басқарылатын ғарыштық робот туралы фантастикалық әңгіме құрастырындар.

§3.

Әлемді өзгерткен өнертапқыш балалар



1. Ойтурткі сұрақтарына жауап беріңдер.

1. Балалар мен жасөспірімдер өнертапқыш атанып, әлемдік патентке ие бола ала ма?
2. Қазақстандық жас өнертапқыштарды білесіндер ме? Олардың қандай өнертабыстарын атай аласыңдар?



2. Мәтін бөліктеріндегі негізгі ойды анықтап, берілген мәліметтер мен пікірлерді толықтырыңдар.

Теріден жасалған құлаққап

15 жастағы америкалық Честер Гринвуд 1873 жылы сүйекта қолдануға болатын құлаққап ойладап тапты. Әжесі бұл құлаққаптың сыртын көмшат терісінен, ішкі жағын барқыттан тігіп берді. 1877 жылдың 13 наурызында Честер өз өнертабысын патенттеу мүмкіндігіне ие болды. Ол өмірінің соңына дейін құлақты сыртқы шудан, сүйктан қорғайтын жаңа заттар шығарумен айналысты.

1977 жылдан бастап Мэн штатында өнертапқыштың құрметіне «Честер Гринвуд» (21 желтоқсан) күні атап өтіледі.

Қалың қарда жүргуге арналған көлік

Канадалық Жозеф-Арман Бомбардье 15 жасында, яғни 1922 жылы бір аптаның ішінде ескі «Форд» автокөлігінің бөліктерінен қалың қарда жүргуге арналған көлік жасап шығарды. Құрылғы шамамен бір миль жерді жүріп өткен. Ағасы Леопольд табанына байланған екі арқан арқылы құрылғыны жүргізсе, Жозеф-Арманның өзі қолдан отын салып отырды. Кейін өнертапқыш басқа техникаларды жасаумен айналысып, тек 1957 жылы ғана баяғы қарда жүретін көлігіне оралды. Көлікті «Ski-Doo» деп атап, бірнеше данасын шығарды.

Қазір бұл көлік қарда жүретін көліктердің ішіндегі ең танымалы болып саналады.

Жемісті мұз

Жемісті мұзды (таяқшадағы мұздатылған шырын, сусын) ең алғаш 1905 жылы 11 жасар америкалық Фрэнк Эпперсон ойлап тапқан. Ол өз өнімін кинотеатрдың жанында тұрып сатумен айналысқан. Бірақ есе келе балмұздактан гөрі жылжымайтын мүлікті сатуды дұрыс деп ойласа керек. Фрэнк 20 жылдан кейін ғана ойлап тапқан өніміне патент алғып, сериялы өндіріске кірісті. АҚШ-тағы дағдарыс кезінде екінші адаммен бөлісіп жеуге арналып, балмұздак екі таяқшамен шығарылды.

Брайль қарпі

Көзі көрмейтін жандардың оқи алу мүмкіндігіне жол ашқан рельеф жолды жазуды 1824 жылы 15 жастағы француз Луи Брайль ойлап тапқан. Ол әкесінің шеберханасында етік тігуге арналған бізбен көзін жарақаттап алған соң, 3 жасында көру мүмкіндігінен айырылған еді. Осы қаріппен басылған алғашқы қітап «Франция тарихы» 1837 жылы жарыққа шықты.

Ермексаз

Ермексазды ойлап табуға «Kutol» компаниясының қожайыны Клео Маквикердің немересі себепкөр болған. «Kutol» Америкада тұсқағазды көмір шаңынан тазарту материалын шыгарған. Маквикердің немересі осы жабысқақ, созылмалы өніммен ойнағанды, одан түрлі фигуralар жасағанды ұнатқан. Оның құрамынан химиялық бөліктері алынып тасталып, түрлі түсті бояу қосылып, бүгінде мектептерде көркем еңбек сабактарында қолданылатын ермексаз пайда болды.

Батут

1930 жылы гимнастика мектебінде оқитын 16 жастағы Джордж Ниссен алғашқы батутын жасап шығарды. Ол бұл құралды акробаттық жаттыгуларына қажет болады деп ойлады. Кейінірек жазғы балалар лагерінде көңіл көтеру құралы ретінде пайдаланған. Өнертапқыш бұл өнімін «трамплин» (испан. *trampoline*) деп атап, оны халықаралық спорт түріне айналдырды.

(EL.kz сайтынан)



Публицистика

Публицистика (лат. *publicus* – «қөпшілік», «әлеумет») термині «қоғам өмірі үшін маңызды мәселелерді талқылау» деген ұғымда жүмсалады. Публицистикалық стиль қоғамдық талапқа сай жазылған шығармалардың негізінде қалыптасады. Жазбаша түріне газет, журналдардағы мақала, очерк т.б.; ал ауызша түріне шешендік сөздер жатады.

Публицистикалық стиль жүртқа үндеу, үгіт айтуда пайдаланылады. Мұндай үндеуге, үгітке қоғам үшін маңызды, дәл сол кезеңде мәні зор мәселелер тақырып болады. Мысалы: саяси, экономикалық, экологиялық, мәдени, моральдық мәселелер. Үндеудің мақсаты – жүртшылықты қоғамдық мәні бар іске қатыстыру, жүртшылықтың санасына ықпал ету. Ол көбіне газет, журнал, радио, теледидар арқылы беріледі.

Публицистикалық стильдің тілдік ерекшеліктері

Қоғамдық-саяси терминдер мен сөздер	<i>Демократия, өркениет, тәуелсіздік туы, саяси партия, қаржы дағдарысы</i> т.б.
Баға беруші сөздер	<i>Еңбек озаты, көшбасшы, ұлтжандылық, бәсекеге қабілетті, ұрлақ сабактастыры</i> т.б.
Стандарт тілдік бірліктер	<i>Арнайы тілші репортажы, жаһан жаңалықтары, тілшіміз әңгімелейді, хабардар етеміз</i> т.б.
Перифразалар	<i>Ақалтын – мақта, күріш. Қара алтын – көмір, мұнай. Көгілдір отын – газ</i> т.б.
Қос сөздер	<i>Қоғамдық-әлеуметтік, бұқаралық-саяси, үгітнасихаттық</i> т.б.
Бұйрық рай тұлғасы	<i>Ана қадірін білейік, жұмыла жасайық, табысқа жетіңдер</i> т.б.
Қаратпа сөздер	<i>Жарқырай бер, Димаш! Арғы беттегі ағайын, халің қалай?</i> т.б.
Инверсиялық орын тәртібі, риторикалық сұрақтар т.б.	<i>Үләі болса ұлысы, қадірлі болар ұланы. Бұғаңғи күннің өзекті мәселесін ашып көрсете алдық па? Қоғамға мұндан түбегейлі өзгерістер қажет пе?</i>



3. Аудиожазбадан (06. mp3) «Әлемді өзгерткен адамдар» мәтінін тыңдап, тиісті ақпаратты анықтаңдар. Ақпарат қалай жалғасуы мүмкін деп ойлайсыңдар? Болжамдарыңмен бөлісіңдер.



Жас өнертапқыш Тимур Рыспеков 50-ге жуық робот ойлап тапқан. Оның 28-іне патент иеленген. Ең кейінгі еңбегі – қоршаған ортаны талдауға арналған робот. Бұл жоба атмосфераның ластануын қадағалап отыруға мүмкіндік береді. Робот аудағы температуралы, ылғалдылықты, атмосфера қысымын, радиацияны анықтауға қабілетті.

Қазақстандық өнертапқыш Азамат Ешмұхаметов өнеркәсіптік мақсатқа арналған робот жасап шығарды. Әмбебап роботты құрылыш, мәшине жасау, фармацевтика, тіпті медицинаға пайдалануға болады.

Жас өнертапқыш Санжар Асықбаев достарымен бірге қала көшелерінде қоқыс жинайтын мәшине ойлап тапты. Жанармайды қажет етпейтін құрылғының басты мақсаты – қаладағы қоқыс мөлшерін азайту. Робот күн батареясын қолдану арқылы өзінің энергия қорларын қайтадан жаңартады.

(*ҚазАқпарат*)



4. Сұрақтарға жауап беріп, пікір алмасу өткізіндер.

1. «Өнерде ақыл мен фантазия одактасуы керек» деген пікірмен келісесіндер ме?
2. Оқылым мәтінінде баяндалған өнертабыстар туралы ойлауынды ортаға салындар.
3. Фылымның қай саласы жаңа өнертабыстармен жетілдіруді қажет етеді?
4. «Артық болмас білгенің» мәтінінен қандай ой түйдіндер? Роботтар адам өмірін жеңілдете ала ма?



5. Пікір алмасудағы ойларынды жинақтап, тақырып қойып, құрылымы мен азатжолдарын сақтап, мәтін дайындаңдар. Етістіктің шақтарын (осы шақ, келер шақ, өткен шақ) анықтаңдар.



6. Оқылым мәтіндеріне ортақ бір рецензия жазындар.



7. Екі тапсырманың бірін орындаңдар.

1. Жаңастарды білім алуға, өнер үйренуге шақырып, публицистикалық стильде үндеу өзірлендер.
2. Еліміздегі жасөспірімдердің өнертабыстары туралы ақпарат жинап, «Ақыл – жастан» тақырыбында шығарма жазындар не өлең шығарып көріндер.

§4.

Өнертабыстар тарихы



1. Сұрақтарға жауап беріп, ойларыңды ортаға салындар.

1. Өнертабыстар тарихы қай кезеңнен басталды деп ойлай-сындар?
2. Өнертабыстар өлемінде болашақта қандай жаңалықтар болмақ?



2. Мәтінді оқып, стилін, құрылымын анықтап, жанрлық ерекшеліктерін талдаңдар. Велосипедтің тарихын білесіндер ме?

Қандай-қандай велосипедтер болады?

— Ақтелпек, сен білесің бе, мен велосипедті айтпағанның өзінде «Өрмекшіні» де, «Селкілдекті» де айдай беремін.

— Бірден үш мәшинені ме? Мұныңыз ғажап екен, Білгір атай!

— Жай қалжыңым фой. Менің айтып отырғанымның үшеуі де көдімгі қарапайым велосипед. Бірақ ол өр мезгілде өртүрлі құрастырылған, сөйтіп, әрқалай аталған.

Мәселен, «Селкілдектің» көлемі бірдей екі ағаш доңғалағы болған. Әрине, мұндай мәшине бүкіл дененің селкілдетеді.

Ал енді бір велосипедтің алдыңғы үлкен темір доңғалағының жылтыраған жіңішке сым шарбақтары болушы еді, ол өрмекшінің торына ұқсайтын. Сондықтан оны «Өрмекші» деп атап кеткен. Өрмекші велосипед өте жүрдек еді, педалін бір рет басып қалсаң, 5 метрге бір-ақ ытқисың. Бәрі жақсы-aу, бірақ мынадай қыындығы бар: жазатайым доңғалағы тасқа тисе, мұндай велосипед бірден құлайды да, ерде отырған адам омақаса ұшып түседі. Көлік емес, үстіндегі иесін аударып тастауға тырысатын асau ат секілді.

«Өрмекші» велосипедтің інісі ондай кінәмшіл емес еді. Мұның берік екі доңғалағы болды. Тепсінбейтін де, оңай-лықпен аударыла қоймайтын да. Жаңа көліктің бүгінгі велосипедтердегідей ұзын рамасы мен шынжыры бар еді. Мініскер педальді айналдырығанда, кішкене тісті доңғалақ бірге айналатын. Темір тістер шынжырдың тесігіне кіріп, оны өзімен бірге қозғалуға мәжбүр етеді. Шынжыр велосипедтің артқы доңғалағын айналдырады. Содан ол жүріп кетеді.

(«Негеш» энциклопедиясынан)



- 3.** Аудиожазбадан (07. mp3) «Фылыми-техникалық революция» мәтінін тыңдалап, терминдері мен ұғымдарын, тілдік оралымдарын талдаңдар.

Мәтіндегі терминдер мен ұғымдар, тілдік оралымдар	Түсіндірме (комментарий)



Шешендік сөздердің құрылымы

Шешендік сөздің құрылымы бірнеше бөліктен (кіріспе, негізгі бөлім және қорытынды) тұрады. Олар бір-бірімен өзара сабактаса байланысып, біріндегі ойды екіншісі толықтырып, тереңдетіп, нақтылай түседі. Кіріспе бөлім қысқа да ықшам болады. Кіріспеде мәтінде баяндалатын оқиға туралы бағдар беріледі. Негізгі бөлімнің басты мақсаты – белгілі бір ақпаратты хабарлау, өзіндік көзқарасты баяндау және оны дәлелдеу, соған аудиторияны сендеру. Қорытынды – негізгі бөлімде айтылған ойдан туатын түйінді ой.

Кіріспе, негізгі бөлім және қорытынды бөліктердің орны тұрақты болады. Мысалы назар аударайық.

Кіріспе	Досай бидің жас кезі екен.
Негізгі бөлім	Әкесі баласын сынамақ болып: – Балам, патша үлкен бе, диқан үлкен бе? – деп сұрапты. – Әрине, диқан үлкен. – Қалайша? Сонда Досай бала: – Диқан астық бермесе, патша аштан өлмей ме? – деген екен.
Қорытынды	Әкесі баласының тапқырлығына риза болып, содан былай қарай қасына ертіп жүріп, шешендікке баулыпты.



- 4.** Шешендік сөздің құрылымына қарай талдап, кіріспе, негізгі бөлім, қорытындысын кестеге бөліп жазыңдар.

Шешендік сөз	
Кіріспе	
Негізгі бөлім	
Қорытынды	

Төле бидің шешендігі

Атақты билер Арқаға жиналышты.

Төле би айтылған мезгілден кешігіп келеді. Оған шамданған қарт билер: «Төле би келсе, орнымыздан тұрмайық», – деп уәделеседі. Бірақ Төле би келгенде орындарынан тұрып кетеңді. Тек екі-үш би ғана тұрмайды. Төле би көпшіліктен кешіккені үшін кешірім сұрайды. Әлгі тұрмай қалған билердің бірі сөзден ұту үшін сыйай сұрақ қояды:

– Бақ дегеніміз не? Байлыш қызы дегеніміз не? Бала дегеніміз не?

Төле би орнына отырмай, түрегеп тұрган бойда:

– Бақ – ұзатылған қызы. Байлыш – еритін мұз. Бала – артта қалған із. Өмірдің адамға ең жақсы сыйы – сыйласқан сіз бен біз, – деп жауап беріпти.

Төле бидің жауабына риза болған билердің бәрі орындарынан тұрып, құрмет көрсетіпти.

(«Қазақтың би-шешендері» жинағынан)



Ғылым туралы нақыл сөздер

Фалымдар тұра жолға елді бастан.

(Жусіп Баласагұн)

Ғылым өмірге қызмет етеді.

(Нильс Бор)

Ғылыми прогресс фалымдар еңбегінің құндылығымен және оның ашылуымен ерекшеленеді.

(Луи Пастер)

Ғылымның жемісі халық игілігіне қауалап шығады.

(Дмитрий Менделеев)

Ғылым мен мәдениет – барлық дүниенің алтын алқасы.

(Мұхтар Әуезов)



5. Үш топқа бөлініп, тапсырмаларды орындаңдар.

1-топ. Әлемді дүр сілкіндірген бір өнертабыс туралы ойларынды «Төрт сөйлем» әдісімен (пікір, себеп, мысал, қорытынды) түйіндеңдер.

2-топ. Фылыми жаңалықтардың адам өміріне қауіп төндіретін кезі бола ма? «Фибратты сөз» айдарымен берілген нақыл сөздерді кірістіріп, адамзат өміріндегі ғылымның рөлін «SWOT-талдау» әдісімен көрсетіндер.

S – күшті жақтары	W – әлсіз тұстары
O – мүмкіндіктері	T – қауіптері

3-топ. Оқылым және тыңдалым материалдары бойынша «Блум түймедағы» әдісімен сұрақтар құрастырып, өзара жауап беріндер.

Білу	Қарапайым	Кім? Қашан? Қайда? Қалай?
Түсіну	Нақты	Мен дұрыс түсіндім бе?..
Қолдану	Тәжірибелік	Қалай қолдануға болады?.. Одан не істеуге/шығаруға болады?..
Талдау	Интерпретациялық	Неге?
Жинақтау	Шығармашылық сұрақ	Егер..., онда не болады?..
Багалау	Бағалаушы сұрақ	Қалай қарайсыз?



- 6.** Бұгінгі күннің елеулі табыстарының бірі – үялды телефон туралы ізденіп, ақпараттарды кестеге толтырындар.

Телефон моделі	Шыққан жылы	Суреті	Сипаттамасы



- 7.** Екі тапсырманың бірін орындаңдар.
- Белгілі ғалым А.Эйнштейннің «Фылым – жазылып бітетін кітап емес. Фылымдағы әрбір маңызды табыстан жаңа мәселелер туынтайтын» деген пікірін негізге алып, дискуссиявті эссе жаңындар.
 - Қазіргі заманның фылыми жаңалықтарын сараптап, өздерінді таңдаңдырған 5 өнертабыс туралы презентация немесе ойтұжырым дайындаңдар.

§5.

ЭКСПО – өнертабыстар алаңы



1. Ойтурткі сұрақтарына жауап беріңдер.

1. «ЭКСПО» көрмесінің тарихы туралы не білесіңдер?
2. Халықаралық ЭКСПО көрмелері адамзат баласына қандай өнертабыстарын сыйлады? Мысал келтіріңдер.
3. Қазақстан астанасында өткен көрмеде таныстырылған ғылым жетістіктері туралы не білесіңдер?
4. Суреттегі ғимарат қалай аталады?



2. Мәтіндегі ақпаратты оқып, берілген мәліметтер мен пікірлерді өндөңдер және толықтырыңдар.

Телефон аппараты

Тұңғыш телефон аппараты 1876 жылы Филадельфиядағы Бүкіләлемдік көрмені таңғалдырыды. Өнертапқыш Александр Белл «сөйлейтін телеграфтың» қалай жұмыс жасайтынын көрсетті. А.Белл басқа бөлmede тұрып, Дат ханзадасының «Болу я болмау» монологін оқиды, оның дауысын телефон тұтқасынан естіген қазылар алқасының таңданысында шек болмады.



Жұз жылдан астам уақыт ішінде телефонның сыртқы түрі қатты өзгеріске ұшырады, алайда оның қызмет ету қағидасы бәз-баяғысынша қалды.

Фонограф

1878 жылы Париждегі Бүкіләлемдік көрме кезінде фонографты (дыбысты жазуға және жаңғыртуға арналған құрылғы) таныстырғаннан кейін, оны ойладап тапқан Томас Алва Эдисон үлкен танымалдыққа ие болды. Ол заман үшін фонографтан адам дауысының естілуі таңғажайып сиқыр болып саналды. Ал Эдисонға «Менло-Парктың сиқыршысы» (Нью-Джерсидегі зертханасы солай аталатын) деген ат тағылды. Кейінірек фонографтың қызметі граммофон, патефон және тіпті магнитофонда қолданыс тапты.



Айналаны шолу дөңгелегі

Тұңғыш айналаны шолу дөңгелегі 1893 жылы Чикагода өткен Бүкіләлемдік көрмеге таныстырылды. Атағы жер жарған аттракционның жобасын Кіші Джордж Вашингтон Гейл Феррис жасады. Дөңгелектің биіктігі 80 метрден асып, ал салмағы 2 мың тоннаға дейін жетті. Америкалықтар оны осының алдында Парижде өткен Бүкіләлемдік көрмеге орай салынған Эйфель мұнарасына жауап ретінде ойладап тапты. Ағылшын тілінде айналаны шолу дөңгелегі осы күнге шейін «Ferris wheel», яғни «Феррис дөңгелегі» деп аталып келеді.



Сыдырма ілгек

Ең алғашқы сыдырма ілгек аяқ-киімге арналған болатын. 1893 жылы Чикагодағы Бүкіләлемдік көрмеге оны Уитком Лео Джадсон көрсетті. Алғашқы ілгек қазіргі нұсқасына



қарағанда күрделі болатын: оның бір қапталында ілгек, екінші жағында «кілт-тілшік» көмегімен ілінетін ілмек қатары болатын. Джадсонның өнертабысы аяқиімді түймелеуді айтартылғатай тездететін, солай бола тұра бұл өнертабыс көпшіліктің көңілінен бірден шыға қойған жоқ, өйткені оны пайдалану үшін екі беттен тұратын нұсқаулықты оқу керек болатын.

Тек 20 жылдан кейін ғана сыйдырма ілгек үлкен танымалдыққа ие болды.

Рентген аппараты

Рентген сәулелерінің қасиеттері 1901 жылы Буффалодағы Бүкіләлемдік көрмеде таныстырылды. Бұл өнертабыс АҚШ Президенті Уильям Мак-Кинлидің өмірін сақтап қалар маеді? Көрме кезінде ол ауыр жаракат алды, себебі Президентке оқ атылды. Оның денесіндегі оқты табу үшін дәрігерлердің рентгенді пайдалануына болар еді, алайда олар бұдан бастартты. Сегіз күннен кейін Мак-Кинли көз жұмды.

Кейінірек рентген аппараты медицинада кең қолданысқа ие болды.

Телехабар тарату

1939 жылы теледидар өлі таңсық дүние болатын. Осы жылды Нью-Йорктегі Бүкіләлемдік көрмеге келушілер АҚШ Президенті Франклин Рузвельттің ЭКСПО-ны ашып жатқанын тікелей әфирден көріп, қатты таңданды. Теледидардың бұл техникалық жетістігі оларға айрықша өсер етті. Тіпті көбі трансляцияны иллюзионистің фокусы деп те ойлады. Ал бүгінгі күні тікелей әфирде хабар тарату үйреншікті іске айналды.

Ұялы телефон

Ұялы телефонның алғашқы нұсқасы және ұялы байланыс технологиясы 1970 жылы Жапонияның Осака қаласындағы Бүкіләлемдік көрмеде таныстырылды. Бұл нағыз төңкеріс болатын: бұған дейін қолданыста болған телефондардың барлығы желіге қосылmasa, жұмыс жасамайтын. Ұялы телефондар Осакадағы презентациядан кейін бірден қолданысқа енді.



Қазіргі ұялы телефондармен салыстырғанда олардың пішіні үлкен және ыңғайсыз болатын, оларды қалтаға салып жүру мүмкін емес еді.

Сенсорлық экран

Саусақтың басқанын сезетін экран алғашқы рет жүртшылықта 1982 жылды Ноксайлдағы Бүкіләлемдік көрмеде таныстырылды. Көрмеге келген әрбір адам сенсорлық экранды жеке өзі пайдаланып, байқап көре алды. 30 жылдан кейін бұл өнертабыс өте танымал бола бастады. Бұғынгі күні сенсорлық экрандар төлем терминалдарында, ақпараттық дүңгіршектерде, қалта компьютерлерінде және ұялы телефондарда қолданылады.



(«Алматы ақшамы» газетінен)



Публицистикалық стильдің жанрлық түрлері. Репортаж

Публицистикалық стильдің жазбаша түрі: мерзімді баспасөз; ауызша түрі: радио, теледидар хабарлары, деректі кино.

Жанрлық түрлері: мақала, ақпараттық хабар, очерк, халықаралық шолу, репортаж және интервью.

Репортаж (латын *report* – «жеткізу») – баспа, радио, теледидарға оқиға орнынан берілетін ақпарат, әңгіме. Репортаж оқиға болған жердің топырағында туады. Сондықтан да репортаж дегеніміз – оқиғаның өзі. Репортаждың басқа жанрлардан ерекшелігі – өткен оқиғаны емес, болып жатқан оқиғаны баяндайды, соны суреттейді. Репортаждың мақсаты – болған оқиғаны бұлжытпай суреттеу емес, сол оқиғаның әлеуметтік мәні мен маңызын ашу, өзінің пікірін білдіру. Журналист оқиғаны неғұрлым тез, айқын, әсерлі түрде жеткізсе, ол соғұрлым бағалы, ықпалды да тартымды болады. Репортаж өмір шындығына сүйенеді. Тілі нәрлі, стилі тартымды келеді.



3. «ЭКСПО-2017» көрмесінің павильондарынан журналист ретінде репортаж дайындаңдар.
4. Мәтін нормаларын сақтай отырып, көтерілген мәселе бойынша аргументті эссе жазындар. Тақырыбын өздерің қойындар.



5. Үш топқа бөлініп, тапсырмаларды орындаңдар.

1-топ. Фантаст жазушылардың қандай болжамдары (жүргізуши-сіз көлік, ақылды үй, голографиялық бейне, 3D басылым, жасанды интеллект т.б.) шындыққа айналуда немесе қашан жүзеге асуы мүмкін? «Тарих уақыты» әдісімен болжам жасаңдар.

2-топ. Жаратылыштану бағытындағы сабактарда танысқан ғылыми жаңалықтарды топтастырып, аудитория алдында сөйлеуге дайындалыңдар. Шешенниң көпшілік алдында өзін ұстау мәдениетіне қойылатын талаптарды сақтап, өз ойларында жеткізіңдер.

3-топ. Қосымша ресурстар мен сабак материалдары негізінде қысқа тест құрастырыңдар. Тест тапсырмасында бір немесе бірнеше дұрыс жауаптың болуын қадағалаңдар.



6. «Қазыбектің ат дауын шешуі» шешендік сөзін (77–78-беттер) құрылымына қарай талдап, кіріспе, негізгі бөлім, қорытындысын бөліп көрсетіңдер.

Шешендік сөз	
Кіріспе	
Негізгі бөлім	
Корытынды	



7. Бұрынғы шешендердің, билердің дауды екі ауыз сөзben түйгенін дәлелдейтін мысал жазып, мәтін құрылымын, тақырыбы мен идеясын талдаңдар.

Шешендік сөз	
Тақырыбы мен идеясы	
Жанрлық мазмұнына қарай қай түрі?	
Құрылымы	
Кіріспеси	
Негізгі бөлімі	
Корытынды бөлімі	
Құрылымына қарай қай түрі?	

IV бөлімді қорытындылауға арналған тест тапсырмалары

1. «Публицистика» термині қандай үғымда жүмсалады?
 - A. Әлеуметтік-тұрмыстық мәселелер
 - B. Қоғам өмірі үшін маңызды мәселелерді талқылау
 - C. Діни бағыттағы мәселелер
 - D. Соттағы сөздер
 - E. Шешендейтік сөздер
2. Стиль түрін көрсетіндер. *Бұл шара жол-көлік ережесін сақтай бермейтін көлік жүргізушилерін қауіптен сақтауга септігін тигізбек.*
 - A. Фылыми стиль
 - B. Ауызекі сөйлеу стилі
 - C. Публицистикалық стиль
 - D. Көркем әдебиет стилі
 - E. Ресми ісқағаздар стилі
3. Публицистикалық үндеудің мақсаты:
 - A. Жаңалықтардан хабардар ету
 - B. Шығарманың мазмұнымен таныстыру
 - C. Газет-журналдар тарату
 - D. Жұртшылықты қоғамдық мәні бар іске қатыстыру, жұртшылықтың санасына ықпал ету
 - E. Халықты бір жерге жинау
4. Шешендейтік сөздің құрылышына қарай түрлері:
 - A. Шешендейтік арнау, шешендейтік толғау
 - B. Шешендейтік толғау, шешендейтік дау
 - C. Айтыстар, даулар
 - D. Жер дауы, құн дауы
 - E. Термелі сез, пернелі сез
5. «Өнертабыс» сезіне сәйкес келетін қатарды көрсетіндер.
 - A. Қоғам айнасы
 - B. Демократиялық процесс
 - C. Электронды бесік
 - D. Фылыми шолу
 - E. Публицистикалық шығарма

6. «Өнер – ризық, несібе таусылмайтын...» шешендік сөзінің авторы –
- A. Сыздық төре
 - B. Олжабай батыр
 - C. Байгозы батыр
 - D. Ағыбай батыр
 - E. Шойынбет би
7. Пікір алмасуға жатпайтын форманы ажыратындар.
- A. Іскерлік сессия
 - B. Фылыми хабарлама
 - C. Семинар
 - D. Арнайы комиссияның мәжілісі
 - E. Қошшылік қатысадын митинг
8. Орфографиялық нормаға сай жазылған қатарды табындар.
- A. Балмұздақ, жемісті мұз
 - B. Батут, көлік-жай
 - C. Тұс қағаз, өнертабыс
 - D. Секіру қондырғысы, қойлым
 - E. Кино театр, сериал
9. Шешендік сөз құрылымына қарай бірнеше бөліктен тұрады:
- A. Басы, ортасы, аяғы
 - B. Қіріспе, негізгі бөлім, қорытынды
 - C. 1-бөлім, 2-бөлім, 3-бөлім
 - D. Хабарлау, түсіндіру, қорытындылау
 - E. Толғау, арнау, дау
10. Публицистикалық стильдің жанрлары:
- A. Әңгіме, повесть, роман
 - B. Өлең, поэма, дастан
 - C. Репортаж, мақала, очерк
 - D. Драма, комедия
 - E. Арнау, толғау, дау

V

БӨЛІМ

ТУРИЗМ: ЭКОТУРИЗМ

ШЕШЕНДІК СӨЗДЕР

Бұл бөлімде сөндер:

- туризм және оның түрлері туралы мәлімет аласындар;
- Қазақстандағы туризмнің дамуы туралы ақпараттеп танысасындар;
- айтылатын орны мен мазмұнына қарай қазіргі шешендік сөздердің түрлерін мәнгересіндер;
- пікірталас мәдениетіндегі сөз қолданысын үйренесіндер;
- ой айқындылығы мен сөз дәлдігін жазба жұмыстарында ұтымды жұмсауға дағдыланасындар.

Қазақстанда туризмді дамытып,
оны ел экономикасының ең табысы
мол секторына айналдыруға зор
мүмкіндік бар.

Мартин Вебер

§1.

Туризм



1. Екі топқа бөлініп, сұрақтарға жауап беріңдер. Жауаптарыңды алмастырыңдар. Дауыстап оқып, бір-бірінді толықтырыңдар.
 1. Туризмнің әлемдік экономикада алатын орны қандай?
 2. Туристік үйымдарды біріктіретін халықаралық деңгей-дегі қандай үйымдарды білесіңдер?



2. Мәтінді оқып, жанрлық ерекшеліктерін талдаңдар.

Туризм

Туризм (франц. *tourisme*, *tour* – «серуендеу») – адамның бос уақытында (жұмыс бабымен не туған-туысқа қыдыру емес) өз еркінше көңіл көтеру мен демалу үшін, тәуекел жасау үшін, көріп қызықтау үшін, яғни субъективті рухани қажеттілік бойынша басқа бір жерге ерікті саяхаттап, серуен-деп баруы. Жақын жердегі қысқа мезетте орындалатыны «серуен» делінсе, алыс жерге аттанған ұзақ мерзімді «саяхат» деп аталады.

Туризм әлемдік экономикада басты рөлдің бірін атқарады. Дүниежүзілік туризм үйымының (ДТҮ) деректері бойынша, ол әлемдегі Жалпы ұлттық өнімнің оннан бір белгін, халықаралық инвестицияның 11%-тен астамын құрайды. Сондай-ақ әлемдік капиталдың 7%-ін пайдаланып, 137 млн адамды жұмыспен қамтып отыр.

Туризмнен түскен табыс мұнай өнімдері және автокөлік экспорты табысынан кейін тұрақты З-орында келеді. Дүниежүзілік туризм үйымының болжамы бойынша, XXI ғасырда туристік индустрия үздіксіз есіп, 2020 жылы әлемдегі туристер саны 1,5 миллиардқа жетеді.

Туристерді жағымды пікір ғана емес, тұмса табиғат, тылсым құбылыс, ғажайыптар, тәуекелдер, бұрын-соңды болмаған жаңалықтар, өз елдерінде кездесе бермейтін ерекше жағдай мен көңіл күйлер шақырады. Сондықтан туризмді дамыту үшін туристік өнір туралы романтикалық (бәлкім, тылсым немесе қорқынышты, бәлкім, таңғажайып) түсініктердің қалыптасуына айрықша мән беру керек.

Дүниежүзілік туризм ұйымының белгілеуі бойынша, әдетте адам 88,5 км (55 ағылшын мілі) қашықтыққа барып, кем дегенде 24 сағат аялдаса, онда ол турист болып есептеледі. Демек, бір туристік аймақтан қысқа уақытта (24 сағаттан аз уақытта) өтсе, ол адам турист болып саналмайды. Туризмнің экономикалық маңызы зор болғанымен, қаражаты жеткілікті турист экономикалық мұддені көзdemейді.

Әрине, туристердің бәрі де тек көңіл көтерумен шектеледі деуге болмайды, турист өзінің сапары барысында көптеген тың ой мен шешімге келеді, жаңа жоспар жасауды, батыл шешімге келуі мүмкін. Бірақ мұның бәрі оның алдағы жоспарларында көрініс тауып, дәл сол уақытта, дәл сол жерде ол еркін, ерікті көңіл көтеруші, жаңа жағдайларды сезінуші, қызықтаушы, денсаулығын қалпына келтіруші ғана болады.

(«Қазақ энциклопедиясы», 5-том)



3. Сызбадағы мәліметтерді өздерің білетін деректермен толықтырып, шағын мәтін жазындар.





Әңгіме және дөңгелек үстел

Пікірталас тұрлар көп. Бір мұддені көздеген жандар әңгімелесіп, пікір алмасады, белгілі бір тақырыпты талдап, талқылайтын ақпараттық-насихаттық сипатындағы кездесу-сұхбаттар өткізіледі.

Пікірталасқа бастайтын пікірлесудің қарапайым түрі – әңгіме, ал жоспарлы тұрде өткізілетін жүйелі түрі – дөңгелек үстел.

Әңгіме

Мақсаты	Белгілі бір тақырып төңірегінде жиналған көвшіліктің сұрақ қойып не өз пікірін айтуына мүмкіндік беру. Мұнда қатысуышыға өз пікірін білдіруіне еркіндік беріледі.
Ерекшелігі	Жоспарлы тұрде болмағандықтан, күтпеген сұрақтар қойылып, жеке бастың мұддесін көздейтін пікірлер айтылуы орын алады. Жүргізуші пікірталас мәдениеті талаптарын сақтай отырып, мәселені ушықтырмай шешуі тиіс.

Дөңгелек үстел

Мақсаты	Белгіленген тақырып, талқыланатын жоба, құжат бойынша арнайы маман шақырылып, алдын ала ойластырылған жоспар бойынша жүргізіледі. Сұрақтар да алдын ала берілуі мүмкін.
Ерекшелігі	Дөңгелене отырған топтың осы мәселеге қызығушылығын, өзін толғандыратын нәрсе туралы толық мәлімет алу мүмкіндігін қамтамасыз ету қажет. Арнайы маман мен тыңдарманның қарым-қатынасы пікірталас мәдениетіне сай орын алуды керек.



4. Сұрақтар бойынша өзара сұхбат құрып, туризмнің әлемдік нарықта алатын орны туралы әңгіме не дөңгелек үстел өткізіндер. Коммуникативтік жағдаятқа сай көвшілік алдында дұрыс сөйлеу, тыңдаушыларға ықпал ете білу, шешен сөйлеу принциптерін сақтаңдар.
1. «Туризм – әлемдік экономиканың құлдырауды білмейтін саласы» деген пікірмен келісесіндер ме?
 2. Туризмі ел экономикасына қыруар пайда өкелетін елдер қатарына қосылуға еліміздің әлеуеті (сұлу табиғаты, төңіздері, таулары, өзен-көлдері, тарихи орындары, археологиялық ескерткіштері т.б.) жете ме?

3. Қазақстанға келетін саяхатшылардың санын арттыру үшін қандай шаралар қолға алынуы керек?
4. Елімізді шетелдерге танытып, туристердің қызығушылығын арттырып жүрген қандай өнерпаздарды білесіндер?



5. Оқылым мәтінінен бірнеше мысал алып, тыныс белгілерінің қойылу себептерін түсіндіріңдер.

Мысалдар	Тыныс белгілері	Қойылу себебі
Демек, бір туристік аймақтан қысқа уақытта (24 сағаттан аз уақытта) өтсе, ол адам турист болып саналмайды.	Үтір, жақша	



Шешендік өнер туралы нақыл сөздер

Шешенге деген сенім туғызатын үш нәрсе – парасат, ізгілік, сыйластық.

(Аристотель)

Жақсы шешен болғын келсе, алдымен, жақсы адам бол.

(Квинтилиан)

Тұмен сөздің түйінін бір сөзбен шеш.

(Жүсіп Баласагұн)

Таза мінсіз асыл сөз ой түбінде жатады.

(Асанқайғы)

Шешеннің аты шешен бе, таңдайға дәмі үйіріліп, дау-гердің тауын шақпаса?!

(Дулат Бабатайұлы)



6. Жоғарыдағы нақыл сөздерді талдап, пікірлерінді түйіндең, кестеге түсіріңдер.

Шешендік сөздің табиғаты	Жақсы шешеннің бейнесі
Ортақ түйіні	



7. Өңгіме не дөңгелек үстел барысында айтылған пікірлерді сараптап, салыстырып, келісу/келіспеу себептерінді көрсетіп, эссе жазыңдар.

§2.

Туризмнің түрлері



1. Ойтұрткі сұрақтарына жауап беріңдер.

1. Туризмнің қандай түрлерін білесіңдер?
2. Біздің елімізде туризмнің қай түрлерін дамытуға мүмкіндік бар?



2. Мәтінді сызбалардағы мәліметтермен қосып оқып, туризм турлесінің даму деңгейін болжандар.

Туризмнің түрлері

Туризм үлкен екі түрге бөлінеді: 1) ішкі (ұлттық) туризм; 2) халықаралық (шетелдік) туризм. Мазмұнына қарай туризмнің бірнеше түрі бар. Солардың кейбіріне тоқталайық.

Мәдени-танымдық туризм дегеніміз – туристерді мәдени құндылықтармен таныстыры. Оған әртүрлі тарихи, архитектуралық және мәдени кезеңдермен танысу үшін музейлерге, тарихи және архитектуралық ескерткіштерге бару, театрландырылған немесе музыкалық қойылымдарды тамашалау, діни мерекелерге, сурет көрмелеріне бару жатады.



Сауықтыру туризмі демалыстың бір түрі болып есептеледі. Шаршаған жүйке жүйесін шипажайларда ем алып

немесе жағажайларда демалу арқылы ғана қалпына келтіруге болады деп ойлау – қате. Сонымен қатар таулардың, сарқырамалардың сұлулығын көріп, тау өзендерінде жүзіп, тау шаңғысымен немесе жылқымен серуендең те қалпына келтіруге болады. Осы арқылы туристер белсенді туризмге үйрене бастайды. Жаяу туризм ең көп тараған белсенді туризм түрі болып есептеледі: арнайы көлікті қажет етпейді, кез келген аумақ бойынша жорықтар үйымдастыруға болады.

(mydocx.ru)



3. Аудиожазбадан (08. mp3) «Қазақстандағы туризм түрлері» мәтінін тыңдаап, мақсатты аудиторияға (туристер) арналған терминдер мен үғымдарды, тілдік оралымдарды талдаңдар.

Қазіргі шешендік сөздердің түрлері



Қазіргі шешендік сөздердің де, шаршылоптың да сипаты өзгерді. Шешендер білім-ғылым, оқу-ағарту, тәлім-тәрбие, мәдениет-өнер тақырыптарын қозғаған көркемсөз иелері, яғни ақындар мен жазушылар, ғалымдар, журналистер болса, тыңдаушы топ – білім-ғылым, оқу-ағарту, мәдениет саласындағы көпшілік. Шешендік өнердің көрінетін орындары – жиналыс, конференция, съезд, семинар, диспуттар. Шешендік сөз енді өлеңмен емес, бірыңғай қара сөзben айттылатын болды.

Қазіргі шешендік сөздердің көтерген тақырыбы, мазмұны мен айтылу орнына қарай мынадай түрлері бар:

- 1) білім-ғылымдық мазмұнды;
- 2) әлеуметтік-саяси мазмұнды;
- 3) әлеуметтік-тұрмыстық мазмұнды;
- 4) діни мазмұнды;
- 5) сотта қолданылатын сөздер.

Шешендік сөздердің барлық түріне ортақ мақсат – ақыл-оиды қозғау, үғым-түсінігін кеңейту, білім беру, сезімге әсер ету. Шешен сөйлеудің ең негізгі шарттары – сөз дұрыстығы, қысқалығы, эмоционалдылығы, байлығы, түсініктілігі мен дәлдігі.



4. Оқылым және тыңдалым мәтіндері негізінде әңгіме не дөңгелек үстел үйымдастырындар. Ойларынды шешен тілмен жеткізуге тырысындар.

1. Мәтіндерде аталған туризм түрлерінің қайсысы өздерінде жақын?

- Тыңдалым мәтінінде аталған туризм түрлері елімізде қалай дамуда?
- Қазақстанда туризмнің тағы қай түрін дамытуға мүмкіндік бар?



5. Әңгіме немесе дөңгелек үстелдегі сөздерің тақырыбына, мазмұны мен айтылу орнына қарай қазіргі шешендік сөздердің қай түріне жатады? Мысалдармен дәлелдендер.

Үлгі:

Шешендік сөздің түрі – ...	Себебі



Круиз

Қазіргі кезде теңізді айналып жүзу (круиз) халықаралық туризмнің маңызды түріне айналып отыр. Бұл – аса жайлы кемелермен саяхаттау, құмды жағалауларда демалу, бірнеше елмен танысу мүмкіндігінің үштастырылуы. Туризмнің бұл түрінің дәстурлі аудандарына Жерорта теңізі, Кариб алабы мен Мұхит аралдары жатады.



6. Уш топқа бөлініп, тапсырмаларды орындаңдар.
- 1-топ.** «Круиз» мәтініндегі терминдерді пайдаланып, туристерді круиздік лайнермен саяхаттауға шақырып, жарнама жасаңдар.
- 2-топ.** Туризмнің түрлері туралы сұрақтар құрастырып, топта жауп беріңдер. Ең үздік танылған сұрақтар мен жауаптарды белгілеңдер.

Үздік сұрақтар	Үздік жауаптар

3-топ. Тыңдалым мәтінін 4 дәйексөзben қорытып, «Қосжазба күнделігін» толтырыңдар.

Дәйексөз (цитата)	Түсіндірme (комментарий)



7. «Қазақстанда туризм жақсы дамыған» деген пікірге қатысты келісу/келіспеу эссеін жазыңдар.

§3.

Қазақстандағы туризм



1. Сұрақтарға өз болжамдарың бойынша жауап беріндер.
 1. Қазақстанда алғашқы туристік нысандар қашан пайда болды?
 2. Келешекте еліміздің қай аймақтары туризмнің орталығына айналуы мүмкін?
 3. Суреттерде бейнеленген өлкелер туралы не білесіндер?
 4. Өздерің тұратын жерде қандай туристік нысандар бар?



2. Мәтінді оқып, Қазақстандағы туризмнің даму тарихы туралы мәліметтерді «Төрт сөйлем» әдісімен сипаттаңдар.

Қазақстандағы туризм

Ұлы Жібек жолы бойында орналасқандықтан, Қазақстан аумағындағы қалалар мен табиғаты ғажайып жерлер ежелден саяхат және туризм нысандары болып саналған.

Қазақстандағы алғашқы туристік үйымдар XX ғасырдың 20–30-жылдары пайда болды. 1929 жылы Алматыда тұңғыш туристік жорық үйымдастырылды. Оған 17 мектептің мұғалімдері қатысты. Жорық Алматыдан басталып, Есік көлінде аяқталды. 1930 жылы Алматы өлкетану музейі жанында Пролетарлық туризм және экскурсия қоғамының өлкелік бөлімшесі жұмыс істей бастады. Осы жылы Алматы қалалық телеграф пен пошта қызметкерлерінен құралған топ Медеуден Қөкжайлайлауға, одан өрі Үлкен Алматы көлі жағалауына дейін барды. Туризмнің бұл түріне В.Зимин, А.Бергрин, Д.Литвинов, Х.Рахимов, Г.Белоглазов т.б. көп үлес қосты.

1931 жылы қаңтарда Алматыда алғаш рет шаңғышылар жорығы үйімдестердегі шаңғышылар Алматыдан шығып, Ұзынағаштан өтіп, Қордай асусы арқылы эстафетаны Қыргызстан командасына табыс етті.

Әуесқой туристердің бастауымен Алатау қойнауындағы Күйгенсай шатқалында туристер үшін шағын үй салынды. 1936 жылы бұл жерде республикадағы ең алғашқы 50 кісілік «Горельник» турбазасының шаңырағы көтерілді. 1938 жылы Қекжайлар шатқалында алғаш қазақстандық туристер слеті өтті. Оған 200-дей турист қатысты.

1950–1960 жылдары Алматы жоғары оқу орындарында тау туризмі, альпинизм, спорттық туризм дами бастады. Соның нәтижесінде туристік нұсқаушылар тобы қалыптасты. Олар оқушылар мен студенттер арасында туризмді дамытуда үлкен үлес қосты. 1958 жылы В.Зиминге тұңғыш рет туризм бойынша КСРО-ның спорт шебері атағы берілді. 1970 жылы құрылған Туризм және саяхатшылықтың республикалық кеңесі туризмнің одан әрі дамуына әсер етті. 1971–1975 жылдары Қазақстанда туризмнің материалдық базасын нығайып, саяхаттық-туристік үйімдар көбейді, жаңа туристік базалар мен мейманханалар пайдалануға берілді.

1991 жылдан бастап тәуелсіздік алған Қазақстанда туризм саласы дамудың жаңа сатысына көшті. 1993 жылы Қазақстан Дүниежүзілік туризм үйімінан мүше болды. Осы жылы туризм индустриясын дамытуға арналған үлттық бағдарлама қабылданды.

2001 жылы 13 маусымда «Қазақстан Республикасындағы туристік қызмет туралы» Зан қабылданды. Онда еліміздегі туристік саланы дамытудың бірінші кезектегі шаралары, туристік қызметті лицензиялау т.б. мәселелер тұжырымдалды. Қазақстанның табиғи, тарихи, геосаяси орны туристік нысандарды үтімдеді пайдалануға мүмкіндік береді, сонымен қатар экономиканың басты тармақтарының бірі ретінде дамытуды қажет етеді.

(«Қазақ энциклопедиясы», 5-том)



3. «Екінші Мекке» атанған Түркістан қаласын әлемдік туризмнің орталығына айналдыруға бола ма? Қотерілген мәселе бойынша өз ойларынды дәлелдей, келісу/келіспеу эссеін жазыңдар.



Димаш Құдайбергенге Мәдениет және спорт министрі атынан «Қазақстан Республикасының туризм жөніндегі елшісі» мәртебелі атағы тапсырылды. «Бір жарым ай бұрын футболшы Месси «Әлем туризмінің елшісі» атанды. Біз де Димашқа қазақстандық туризм елшісінің сертификатын ұсынып отырмыз. Ол – өз елінің патриоты», – деп атап өтті «Kazakh Tourism» ҮК» АҚ Басқарма төрағасы Рашид Құзембаев.

Димаш өз концерттерінде және БАҚ көздерінде өрқашан фанаттарын тұған жеріне шақырып жүреді. Сол себепті Қазақстанда алғаш рет фантоптар үшін туристік маршрут ұйымдастырылды. Маршрут құрамына Димаштың тұған қаласы – Ақтөбе, елордамыз және Алматы кірді. Осындай турларды отандық туроператорлар тұрақты түрде өткізетін болады. Ал осы турлардан түскен қаржының бір бөлігі келешекте Димаш брендін өлемдік деңгейде одан әрі нығайтуға және өркендетуге бағытталады.

(«Егемен Қазақстан», 01 маусым, 2018 жыл)



Білім-ғылымдық мазмұндағы шешендік сөздер

Білім-ғылымдық мазмұндағы (академиялық) шешендік сөздердің қолданылатын орындары мен түрлері:

- 1) жоғары оқу орындарындағы дәрістер;
- 2) ғылыми конференциялар, симпозиумдардағы баяндамалар;
- 3) ғылыми жоба қорғау және диссертациялық ғылыми кеңестерде сөйленетін сөздер.

Бұл сөздердің басты ерекшелігі – ғылыми терминдердің молдығы, біршама қатаң стильге негізделуі. Осы белгілеріне қарап дәрістер мен баяндамалардың шешендік сипатының болуы міндетті емес болып көрінуі мүмкін. Шындығында, білім-ғылымдық мазмұндағы сөздер нақты, тілі барынша түсінікті, тыңдаушысына қызықты болуы шарт. Ал бұлар – шешендік сөздің басты талаптары.



4. Белсенді туризмнің түрлері жайында қосымша ресурстардан мәлімет жинақтап, ғылыми конференцияда жасалатын баяндаманың тезисін дайындаңдар.



- 5.** Үш топқа бөлініп, тапсырмаларды орындаңдар.
- 1-топ.** Оқылым мәтінін негізге алып, Қазақстандағы туризмнің даму тарихын сыйба арқылы көрсетіңдер.



2-топ. Димаш Құдайбергеннің арқасында Қазақстанға қызығушылығы артқан туристерді өздерің тұратын елді мекенге шақырып, тарихи-мәдени орындармен, архитектуралық ескерткіштермен таныстыратын мәтін жазыңдар.

3-топ. Шешенге қойылатын талаптарды сақтап, «Отандық туризмді дамыту жолдары» тақырыбында білім-ғылымдық мазмұндағы шешендейтік сөз дайындаңдар.



- 6.** Оқылым мәтінінен бірнеше мысал алып, тыныс белгілерінің қойылу себептерін түсіндіріңдер.

Мысалдар	Тыныс белгілері	Қойылу себебі
Туризмнің бүл түріне В.Зимин, Д.Литвинов, А.Бергрин, Х.Рахимов, Г.Белоглазов т.б. көп үлес қосты.	Утір, нұкте	



- 7.** Қазақстандағы туристер көп баратын нысан туралы баяндама жасаңдар.

§4.

Экологиялық туризм



1. Ойтүрткі сұрақтарына жауап беріндер.

1. «Экотуризм» ұғымының Қазақстанға қандай қатысы бар?
2. Соңғы кезде экотуризмнің қарқынды даму себебін қалай түсіндірер едіңдер?



2. Мәтінмен танысып, құрылымы мен жанрлық ерекшеліктерін талдаңдар.

Экологиялық туризм

Экологиялық туризм – сауықтырушылық, танымдық, қарым-қатынастық қажеттіліктер үштастырылатын туризмнің түрі. Бұған экологиялық тұрғыдағы көрнекті орындарды (ұлттық саябақтар, табиғат ескерткіштері), табиғат қорғау проблемалары оңтайлы шешілген аумақтарды аралау, сонымен бірге экологиялық үйымдардың, «жасылдар» қозғалысының бұқаралық шараларына қатысу жатады. Экологиялық білім беру және ағарту элементтері міндетті түрде қамтылады.

Экологиялық туризмнің өзекті үш бағыты бар, олар: танымдық (тарихи), ғылыми (зерттеушілік), оқиғалы (спортық). Тарихи экотуризм жергілікті мәдениет пен қоршаған ортаны тануға мүмкіндік береді. Ғылыми түрінде туристер табиғатты зерттейді. Оқиғалы экотуризм – табиғатта демалу мен қозғалудың белсенді бағыты, оған жаяу, атты, велосипедті туризм, альпинизм т.б. жатады.

Экологиялық туризм «жұмсақ» туризм болып табылады, себебі ол қоршаған ортадан пайда табуға бағытталмаған. Аталмыш туризм түріне мына қасиеттер тән: туристік аймақтарды мәдени тұрғыдан сауықтыруға қамқорлық жасау, табиғат ресурстарын аяушылықпен пайдалану, қоршаған ортаға залал келтіретін жағдайлардың минималды болуына бақылау жасау.

Экологиялық тур кезінде сіз жабайы табиғатпен тығыз байланыста боласыз, бұл – басқа турлардың бірінде жоқ қасиет. Мұнда адам – табиғаттың өміршісі емес, оның бір бөлшегі ғана болады.

(Амангелді Сопбеков)



Ойдың айқындылығы

Сөз дәлдігімен тікелей байланысты ұғымдардың бірі – ойдың айқындылығы. Сөз дәлдігі жекелеген сөздер мен тіркестердің қолданысына байланысты болса, ой айқындылығы тұтас сөйлемнің мағынасына қарай ажыратылады және сөйлеушінің әдеби тілдің байлығы мен нормасын жетік білуімен, грамматикалық формаларды орындағанда қолдануымен өлшенеді. Сөйлеуші сөздердің табиғи мүмкіндітерін: тұра мағынасын, көпмағыналылығын, синонимдік, антонимдік, омонимдік қасиеттерін кең түрде пайдаланумен бірге, сөздерді аудиоспалы мағынада, тұрақты тіркестер мен мақал-мәтедерді орындағанда қолдана білмесе, ой айқындылығына нұқсан келеді.

Мысалы: *Қасымды айтып жіберші, тезірек үйге кірсін!* Үйде бала-сын жалғыз тастап, «қой да тыныш» дейтін ата-ана бар. Алғашқы сөйлемде табыс септігінің -ды жалғауы барыс септігінің -ға жалғауының орнына қолданылғандықтан, сөйлемнің алғашқы бөлігіндегі ой айқын емес. Ал екінші сөйлемде «Қой да тыныш, қойши да тыныш» мәтелін түгел қолданбағандықтан, ой айқындылығына нұқсан кеп түр. Сол сияқты «*Қор (қаражат) болмағанда қор болғандай екен*» (газеттердегі мақала атауы) сөйлемінде омонимдерді орынсыз қабаттастыра қолдану да мағына айқындылығын көмескілейді.



3. Аудиожазбадан (09. mp3) «Қарқаралы ұлттық саябағы» мәтінін тыңдалап, негізгі ойды анықтаңдар. Қөпшілік алдында дұрыс сөйлеу, тыңдаушыларға ықпал ету қағидаларын сақтап, мәтінді қайта баяндаңдар.



Әлеуметтік-саяси мазмұнды шешендік сөздер

Әлеуметтік-саяси мазмұнды шешендік сөздерге саяси шолушылардың, радио және теледидар шолушыларының сөздері, саяси тақырыптағы баяндамалар, митингіде сөйленетін сөздер, әскери-патриоттық сөздер жатады. Әскери-патриоттық тақырыптағы шешендік сөздер Отан қорғауда сарбаздардың рухын көтерген. Ұлы Отан соғысы жылдарында Б.Момышұлы сияқты қолбасшылардың шешендік сөздері жауынгерлерді женіске жігерлендіріп, Отан үшін аянбай соғысуға үндеген.




4. Мәтіннің әлеуметтік-саяси мазмұнды шешендік сөзге жататынын дәлелдеңдер. Шешен сейлеудің шарттарын білдіретін (сөз дұрыстығы, дәлдігі, түсініктілігі, эмоционалдылығы) тілдік бірліктерді көрсетіңдер.

Біз, қазақ халқы, ұлы тарихи тұлғалардың ізбасар үрпағы екенімізді ұмытпауымыз қажет. Ата-бабаларымыздың рухын туризмнің озық ұлгілері арқылы дәріптеуіміз керек. Біз сала-лық мемлекеттік бағдарлама қабылдадық. Ол толыққанды жүзеге асатын болса, туризмнің Ишкі жалпы өнімдегі үлесі 8%-ке жетеді. Туризм саласында 650 мың адамды жұмыспен қамту жоспарланып отыр. Туризм – өте курделі сала. Оған тиісті мамандар керек. Сол себепті біз туризм мамандарын дайындайтын университет ашу қажет деген шешім қабыл-дадық.


(*Қазақстан Президенті Қасым-Жомарт Тоқаевтың «Ұлытау-2019» халықаралық туристік форумында сөйлеген сөзінен*)



5. Үш топқа бөлініп, тапсырмаларды орындаңдар.
- 1-топ.** Оқылым мәтінін негізге алып және өздерің білетін мәліметтерді де қосып, экотуризмнің ғалымдар белгілеген түрлері туралы деректердің маңызды тұстарын талдаң жазындар.



2-топ. Экологиялық туризмді туризмнің басқа түрлерімен салыстырып, үқсастығы мен айырмашылықтарын «Венн диаграммасы» арқылы сипаттаңдар.



3-топ. Экотуризмнің маңызы мен пайдасы жайында сөз дайындалап, көпшілік алдында қорғаңдар.



6. Екі тапсырманың бірін орындаңдар.

1. Өздерің тұратын өлкедегі экологиялық туризмді дамытуға қатысты түйінді пікірлерінді жазындар. Сөз дәлдігінің сақталуына назар аударындар.
2. Б.Момышұлының әлеуметтік-саяси тақырыптағы нақыл сөздерін оқып, кестені толтырындар.

Бауыржан Момышұлы – шешен	
Б.Момышұлының шешендігіне 3 дәлел	3 дәлелге 3 дерек

Бауыржан Момышұлының нақыл сөздері

- Ел дегенде еміреніп, жұрт дегенде жүгініп қызмет ет!
- Отан үшін отқа тұс – күймейсін.
- Опасызда Отан жоқ.
- Әділдікті мойындау – адал кісінің ісі.
- Намысты нанға сатпа!
- Қарабет болып қашқанша, қайрат көрсетіп өлген артық.
- Өз ұлтын сыйламау, оны мақтаныш етпеу – сатқындық.
- Ерлік – елдің қасиеті, жүректілік – жігіттің қасиеті.
- Тәртіпсіз ел болмайды,
Тәртіпке бас иген ел құл болмайды.
- Қайрат етер кезінде жүк көтерер нардай бол,
Ақыл айтар кезінде жүз жасаған шалдай бол!

§5.

ЮНЕСКО-ның әлемдік мұра нысандары



1. Ойтүрткі сұрақтарына өз болжамдарың бойынша жауап беріңдер.
 1. ЮНЕСКО-ның Әлемдік мұра нысандары тізіміне дүниежүзіне әйгілі қандай нысандар кіреді?
 2. Осы тізімде Қазақстанның нысандары бар ма?
2. Топтарға бөлініп, мәтіндердегі ақпаратпен танысындар. Аталған нысандардың Қазақстан туризмінде алатын орнын көрсетіңдер.

Туристік нысан	Қазақстан туризмінде алатын орны

Қожа Ахмет Ясауи кесенесі



Қожа Ахмет Ясауи кесенесі Қазақстанның оңтүстігіндегі Түркістан қаласында орналасқан. Ол XIV ғасырдың аяғы мен XV ғасырдың басында Әмір Темірдің тұсында салынған. Фимарраттың құрылышына сәулетшілер Самарқандты тұрғызғанда қолданған жаңашыл сәулет-құрылым әдістерін пайдаланады. Бұғінде кесене сол дәуірдің ең маңызды және жақсы сақталған ғимараттарының бірі болып саналады.

Бұл орасан зор ғимарат XII ғасырда өмір сүрген көне түркі ақыны және сопылық ілімді уағыздаушы Қожа Ахмет Ясаудың құрметіне тұрғызылған. Қала кең-байтақ Дешті Қыпшақ өніріндегі түркі тілдес халықтардың рухани-саяси орталығы болды, екі ғасыр бойы қазақ хандығының астанасы болып келді. Қесененің төңірегінде ортағасырлық монша, жерасты мешіт, Өмір Темірдің немересі Рабия Султан Бегімнің қесенесі және т.б. ескерткіштер орналасқан.

Қазақстанның солтүстігіндегі көлдер мен жазықтар

«Қорғалжын» және «Наурызым» мемлекеттік табиғи қорықтары 450,344 гектар аумақты алғып жатыр. Қорықтар жоғалып кету қаупі бар жүзуші құстардың тіршілік өрекеті үшін өте маңызды рөл атқарады. Мысалы, бұйра бірқазан және ұзын құйрықты субүркіт.

Қорықтар Орта Азиядағы дала флора аймағын мекендейтін жануарлардың: жойылу қаупі төнген құстардың және браконьерлік пен жаппай індеттің кесірінен саны жойылып бара жатқан, бүгінде ерекше қоршауға алынған ақбөкендердің тұрақты мекені болып отыр. Сонымен қоса бұл тармақта тұщы және ащы судан тұратын 2 көл бар. Олар солтүстіктегі Арктикаға ағатын, оңтүстікте Аral-Ертіс бассейніне ағатын өзенді бөлетін су айрығында орналасқан.

Үлкен Қорғалжын қорығы



Қорғалжын қорығы Нұр-Сұлтан қаласынан онтүстік-батысқа қарай 130 км қашықтықта орналасқан. Қезінде бүкіл ойпатты алып жатқан ежелгі мұхиттың қалдығы болып салалатын Теңіз, Қорғалжын атты екі үлкен көлден, өзге де кішігірім су айдындарынан тұрады, балық пен құстарға бай батпақты кешенді құрайды.

Қорғалжын қорығында Қызыл Кітапқа енгізілген құстардың 32 түрі мекендейді. Солардың бірі – таңғажайып әдемі құс – қызғылт қоқиқаз.

(«Қазақ энциклопедиясы», 5-том)



- 3.** Аудиожазбадан (10. mp3) «Алтынемел тау жоталары» мәтінін тыңдап, мәтіннің қандай аудиторияға арналғандығын анықтаңдар. Мәтін үзінділерін талдау арқылы туризмге байланысты терминдерді теріп жазыңдар.

Мәтін бөлігі	Терминдер



- 4.** ЮНЕСКО-ның Әлемдік мұра тізіміне Қазақстанның 3 нысанынан (Ясауи кесенесі, Тамғалы петроглифтері, Солтүстік Қазақстан көлдері мен жазықтары) басқа тағы қандай нысандарды қосар едіңдер? Осы тақырыпта ойларынды ортага салып, дәңгелек үстел өткізіңдер.



- 5.** Дәңгелек үстелдегі сыныптастарыңың пікірлеріне келісу/келіспеу себептерінді көрсетіп, әссе жазыңдар.



- 6.** Өздерің жазған әсseedегі тыныс белгілерінің қойылу себептерін түсіндіріңдер.

Мысалдар	Тыныс белгілері	Қойылу себебі



Әлеуметтік-тұрмыстық мазмұнды шешендік сөздер

Әлеуметтік-тұрмыстық мазмұнды шешендік сөздерге көрнекті қоғам қайраткерлерінің, жазушылардың, әнер адамдарының, ғалымдардың, басқа да айтулы тұлғалардың мерейтойларында, салтанатты жиындарда, қаралы жиындар мен астарда, елшіліктер қабылдауында айтылатын сөздер жатады. Бұл сөздер тыңдаушыларға әсер ететін түрде: не көтеріңкі көңіл күймен, не мұнды өкінішпен ұсынылады. Кейінгі кезде әлеуметтік-тұрмыстық мазмұнды сөздер жиі қолданылышп җүр.



7. Мәтінді оқындар. Өмірмен байланыстырып, мерейтойлар мен салтанатты жиындарда айтылатын әлеуметтік-тұрмыстық мазмұнды шешендік сөздің үлгісін жазындар.

Батырлық – басқа қонақтын бақ емес, жүректен ерлік боп шығатын сындарлы шақ. Бұл – қазақтың ұлдарына ғана емес, қыздарына да дарыған қасиет. Сондықтан да тарихымыздың әр беті ел басына күн туғанда ерлермен иық теңестіріп, жауға шапқан батыр рухты апаларымыздың есімімен хатталып, ел есінде сақталып келеді. Бұгін, міне, сол даңқты дәстүрді жалғастырушы қазақтың қайсар қызы Әлия Молдағұлоловага Петербургтің төрінен ескерткіш ашылып отыр...

Біз ержүрек жерлестерімізді еске алыш қана қоймай, Ұлы Отан соғысының барлық батырларына, соның ішінде Ленинградты қорғаушыларға құрмет көрсетеміз!

Сөз жоқ, бұл шара – Ұлы Жеңіс мерекесі қарсаңында қаһарман апамыздың рухына көрсетіліп отырған ұлы тағым ғана емес, екі елдің бірлігі мен ерлігін, айбыны мен даңқын паш ететін дара дүние.

(Имангали Тасмагамбетов)




8. «Қазақстандағы туризм бәсекеге қабілетті ме?» тақырыбында де-ректер жинақтап, презентация немесе ойтұжырым дайындаңдар.

§6.

Қазақстанның інжү-маржаны – Бурабай



1. Сурет бойынша ой бөлісіп, сұрақтарға жауап беріңдер.
 1. Қазақстанның қандай көрікті жерлерін білесіңдер?
 2. Суреттегі табиғаты көркем өлке қалай аталады? Осы сұлулықты кімдер өз шығармасына арқау етті?



2. Ақпаратпен танысып, мәтіннің жанрын анықтаңдар.

«Бурабай» ұлттық саябағының жалпы аумағы 83510 гектарды құрайды. Оның 47400 гектары – орманды алқап. Ұлттық саябақ – республикалық деңгейде ерекше қорғалатын табиғи орындардың қатарына жататын мемлекеттік мекеме. Бұл жерде өсімдіктің 757 түрі бар, оның 12-сі Қызыл кітапқа енгізілген.

Бурабай – қазақ даласының ортасында орналасқан тамаша жер, сиқырлы оазис. Өзінің мінсіз табиғатымен, таза ауасы, мелдір көлдерімен, жұмбақ тау шыңдары және мәңгі жасыл қылқанжапырақты ормандарымен кез келген адамды баурап алатын бұл жерді «Қазақстанның інжү-маржаны» деп атайды.

Бурабай туралы аңыздардың көбі жер-су атауларының шығу тарихына байланысты. Сұлулығы көз тартарлық көлдер, әдемі таулар, ерекше пішінді тау жыныстары мен қарастай ормандары туралы аңыз-әңгімелер – үрпақтан үрпаққа беріліп келе жатқан әдеби мұра.

Ақмола облысының солтүстігіндегі Көкшетаудың жоғары жағында орналасқан «Бурабай» үлттық саябағында 14 көл бар, олар: Бурабай, Үлкен Шабақты, Шортанды, Майбалық, Аққұлыш, Қотыркөл және тағы басқа да ірі көлдер. Олардың ішінде терендігі 35 метрге жететін ең терең және таза көл – Шортанды, ал жылы және таязы – Бурабай.

Мұндағы ең көрікті және ең биік шоқы – Көкше шоқысы. Таудың биіктігі – 947 метр.

(«Өскен өңір» газетінен)



3. Егер турфирма қызметкері болсаңдар, «Бурабай» үлттық саябағына экскурсияны қалай үйімдастырып едіңдер? Берілген ұлғіні негізге алып, экскурсияның нұсқаулығын жасаңдар.

1. Транспорт (көлік түрі, маркасы).
2. Турдың маршруты, аялдамалар.
3. Саяхатта көрсетілетін қызметтер: атпен серуен, қайықта жүзу т.б.
4. Гидтің қызметі: жер атауының тарихы, аңыздар т.б.
5. Асхана қызметі: ыстық тамақ, сусын т.б.
6. Бағасы (кісі басына, топтық).



4. Графиктік мәтіндегі деректерді пайдаланып, өздерің тұратын аймақты да сипаттап, «Қазақстанның көрікті жерлері» тақырыбында эссе жазындар.





Діни мазмұнды шешендік сөздер

Діни мазмұнды шешендікке діни уағыздар, діни мейрамдарда халықта айтылатын сөздер жатады.

Діни шешендіктің моральмен, жалпыадамзаттық құндылықтармен байланысты болуы оның тағылымдық, ізгілік сипаттарын танытады. Басты мақсаты – тыңдаушыларды иландыру, олардың ішкі сезімдеріне қозғау салып, өз пікіріне сендеріру. Қазіргі діни шешендікте жалаң уағыздан гөрі саламатты танымдық көзқарас басым. Діни мазмұнды шешендікте діни сауаттылықтың маңызы зор. Діни шешендік халықты иландыру, үгіттеу сипатында айтылатындықтан, оған ауызекі сөйлеу стилінің белгілері тән. Онда дінге қатысты терминдер, имандылықта шақыратын, ізгілікке үндейтін сөздер мол кездеседі.



5. Улken кісілердің көмегімен «Қадыр тұні» туралы мәлімет жинақтап, онда орындалатын шарттарды «Төрт сөйлем» әдісімен түйіндендер.



Пікірталас мәдениетіндегі сөз қолданыстар

Пікірталас сәтті етуі үшін тақырып жөніндегі біліммен қоса, пікірталас өткізуудің негізгі қағидаларын, пікірталас мәдениетін жетік менгеру қажет.

Жалпы қағидалар

Пікірталасқа дайындық қажет. Тақырыпты зерттеп, іздену керек.
Пікірталаста қарсыластың жеке басының мінін қазбалау әбестік болып саналады.
Қарсыласты ұрметтеп, оны сабырлылықпен тыңдай білген жөн.
Қарсыласқа дөрекі жауап беруге, күлкі етуге, ұрыс-керіске баруға болмайды.

Сөз қолданысына байланысты қағидалар

Пікірталаста қолданылған сөз бәріне түсінікті болғаны дұрыс.
Сөзді мағынасына сай орынды жұмсай білу, грамматикалық тұлғаларды мақсатқа сай қолдану, ойды жеткізу тәсілдерін білу қажет.
Мақұлдау мәніндегі сөздер (иә, дұрыс айтасыз, сізben келісуге болады) мен теріске шығару немесе мақұлдату мәніндегі сөздерді (бірақ, дегенмен, мына мәселеге назар аударайық) үйлестіре білген жөн.
Пікірталаста сөздің күші қарсыласқа әсер ететіндей болу керек.



6. Италияда – Колизей, Францияда – Эйфель мұнарасы. Ал Қазақстаның визит карточкасы қай ғимарат? Пікірталас мәдениетін сақтап, осы тақырыпта дөңгелек үстел өткізіндер.



7. Өлең мәтінінің тыныс белгілерін қойып жазып, қойылу себептерін түсіндіріндер.

Тілдік бағдар	Мысалдар	Сұрақтар	Жауаптар
Төл сөздің тыныс белгісі. Қаратпа, одағай сөздердің тыныс белгісі.	Бұлт құшқан мәңгі мең-зең Көкшетауға Бөлектау: «Ой, бауырым!» – дер анадайда.	Қос нүкте, сызықша, тырнақша, утір мен леп белгісі не себепті қойылған?	

Батыр Баян (поэмадан үзінди)

Арқада жер жетпейді Бурабайға
Бөленген бүйра сыпсың қарағайға
Бұлт құшқан мәңгі мең-зең Көкшетауға
Бөлектау Ой бауырым дер анадайда
Оқжетпес найза қия қыранға ұя
Қарасаң жанның шері тарамай ма
Солардың ортасында Бурабай көл
Мәп-мөлдір дәп-дөңгелек ұқсайды Айға
Бурабай Арқа аралы жер еркесі
Ертеде қоныс болған Абылайға
Бауырында Бурабайдың қалың ағаш
Көкшенің жалыменен біткен жалғас
Қыын құн туған алаш баласына
Шұбырып жапанның сар даласында
Кез болған жаудан үркіп Ақтабанға
Дүшпанның қалғандай боп табасына

(Магжан Жұмабаев)



8. «Бурабай туралы аңыздар» тақырыбында ізденіп, фотослайдтардан презентация дайындаңдар. Шешендік сөзге қойылатын талаптарды сақтап, көпшілік алдында қорғаңдар. Тақырыбы мен мазмұнына қарай шешендік сөздің қай түрі екенін анықтаңдар.

§7.

Жер жаннаты – Жетісу



1. Сұрақтарға жауап беріп, ойларыңды ортаға салындар.

1. «Жер жаннаты – Жетісу» деп неліктен айтады?

2. Жетісу өлкесінің туристік бағыттарын білесіндер ме?



2. Мәтіндегі ақпаратпен танысып, берілген мәліметтерді салыстырындар.


Көне тарих ізімен

Алматы облысында мәдени және тарихи ескерткіштердің көп болуына байланысты облыс туризмнің дамуына қолайлыш өңірдің бірі болып саналады. Жетісу жерінен небір тарихи ескерткіштерді көруге болады. Ертеден қалған ескерткіштер: Іле қорғандары және сақтардың алтын бүйымдары, Ұлы Жібек жолындағы ортағасырлық қалалар және қола дәуірінен жеткен тауға салынған суреттер (петроглифтер).

Жетісуда қола дәуірінің бірнеше тарихи қоныстары қазылған. Бұлар – балшық қоспасы мен тастан жасалған жердеғі қабырғалар, терендігі 1–2 метр шым үйлер және жер кепелер. Осындағы қазбаларды Тұрген шатқалындағы Асы жерінде (XII–X ғғ.) және Көксу өзенінің бойындағы Құйған және Талапты қоныстарынан (X–IX ғғ.) көре аламыз. Жетісудағы ерте темір дәуіріндегі ең ірі қоныстар Шарын өзенінің бойында, Сарытоғай алқабында жатыр. Бұл аймақта шойын қазаның, түрлі ыдыстар, құмыраның, сонымен қатар тастан жасалған еңбек құралдарының түр-түрі табылған.

Алматы облысында аттары үқсас екі мәдени-тарихи ескерткіш бар: Тамғалы (Таңбалы) – алғашқы петроглифтермен жазылған жартастар және Тамғалытас – Будданың тасқа қашалған суреттері.

Ең бағалы көне ескерткіштердің бірі – Тамғалы шатқалы. Тамғалы Алматы қаласына 180 шақырым жерде, Жамбыл ауданы Қарабастау ауылына жақын орналасқан. Онда түрлі жаңуарлар мен Құдайларды суреттейтін 4500 петроглиф бейнеленген. Тамғалы аса құнды адамзат мұрасы ретінде мемлекет қорғауына алғынып, ЮНЕСКО тізіміне енгізілді.



Шатқал шыңдары – б.з.б. XIV–XIII ғасырлардағы ежелгі түрік және Сақ дәуірінің петроглифтерін біздің заманға жеткізген өте сирек кездесетін мұра. Суреттер шыңдардың бетінде орналасқандықтан, оларды бірден көруге болады. Ежелгі суретшілер түрлі жануарлардың бейнесін, адамдардың аң аулау сәттерінің көрінісін, мифологиялық сюжеттерді тасқа қашап қалдырған. Петроглифтерден көне тарих туралы маңызды ақпараттар аламыз. Бұл тарихи ескерткіш ашық аспан астында орналасқан.

Алматы – Талдықорған тасжолының 110 шақырымында Иле өзенінің жағасында Тамғалытас (Жазылған тастар) шатқалы жатыр. Шатқалдың шыңында қызыл тас кесегі бар, оның биіктігі екі қабатты үймен тең.



Жалпы, мұнда сурет қашалған 18 тас бар. Суреттердің ішіндегі ең үлкені – Будданың бейнесі. Бұл мекенге буддизмді миссионерлер әкелгенге үқсайды. Будданың айналасында тағы екі Құдайдың бейнесі берілген. Үшбасты Құдайдың шығыс жағындағы тік жартаста айдаһарлар ханы бейнеленген.

Ойжайлау таңбалы тастары – қола дәуірі петроглифтері. Жамбыл облысы Қордай ауданы Отар стансысынан батысқа қарай 40 шақырым жердегі Кіндіктас тауының Ойжайлау шатқалында, теңіз деңгейінен 1200 биіктікте орналасқан. Жартасқа түсірілген петроглифтердің саны 100-ге жуық. Петроглифтердің ішінде қолдарына найза, ту ұстаған салт атты адамдардың, бұғының, түйенің, өгіздің бейнелері кездеседі.

Ешкіөлмес петроглифтері – Алматы облысындағы Ешкі-өлмес жотасы бойында орналасқан қола дәуірінен сақталған құнды ескерткіштер, жартасқа таңбаланған суреттер. Ешкі-өлмес петроглифтері Қазақстан аумағында орналасқан әйгілі ескерткіштер ретінде «ЮНЕСКО Әлемдік мұра нысандары» тізіміне ұсынылған. Ешкіөлмес жотасы Жетісу Алатауының батыс бөлігінде Талдықорған қаласынан 30 шақырым қашықтықта орналасқан.

(«Қазақ үні» газетінен)



3. Тыныс белгілерін дұрыс қойып, өлең мәтінін көшіріп жазындар.

Жер таппан жерге жетер Жетісуым
Күркілдек Көксу Лепсі Іле Шуым
Асқардың аспан сүйген сілекейін
Жан бар ма татпайтұғын айтпайтұғын
Бөленген бұлтқа мәңгі меніреу құз
Ну тоғай қоғалы көл қоңыр құмым
Асқардан ақтарыла арқыраған
Жөкенің кім аңсамас балдай суын
Жетісу кеуден асқар аяғың қол
Қоңың құм мықынында бар сексеуіл
Тау жайлап қоңыр қүзеп құмды қысталап
Ол бір маң мал өсірген өлкедегі ел
Көктемде құмнан әсем жер болсын ба
Жайқалып жауқазыны раң гүлдер
Бойдағы бозбаладай асыр салса
Қозысы құйрықтанып дөңгеленер

(Илияс Жансүгіров)



Сотта қолданылатын шешендік сөздер

Сотта қолданылатын шешендік сөздерді екіге бөліп қарастыру керек: қазақтың ескі әдет-ғұрып заңы бойынша жүргілген дауларда орын алған шешендік сөздер және біздің дәуіріміздегі сот жұмысында айтылатын айыптаушылар мен қорғаушылардың сөздері.

Бұрынғы биліктे айыптаушының да, қорғаушының да сөздерінде дәстүрлі модельдер: мақал-мәтелдер, фразеологизмдер, салыстырулар т.б. басты рөл атқаратын болса, қазіргі сотта айтылмақ ойдың дәлдігі, пікірдің айқындылығы басты орынға шықты.

Соттағы шешендік қарсыластармен бетпе-бет өтетіндіктен, ерекше жинақылықты, кез келген сұраққа тез жауап беру үшін қарсы жақтың осал жағын да, мықты жағын да нақты тани білуді, байқағыштықты қажет етеді. Соттағы шешендікте тек барды баяндау емес, даулы, керегар сауалдар туыннатуға қарсыласының пікірін жоққа шығаруға мән беріледі. Соттағы шешендікке қойылатын талаптар:

- сөздің айқындылығы;
- ойдың жинақылығы;
- логикалық қисынның күштілігі.



- 4.** «Абай институты» хабаршысында жарияланған заңгер-ғалым Салық Зимановтың «Абай – ұлы билердің соңғысы және оның бітім-біліктері туралы» мақаласын оқып, «Практикалық талқылау» өдісімен талданадар.

Талқылаушы	Мәтіннің тақырыбы мен идеясын анықтайды.
Белгілеуші	Мәтін мазмұнын ашатын мақал-мәтелдер айтады.
Байланыстырушы	Мәтін мазмұнын өмірмен байланыстырады.
Топ шешені	Абайдың шешендігіне мәтіннен мысалдар келтіреді.
Корытындылаушы	Мәтіннің құндылығын айтып, баға береді.



- 5.** Қазақстанда туризмді дамыту мәселесі бойынша өз ойларынды дәлелдей, келісу/келіспеу эссеесін жазындар.



- 6.** Баспасөз бен қосымша әдебиеттерден қазіргі шешендік сөздердің барлық түріне мысалдар келтіріңдер.

V бөлімді қорытындылауға арналған тест тапсырмалары

1. Стиль түрін көрсетіндер. *Дүниежүзінде туризм экономикалық маңызы зор сала болып есептеледі.*
 - A. Фылыми стиль
 - B. Ауызекі сөйлеу стилі
 - C. Публицистикалық стиль
 - D. Қөркем әдебиет стилі
 - E. Ресми ісқағаздар стилі
2. Орфографиялық нормага сай жазылған сөзді анықтаңдар.
 - A. Рафтинг
 - B. Мульти спорт
 - C. Альпенизм
 - D. Шыңға-шығу
 - E. Спорттық-бағдарлау
3. Қорғаушының сөзі шешендіктің қай туріне жататынын анықтаңдар.
 - A. Әлеуметтік-тұрмыстық шешендік сөздер
 - B. Әлеуметтік-саиси шешендік сөздер
 - C. Академиялық шешендік сөздер
 - D. Діни шешендік сөздер
 - E. Соттағы шешендік сөздер
4. Әлеуметтік-тұрмыстық мазмұндағы шешендік сөздер:
 - A. Мерейтойларда, салтанатты жиындарда, қаралы жиындар мен астарда, елшіліктер қабылдаудың айттылатын сөздер
 - B. Фылыми хабарлама
 - C. Қорғаушының сөзі
 - D. Шешендік арнау
 - E. Ұағыз
5. Білім-ғылымдық мазмұндағы шешендіктің түрін көрсетіндер.
 - A. Қорғаушының сөзі
 - B. Патриоттық тақырыптағы сөз
 - C. Шешендік толғау
 - D. Ұағыз
 - E. Баяндама

- 6. Дәріс шешендіктің қай түріне жататынын табындар.**
- A. Соттағы шешендік сөздер
 - B. Діни шешендік сөздер
 - C. Әлеуметтік-саиси шешендік сөздер
 - D. Әлеуметтік-тұрмыстық шешендік сөздер
 - E. Білім-ғылымдық мазмұндағы шешендік сөздер
- 7. Мәдени-танымдық туризмнің белгісін ажыратындар.**
- A. Байдаркамен жүзу
 - B. Рухани құндылықтармен таныстыру
 - C. Шаңғы спорты
 - D. Альпинизм
 - E. Джип-тур
- 8. Туризмге қатысты терминдер қатарын ажыратындар.**
- A. Симпозиум, мәжіліс
 - B. Фылыми кеңес, сурет көрмесі
 - C. Тренинг, шолу
 - D. Маунтинбайк, рафтинг
 - E. Бұғымен серуендеу, сот процесі
- 9. Қазақстандағы ең танымал туристік нысанды белгілендер.**
- A. Бурабай
 - B. Қаратау
 - C. Сарысу
 - D. Марқакөл
 - E. Балқаш
- 10. Тыныс белгісі дұрыс қойылған сөйлемді ажыратындар.**
- A. Туризм өз ішінен бірнеше түрге бөлінеді: әлеуметтік, спорттық, емдік-сауықтыру, мәдени-танымдық және т.б.
 - B. Туризм өз ішінен бірнеше түрге бөлінеді, әлеуметтік, спорттық, емдік-сауықтыру, мәдени-танымдық және т.б.
 - C. Туризм өз ішінен: бірнеше түрге бөлінеді – әлеуметтік, спорттық, емдік-сауықтыру, мәдени-танымдық және т.б.
 - D. Туризм – өз ішінен бірнеше түрге бөлінеді: әлеуметтік, спорттық, емдік-сауықтыру, мәдени-танымдық және т.б.
 - E. Туризм өз ішінен бірнеше түрге бөлінеді – әлеуметтік, спорттық, емдік-сауықтыру, мәдени-танымдық және т.б.

Тындалым материалдары

(01. mp3)

Тәуелсіз Қазақстан

Еділ мен Ертістің арасындағы далалық алқапта көшпелі империялардың үрпақтары уақыт өте келе қазақ деген біртұтас халыққа бірікті. Қазақ хандығы құрылып, Қерей мен Жөнібек, Қасым мен Хақназар, Есім мен Төуке т.б. хандар Дешті Қыпшақтың қуатты өміршілері болды. Алайда тағдырдың талабымен қазақ елі дербестігінен айырылып, қазақ жері Ресей империясының құрамына енді.

Тәуелсіздікті қайтадан қалпына келтіремін деген «Алаш» зиялыштарының демократиялық идеялары сәтсіздікке ұшырады.

1930 жылдан бастап тоталитарлық жүйе халықтың тілі мен өмір салтына, тарихы мен мәдениетіне орасан зор зиянын тигізді. Бірақ 16 миллион халқы бар көпұлтты Қазақстан мемлекеті 1991 жылы 16 желтоқсанда тәуелсіздігін қайта жарайлады. Осыдан кейін Қазақстан тәуелсіз мемлекет ретінде дами бастады. Еліміздің жаңа Конституциясының жобасы дайындалды. Облыстардың, қалалардың және аудандардың басқару органдарына реформалар жүргізілді.

Өзінің тәуелсіздігін алған Қазақстан Республикасын дүниежүзінің ондаған елі таныды. Біздің елді алғашқылардың бірі болып Түркия, сол сияқты АҚШ, Германия, Франция, Ұлыбритания және т.б. ірі-ірі мемлекеттер мойындағы.

(02. mp3)

Адам әрекеті нәтижесінде табиғи кешендердің өзгеруі

Адамның шаруашылық әрекеті – табиғаттың өзгеруіне әсер ететін ерекше фактор. Адам еңбек пен ақыл-ойдың арқасында қоршаған ортаға бейімделуімен қатар, оны өзгертерді. Соңдықтан табиғатты өзгерту барысында адамзат оның кейінгі зардаптарын да ескеруі қажет. Мысалы, жауын-шашын мөлшерін, топырақ ылғалдығын ескермesten, топырақ-қа минералды тыңайтқыштар енгізу ол заттардың шайылып, өзендер мен бөгендердің ластануын туғызады. Ал ірі бөгендер салуда аумақтың табиғат ерекшеліктерін ескермеу мезгілсіз

батпақтануға, топырақ, өсімдік жамылғысы мен сол жердің микроклиматының өзгеруіне әкеп соғады. Мұның бәрі қаншама еңбек пен шикізатты зия кетірумен бірге, қоршаған ортаның жағдайын нашарлатады. Сол сияқты адам әрекетінен болған, тез шешуді қажет ететін мәселелер күннен күнге көбеюде...

(03. mp3)

Ғаламдық шикізат дағдарысы

Адам баласында кездесетін маңызды да курделі мәселелердің бірі – табиғат ресурстарының шектеулілігі. Адам баласы шаруашылық қызметтерін жүзеге асыру үшін табиғи ресурстарды жиі пайдаланады, нәтижесінде мекен ету ортасының сапасы төмендейді. Барлық ресурстың жалпыға ортақ қасиеті бар: олар сирек кездеседі немесе саны шектеулі. Ал қоғамның қажеттілігі шексіз, толық қанағаттандырылмайды.

Шаруашылық жүйелердің қалыптасуының маңызды көрсеткіші – табиғат сыйымдылығы. Табиғат сыйымдылығы шикізат материалы мен дайын өнімді біріктіретін барлық тізбектегі табиғи ресурстарды пайдалану тиімділігіне тәуелді. Егер XIX ғасырда шаруашылықты өңірдегі табиғи-ресурстың негізде өндөлген жер, орман, басқа да кендер құраса, XX ғасырдың басында көмір мен темір кендерін өндіру алдыңғы орынға көтерілді.

XX ғасырда минералдық-шикізат базасы маңызды өзгеріске ұшырады. Ол табиғи ресурстар түрлерін пайдалану көлемімен және түрлерінің артуымен, пайдалы қазбалардың жаңа руда кен орындарын игеруімен сипатталады.

(04. mp3)

Миграция мәселелері бойынша халықаралық үйім

Еуропадағы босқындар мен мәжбүрлі қоныс аударушыларға көмек көрсету мақсатында 1951 жылы Женева қаласында көші-қон мәселесі бойынша Үкіметаралық комитет құрылды. 1980 жылы оның қызметі Еуропа аумағынан көңейіп, миграция мәселелері бойынша Халықаралық үйім (МХҮ) деп аталды. Қазіргі кезде МХҮ-ына 101 мемлекет

мүше, 30 мемлекет бақылаушы дәрежесінде. МХҰ-ының бюджеті мүше мемлекеттердің жыл сайынғы жарналарынан және қоғамдық ұйымдардың еркіті және аймақтық жарналардан құралады. МХҰ қызметінің негізгі бағыттары: елдердің ерекше мұқтаждықтарын ескере отырып, халықтың реттелген көші-қонын қамтамасыз ету; заңсыз көші-қонды болдырмау; мемлекеттердің экономикалық, әлеуметтік және мәдени дамуы мақсатында білікті адамдар ресурсын қайта бөлу; мәжбүрлі қоныс аударушыларды ұйымдастыру; түрде көшіру; үкіметтерді және үкіметтік емес ұйымдарды тәжірибе және ақпарат алмасу мүмкіндіктерімен қамтамасыз ету. МХҰ Таяу Шығыстағы мигранттардың өз еліне қайтарылуына, көшіп кеткен ирактық күрдтердің қайтып оралуына, бұрынғы Югославиядан көшіп кеткен отбасылардың қайта табысуы мен қоныс аударуына, көрші елдерден 1,2 млн халықтың Руандаға қайтып оралуына, 190 мың босниялық босқындардың және 150 мың Косово тұрғындарының еліне қайта оралуына өз септігін тигізді. Жалпы, МХҰ өз қызметі аясында шамамен 11 млн мигрантқа көмек көрсеткен.

(05. mp3)

Қазақстан Республикасындағы миграциялық саясаттың кейбір мәселелері

Демографиялық процестердің ішінде халықтың миграциясы маңызды орын алады. Қазақстан Республикасы Үкіметінің 2000 жылғы 5 қыркүйектегі 1346-қауалысымен мақұлданған миграциялық саясатының тұжырымдамасында: «Миграция процестері мемлекеттік қауіпсіздікке, қоғамдық келісімге, елдегі экономикалық және демографиялық ахуалға өсер етеді; миграциялық саясат Қазақстанның мемлекеттік сыртқы және ішкі саясатының құрамдас бөлігі болып табылады; миграция саясатының субъектілері орталық және жергілікті атқарушы органдар болып табылады», – делінген.

Қазақстан Республикасының миграциялық саясатының тұжырымдамасы бір мезгілде сыртқы және ішкі миграцияны реттеуге арналған. Мұндай саясат мемлекеттің белгілі бір аймақтағы мигранттар қозғалысының ағымы мен құрамына ықпал ете отырып, халықтың саны мен құрамын сақтап

қалуға немесе өзгертуге бағытталады. Оның басты мақсаты – экономиканың және халықтың тиімді дамуын қамтамасыз ету, жергілікті тұрғындарды дұрыс орналастыру, оның сапалық құрамын жақсарту, аймақтардың бірдей дамуын қамту, өмір жағдайындағы әлеуметтік-экономикалық алшақтықты теңестіру.

(Ә.Нұрымов)

(06. mp3)

Әлемді өзгерткен адамдар

Дүниені өзертіп жатқандар – ақылды адамдар. Соңғы уақытта данышпандарды интеллектілік коэффициенттерге байланысты анықтайтын амалдар пайда болды. Мұның қаншалықты дұрыстығын немесе бұрыстығын ешкім дөп басып айта алmas.

Соңғы деректерге назар аударсақ, адамдардың 50%-іне жуығының IQ деңгейі төмен. Демек, жер шары тұрғындары ақыл-ой деңгейі жағынан іріктелген. Жаңалық ашып, адамзаттың дамуы жолында тер төгіп жүргендег аз ғана бөлікті құрайды.

Ең танымал ақылды адамдар:

Стивен Хокинг. Ол физика теориясын зерттеп, тіпті ғаламшар заңдылықтарын ашуға да септігін тигізген. Сонымен қатар ол – 7 бестселлер мен 14 марапаттың иесі.

Ким Унг-Йонг – Кореядан шыққан вундеркинд. «Гиннес-тің рекордтар кітабына» енген. Екі жасында екі тілді еркін меңгеріп, төрт жасында математикадан қызын есептерді шешкен. Сегіз жасында АҚШ-қа НАСА-да жұмыс істеуге шақырылған.

Пол Аллен – Майкрософт компаниясының қосалқы құрылтайшысы. Ақылын ақшаға айналдырып, 14,2 миллиард доллар байлыққа ие болған.

Сэр Эндрю Уайлс – британдық математик. 1995 жылы Ферманың ұлы теориясын ашып, әлемдегі ең қызын есепті шешті. Математика мен ғылымда әлемдік маңызға ие 15 марапаттың иесі атанған.

Америкалық Кристофер Хирата 14 жасында Калифорнияның технология университетіне түсіп, 16 жасында

НАСА-да Марсты игеру жұмыстарына атсалысқан. 22 жасында астрофизика саласы бойынша ғылым докторы атанған.

Теренс Тао екі жасында математика негіздерін игере бастаған. Тоғыз жасында университет деңгейінде математика курсына барған. 20 жасында Принстон университетінде доктор дәрежесін алған. 24 жасында профессор деңгейінде Лос-Анджелестегі Калифорния университетінде дәріс беріп, 250 ғылыми жұмысын жария еткен.

(07. mp3)

ҒЫЛЫМИ-ТЕХНИКАЛЫҚ РЕВОЛЮЦИЯ

Ғылыми-техникалық революциялардың тарихы қызық-ақ. Бірінші ғылыми-техникалық революцияға Англияда ашылған екі техникалық жаңалық негіз болса, екінші ғылыми-техникалық революцияға негіз болған ғылыми жаңалықтар мол еді және тек Англиядаға емес, көптеген елде орын алғып, талай елдің арасында бөсекелестік туындағы. Дамыған елдердің әскери құштері өзге елдерге өктемдік жүргізіп, олардың табиғи байлықтарын өз пайдасына жаратады. Дамыған елдердің әскери құштері өзге елдерге өктемдік жүргізіп, олардың табиғи байлықтарын өз пайдасына жаратады. Адамзат қол жеткізген ұлы ғылыми жаңалықтар тек ізгі ниет жолындаға емес, зұлымдық мақсаттарда да қолданыс табуды орын алды.

1895 жылы Германиядағы Вюрцбург университетінде көрнекті физик неміс Вильгельм Конрад Рентген табиғаты беймәлім сәуле ашты, оны X-сәуле деп атады. Бұл сәуле Ресейде, Қазақстанда т.б. елдерде рентген сәулесі, ал Еуропа елдерінде X-сәуле болып аталады. Осы жаңалығы үшін 1901 жылы Рентген бірінші болып Нобель сыйлығын алды. Рентген сәулесі арқылы бүйімді қаз-қалпында сақтап, оның ішкі кристалдық құрылымын зерттеу металтану және қатты денелер физикасы ғылымдарында елеулі жетістіктерге қол жеткізді. Арнайы рентген аппараттары жасалды, оларды өндіретін кәсіпорындар құрылды.

Қазақстан да осы заманауи жаңалықтан шет қалған жоқ. Бүгінгі күнде Ақтөбе қаласында рентген аппараттарын өндіретін зауыт жұмыс істеуде, оның өнімдеріне шетелдерден сұраныс жоғары.

(08. mp3)

Қазақстандағы туризм түрлері

1993 жылы Қазақстан Дүниежүзі туристік үйымының мүшелігіне енді. Елімізде туризмнің дамуы үшін барлық қажетті, мәдени, тарихи, географиялық және климаттық жағдайлар бар. Қазақстанда қандай туризм түрлері бар екенин білесіз бе? Бізде туризмнің бірнеше түрі қарқынды дамып келеді. Соларға тоқталып көрейік.

Этнотуризм – Қазақстандағы елдің бай тарихы мен қазақ халқының мәдени ерекшелігіне қызығатын адамдарды тартатын туризмнің бір түрі. Қазақстанның қай аймағында болсын, жолаушылар қазақ этносиіна тән салт-дәстүрмен, шығармашылық ерекшеліктерімен танысып, елдің мәдениеті мен түрмис-тіршілігін зерттей алады.

Қазақстанда тау туризмі үшін барлық жағдай жасалған деуге болады. Қазақстан бойынша турлар белсенді демалысты, жабайы табиғатпен кездесулерді, қарлы тау шындарына шығуды, сондай-ақ жол-жөнекей жұмбакқа толы үңгірлер мен көгілдір терең сулы көлдердің жағаларын зерттеулерді қосады.

Емдік-сауықтыру туризмі Қазақстанның барлық аумағына таралған, сондықтан сіз елдің қай жерінде болсаңыз да, емделу мен демалысты қатар қолдана аласыз. Еліміз заманауи шипажайларымен танымал. Емдік курорттар түрлі ауруларға ем болатын минералды су, бұғы мүйізімен емдеу, емдік климат және т.б. түрлі емдеу қызметтерін ұсынады.

(09. mp3)

Қарқаралы үлттық саябағы

Тарихи-археологиялық ескерткіштердің туристік-экскурсиялық сапарлардағы орны ерекше. Археологиялық ескерткіштердің кез келген нысандары туристік-экскурсия жұмыстарында маңызды орын алады. Соның ішінде Жетісудағы Сақ қорғандары, Талхиз қалашығы, Оңтүстік Қазақстандағы Отыrap, Сайрам, Батыс Қазақстандағы Сарайшық т.б. көне қалалардың орнына туристердің қызығушылығы мол. Археологиялық-тарихи ескерткіштердің қазірге дейін жеткен нысандарының ішінде қорғандар мен мазарлардың

маңызы зор. Қола дәуір ескерткіштеріне жартастағы петроглифтерді атап болады. Оларға әйгілі бірегей ғибадатханалар: Аңырақай тауының Таңбалы сайындағы, Қөксү өзеніндегі Ешкіөлмес ғибадатханасы, сондай-ақ Шолақ, Кіндіктас, Баянжурек тауларындағы тастағы суреттер жатады. Б.з.б. VI–III ғасырлардан қалған сақ қорғандары, Бесшатыр қорымындағы жерлеу камерасы және сақ әскері киімін киген «Алтын адам», 2001–2002 жылдары Шығыс Қазақстан облысы Қатонқарағай ауданының Бергі ел (Берел) қорғанында табылған «Сақ патшайымы» археологиялық туристік нысандарға жатады. Ортағасырлық Түркістан, Отырадар, Тұrbай, Құлан, Мерке, Талхиз, Жаркент т.б. елді мекендер қазіргі туристік нысандар болып табылады.

(10. mp3)

Алтынемел тау жоталары

Табиғи-рекреациялық нысандарға Солтүстік Қазақстан аймағындағы Қекшетау, Бурабай, Баянауыл, Ерейментау, Шығыс Қазақстан аумағындағы Зайсан, Марқакөл, қазақстандық Алтай, Оңтүстік Қазақстан жеріндегі Батыс, Солтүстік Тянь-Шань, Алтынемел таулары, Жетісу алабы, Батыс Қазақстандағы Үстірт, Мұғалжар, Каспий ойысы, Жайық өңірі, Орталық Қазақстандағы Қарқаралы, Қызыларай, Бектауата, Ұлытау т.б. табиғи нысандар жатады. Сонымен бірге Алматы облысындағы ұлттық саябақтар мен қорықтардың туризмді дамытуда маңызы зор. Оларға Іле Алатауы ұлттық саябағы, Түрген-Шамалған өзендері аралығындағы шатқалдар, Түрген, Есік, Талғар, Алматы, Қаскелең, Шамалған елді мекендері жатады. Алтынемел, Қекшетау, Бурабай ұлттық саябақтарында туризмді дамыту мемлекет тараптынан қолдау тауып, дамып келеді. Қазақстан аумағындағы 9 мемлекеттік қорықта да ғылыми-экологиялық туризмді дамытудың алғы шарттары қалыптасқан.

Пайдаланылған әдебиеттер

1. Қазақ тілі. Орта білім беру мазмұнын жаңарту аясында негізгі орта білім беру деңгейінің 10–11-сыныптарына арналған оқу бағдарламасы. – Астана, 2016.
2. Қазақстан. Ұлттық энциклопедия. Бас редактор Ә.Нысанбаев. – Алматы: «Қазақ энциклопедиясы» бас редакциясы, 1998.
3. Қазақ әдеби тілінің сөздігі. – Алматы, 2011.
4. Қазақ мәдениеті. Энциклопедиялық анықтамалық. – Алматы: Аруна, 2010.
5. Сыздық Р. Тілдік норма және оның қалыптасуы. – Алматы, 2001.
6. Исаев С. Қазақ тілі. Оқу құралы. – Алматы: Өнер, 2007.
7. Ерғалиев Қ. Қазақ тілінің орфографиясы мен пунктуациясы. Оқу құралы. 2-басылым. – Павлодар: ПМПИ баспасы, 2014.
8. Үәлиев Н. Сөз мәдениеті. – Алматы: Мектеп, 1984.
9. Әлімов А. Интербелсенді әдістерді ЖОО-да қолдану мәселелері. – Алматы, 2013.
10. Ермекова Т., Оданова С. Кестелі грамматика. – Алматы, 2015.
11. Отарбекова Ж., Нұржанова Б., Байтымбетова П. Нормативті қазақ тілі. – Алматы, 2015.
12. Тұрсынова Г., Шүлгенбаева Ұ., Рыскелдиева Г., Итемирова А. Қазақ тілі. Оқулық. (Экология, су ресурсы, құрылым-сәулет салаларындағы мамандықтарға арналған). – Алматы: ҚазҰТУ, 2013.
13. Қазақтың би-шешендері. Жинақ. Құрастырғандар: Төреқұлов Н., Қазбеков М. – Алматы: Жалын, 1993.
14. Әуезов М. Абай жолы: роман-эпопея. – Алматы: Жазушы, 2011.
15. Шешендік шыырлары. Жинақ. – Алматы: Қайнар, 1993.
16. Исаев С. Қазақ әдеби тілінің тарихы. – Алматы: Мектеп, 1989.
17. Балақаев М. Қазақ тілі мәдениетінің мәселелері. – Алматы, 1965.
18. Адамбаев Б. Шешендік өнер. – Алматы: Ана тілі, 2014.
19. Негимов С. Қазақ шешендік өнерінің негіздері. – Алматы: Білім, 2003.
20. Қыдыршаев А. Шешендіктану: теориясы және практикасы. Орал, 2012.

Электронды қорлар

- | | |
|------------------|-------------------|
| 1. abai.kz | 7. infourok.ru |
| 2. massaget.kz | 8. wikipedia.org |
| 3. kitap.kz | 9. alashainasy.kz |
| 4. adilet.zan.kz | 10. 7kun.kz |
| 5. boz.kz | 11. egemen.kz |
| 6. today.kz | 12. ttnotes.com |

Мазмұны

Алғы сөз	4
I БӨЛІМ. ҚАЗАҚСТАН БҮГІНГІ ӘЛЕМДЕ: ҚАЗАҚСТАННЫҢ ОТКЕҢІ МЕН КЕЛЕШЕГІ. ШЕШЕНДІК СӨЗДЕР	5
§1. Қазақ хандығының негізін қалаушылар	6
§2. «Ақтабан шұбырынды, Алқакөл сұлама»	10
§3. 1916 жылғы үлт-азаттық көтеріліс	14
§4. Ел іші – өнер кеніші	18
§5. Тәуелсіз Қазақстанның спорт тарландары	22
§6. «ЭКСПО-2017» көрмесі – ел тарихындағы ірі оқиға	26
§7. Фасырдың ұлы туындысы	30
I бөлімді қорытындылауға арналған тест тапсырмалары	33
II БӨЛІМ. ЭКОЛОГИЯ: ЯДРОЛЫҚ ЖӘНЕ МУНАЙ ӨНДİRІСТЕРІ. ШЕШЕНДІК СӨЗДЕР	35
§1. Әлемдік экология мәселелері	36
§2. Арал теңізінің экологиясы	39
§3. Семей полигонының зардабы	43
§4. Таза болса табиғат, аман болар адамзат	47
§5. Атом өнеркәсібі	51
§6. Мұнай өнеркәсібі және қоршаған орта	55
§7. Өнеркәсіп қалдықтарының табиғат апатын тудыруы	58
II бөлімді қорытындылауға арналған тест тапсырмалары	61
III БӨЛІМ. ҚАЗІРГІ ҚОҒАМ: МИГРАЦИЯ ЖӘНЕ ЗИЯТКЕРЛІК МИГРАЦИЯ. ШЕШЕНДІК СӨЗДЕР	63
§1. Халықтың миграция мәселесі	64
§2. Әлем және Қазақстандағы миграция	68
§3. Зияткерлік миграция	71
§4. Ишкі миграция	75
III бөлімді қорытындылауға арналған тест тапсырмалары	79
IV БӨЛІМ. ӘЛЕМДІ ӨЗГЕРТКЕН ӨНЕРТАБЫСТАР. ШЕШЕНДІК СӨЗДЕР	81
§1. Дүниежүзіне әйгілі өнертабыстар	82
§2. Қазақстандық өнертабыстар	86
§3. Әлемді өзгерткен өнертапқыш балалар	90
§4. Өнертабыстар тарихы	94
§5. ЭКСПО – өнертабыстар алаңы	98
IV бөлімді қорытындылауға арналған тест тапсырмалары	103
V БӨЛІМ. ТУРИЗМ: ЭКОТОРИЗМ. ШЕШЕНДІК СӨЗДЕР	105
§1. Туризм	106
§2. Туризмнің түрлері	110
§3. Қазақстандағы туризм	113
§4. Экологиялық туризм	117
§5. ЮНЕСКО-ның әлемдік мұра нысандары	121
§6. Қазақстанның інжү-маржаны – Бурабай	125
§7. Жер жаннаты – Жетісу	129
V бөлімді қорытындылауға арналған тест тапсырмалары	133
Тындалым материалдары	135
Пайдаланылған әдебиеттер	142



Электрондық нұсқа



Назар аудар

Электронды қосымша жүктелген CD қолжетімсіз болған жағдайда, қосымшаны arman-pv.kz сайтынан тауып, өз компьютеріне жүктең алуыңа болады

Оқулық басылым

Тыныштық Нұрдәuletқызы Ермекова
Клара Әлібекқызы Бертілеуова
Рая Нұрқызы Мұнасаева

ҚАЗАҚ ТІЛІ

Жалпы білім беретін мектептің 11-сыныбының
жаратылыстану-математикалық бағытына арналған оқулық

Бас редакторы К.Қараева / Редакторы Н.Абдижапарова
Техникалық редакторы В.Бондарев / Қөркемдеуші редакторы Е.Мельникова
Мүқабаның дизайны В.Бондарев / Беттегендер Т.Жумагулова, Т.Омарова, Н.Нержанова

Сатып алу үшін мына мекенжайларға хабарласыңыздар:

Астана қ., 4 м/а, 2 үй, 55 пәтер.

Тел.: 8 (7172) 92-50-50, 92-50-54. E-mail: astana@arman-pv.kz

Алматы қ., Ақсай-1А м/а, 28Б үй.

Тел.: 8 (727) 316-06-30, 316-06-31. E-mail: info@arman-pv.kz

«Арман-ПВ» кітап дүкені

Алматы қ., Алтынсарин к/сі, 87 үй. Тел.: 8 (727) 303-94-43.

Теруге 10.07.19 берілді. Басуға 10.06.20 қол қойылды. Пішімі 70x100^{1/16}.

Қағазы оғсөттік. Қаріп түрі «ММ Мектеptіk». Оғсөттік басылыс.

Шартты баспа табағы 11,61. Таралымы 41000 дана.

Артикул 811-001-002к-20